

Peqqussutissatut siunnersuummut nassuiaatit

Nassuiaatit nalinginnaasut1. Aallaqqaasiut:

Allannguutissatut siunnersuutip siunertaraa avatangiisit pillugit inatsiseqartitsinerup nukittorsarneqarnissaa, taamaalilluni taanna eqqagassalerinermi ineriartornermut naapertuunnerulerniassammat. Inatsiseqartitsinerup maanna atuuttup eqqakkani mingutserisarnerup pingaartinniarneqarnera aallaavigigaluaraa, allannguutissatut siunnersuummi pinaveersaartitsiniarnissap pingaartinniarneqarnissaa siunniunneqarpoq.

1988-imi avatangiisit pillugit peqqussutip atuutilernerata kingorna, eqqakkanut taakkualu passunneqartarnerannut avatangiisinut tunngassuteqartuni ilisimasat annertusiartuinnarsimapput. Pingaartumik nunat tamalaat avatangiisit pillugit suleqatigiinnerisa eqqakkat pillugit aalajangersaasarneq pingaarutilimmik allannguuteqarsimavoq. Eqqakkat pillugit maleruagassat ilusilersorneqarneranni ilaatigut pijuuaannartitsinissamik periaatsip isummerfigineqarnera qitiusutut erseqqissaavigineqarpoq. Pissamaatit maangaannartinneqartarnerisa killilersimaarneqarnissaat siunertaralugu stoffit atortullu ingerlaartarnerat tamarmiusoq pingaartinneqassaaq.

Allannguutissatut siunnersuut nalunaarusiaq "Kalaallit Nunaata eqqagassat pillugit inatsiseqartitsinerata misissuiffigineqarnera" (marts 2004) tunngavigalugu suliaavoq, Avatangiisinut Pinngortitamullu Pisorta qarfiup, Danmarkimi Miljüstyrelsenip KANUKOKA-llu akornanni suleqatigiinnikkut saqqummiunneqartoq. Nalunaarusiaq professorimit, dr. jur. & jur. dr. (h.c.) Ellen Margrethe Bassemmit aamma lektorimit, cand. jur. Birgitte Egelund Olsenimit suliarineqarpoq. Nalunaarusiaq suliaavoq danskit eqqagassalerinermut inatsiseqartitsineranniit, nunat tamalaat isumaqatigiissutaanniit pisussaaffiiniillu kiisalu kalaallit eqqagassalerinermut inatsiseqartitsineranni atuuttumit misilittakkat aallaavigalugit. Taamatuttaaq nalunaarusiami tunngavigitinneqarpoq "Kalaallit Nunaannut eqqakkat pillugit iliuusissatut pilersaarummut missingiut – august 2003", iliuusissanik, Avatangiisinut Pinngortitamullu Pisorta qarfiup ukiuni tulliuuttuni eqqagassalerinermut tunngatillugu pisariaqartutut naliligaanik, nassuiaatitaqartoq, tamatumani assigiissaarinissaq akuerineqarsinnaasoq anguneqarsinnaassappat.

2. Siunnersuutip immikkoortui pingaarnerusut:

Avatangiisit innarlitsaaliorneqarnissaannik peqqussut maanna atuuttoq 1988-imi suliaavoq danskit avatangiisit innarlitsaaliorneqarnissaannik inatsisaat 1974-imeersoq tunngavigalugu. Avatangiisit pillugit peqqussummik 1993-imi, 1996-imi kingullermillu 2004-mi annikitsunik iluarsisoqarpoq, tamatumani ilaatigut suliffeqarfiit immikkut mingutserisartut inatsiseqartinneqarneranni maleruagassanik ullutsinnut naleqquttunik tunngaviliisoqarluni, kingullermillu allannguuteqartitsinermi Kalaallit Nunaanni immiaaqqanik maqiinnartakkanik tuniniaasoqartalernissaanik periarfissiinissaq siunertarineqarluni.

Siornatigut allannguutigitinneqartut pingaarnertut siunertaraat pinartumik ajornartorsiutaalersut aaqqiivigineqarnissaat. Taamatuttaaqaq allannguutissatut siunnersuutigineqartut taamaattunut tunngatinneqassapput, peqatigitilluguli allannguutissatut siunnersuutip aallaavigai nunani tamalaani avatangiisinut tunngassuteqartut allannguuteqaleriartornerat.

Allannguutissatut siunnersuummi eqqakkat allatut eqqarsaatersorfigineqartarnissaat siunniunneqarpoq, tamatumani pinaveersaartitsineq nutaatut ilanngunneqassalluni. Eqqakkat pillugit inatsiseqartitsinermi nutaaliaasumi eqqakkat marloqiusatut nalilerneqarput, tamatumani eqqakkani ilaatigut pissamaateqarnermut tunngassuteqartut ilaatigullu mingutsitsinermut tunngassuteqartut ilanngunneqarlutik. Ukiuni kingullerni nunani tamalaani, tassunga ilanngullugu EU-mi, eqqakkanik nioqqutissiaasunik atoqqiinnikkut iluaquteqaqqinnikkullu eqqakkat annertussusaasa annikillisinneqarnissaat pingaartinneqariartorput, tamatumani atortussiasat piukkunnartut pineqarlutik. Taamatuttaaqaq eqqakkat annikillisinneqarnissaat eqqarsaataavoq. Avatangiisit innarlitsaaliorneqarnissaannik Inatsisartut peqqussutaanni maanna atuuttumi eqqagassalerinerlu pillugu nalunaarutini atuutsinneqartuni mingutsitsinermut tunngassuteqartut taamaallaat pingaarnertinneqarput. Siunnersuummi pissamaatinut tunngassuteqartut Kalaallit Nunaanni eqqakkat pillugit inatsiseqartitsinermut ilassutissatut ilanngunneqassapput.

Avatangiisit pitsaanerulersinneqarnissaannut atatillugu pingaarnertut eqqarsaatersuutit

Siunnersuummi avatangiisit pillugit inatsiseqartitsinermi periaatsit arlallit pingaartinneqarput, nunani tamalaani eqqakkat pillugit inatsiseqartitsinermut ilanngunneqartartut, atoqqiisarnissamik, suussutsinut agguataarisarnissamik, eqqakkat annikillisinneqarnissaannik kiisalu teknologiimik mingutserinnginnerusumik periaatsinik aallaaveqartut pillugit eqqarsaatersuutit. Allannguutissatut siunnersuummi siunertarineqarpoq, mingutsisineq mingutsitsinermillu killilersimaarinninnissaq piujuaannartitsinissamik eqqarsartarnerit aallaavigalugit nalilerneqartassasut. Nioqqutissiat avatangiisinut tunngassuteqartortaat naliliiffigineqartassapput nioqqutissiormiit igitsinermut ingerlaatsit tamaasa ilanngullugit naliliiffigisarlugit. Qularnaarneqassaaq, nioqqutissiap sapinngisamik sivisuumik piusinnaasarnissaa, sapinngisamik atoqqinneqartarnissaa iginneqarnerminilu mingutsitsinermik imaluunniit avatangiisinik akornusiinnginnissaa. Taamatuttaaqaq allannguutissatut siunnersuut suminngaanneersuuneramik periaateq tunngavigalugu suliarineqassaaq, taamaalillunilu eqqakkat annertussusii suussusersiinermi killilersimaarneqarnissaat

qularnaarneqassaaq, imaappoq eqqakkap nioqutissiornermi, atorneqarnermini assigisaanniluunniit suminngaanneersuunera. Suliarinninnerni ataasiakkaani, inuiaqatigiinnilu stoffit, atortussiat nioqutissiallu atorneqartut katinnerini, suliarinninnermi sapinngisamik nukissanik atortussianillu atuinerup annikitsuutinniarneqarnissaa, taamaalillunilu stoffit atortussiallu annertussusaat, avatangiisinut igitanut akuulersut, killilersimaarneqalersillugit. Taamatuttaaq atoqqiisarnissamut periaaseq siunnersuummi tunngaviutinneqarpoq. Periaatsip tamatuma eqqagassanik annikinnerusunik imaluunniit atortussiassanik ulorianaateqannginnerusunik pilersoqartarnissaanut stoffit nioqutissiallu atorneqareersut taarteqaatissaannik siunnersuutigineqartunik toqqaasarnissaq periarfississavai. Periaatsimi isumassarsiap tunngavigisaa tassaavoq, atortussiassat nioqutissialluunniit, inunnut avatangiisinullu ulorianaateqannginnerusut ulorianaateqarnerusut pinnagit toqqarneqartariaqartarnissaat, taakkua assigiimmik iluaqutaasinnaassuseqapajaraangata. Taamatuttaaq allannguutissatut siunnersuummi BAT-imik periaaseq (teknologiip pitsaanerpaap atorneqarnissaanik periaaseq) ilanngunneqarpoq, tamatumani aalajangersakkani arlalinni pingaartinneqarluni, teknologiip pitsaanerpaap atorneqartarnissaa. Oqariaaseq siamasissutut nassuiarneqassaaq, teknologiillu pitsaanerpaap atorneqartarnissaa teknologiip piginnaasai kiisalu avatangiisit illersorneqarnissaat inuiaqatigiillu aningaasaqarnerat eqqarsaatigalugit naliliiffigineqartarpoq. BAT-imik periaaseq sanaartukkap ilusilerneqarneranut, illutaanut, aserfallatsaalineqartarneranut, ingerlanneqarneranut atorunnaarsinneqarneranullu piumasqaatigineqartartunut pingaaruteqarpoq.

Eqqagassat pillugit inatsiseqartitsinermi periaatsit nutaat taakkua aallaavittut tunngavigaat, avatangiisit akornuserneqarnerisa pilerseqqinneqarnissaasalu kingorna akiorneqarnissaanninngarnit pinaveersaartitsinerup sunniuteqarnerusarnera.

Eqqakkat pillugit pingaarnertut eqqarsaatersuutit

Eqqakkat pillugit inatsiseqartitsinermit tunngatillugu Inatsisartut peqqussutaata 1988-imiilli atuutilernerani avatangiisit pillugit peqqussummi allannguuteqartitsisoqarsimanngilaq. Avatangiisit pillugit peqqussummi maanna atuuttumi eqqakkat annertuumik pineqanngillat. Avatangiisit pillugit peqqussummi maanna atuuttumi eqqakkanut tunngassuteqartut pingaartumik § 7, imm. 1, nr. 4-mi aalajangersaavigineqarput. Aalajangersagaq naapertorlugu Naalakkersuisut maleruagassanik aalajangersaasinnaapput, tassunga ilanngullugit eqqakkanik igitsinermut, tassunga ilaallutik uuliat akuutissallu eqqagassat pillugit, aningaasartuutit matussuserneqarnissaannut qularnaveeqqusiinissamullu aningaasartuutit matussuserneqartarnissaat. Ilaatigut aalajangersagaq taanna tunngavigalugu Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq atuuttussanngortinneqarput.

Eqqakkat eqqakkanullu tunngassuteqartunik ajornartorsiutaasartut inuiaqatigiinni akuuleriartuinnarput, taamaattumik suliaasaqarfiup sukumiisumik annertuumillu aalajangersaavigineqartarnissaa pisariaqarluni. Tamanna tunngavigalugu

siunnersuutigineqarpoq eqqakkat eqqakkanillu igitsisarneq pillugu kapitalimik avatangiisit innarlitsaaliorneqarnissaat pillugu peqqussummi ilanngussisoqarnissaa.

Tamanut tunngatinneqartumik pinaveersaartitsiniummillu avatangiisit pillugit ingerlatsineq avatangiisit pillugit peqqussummi maanna atuuttumiittumi ingerlatsinermut sakkunut ilassutissanik ingerlatsinermut sakkunik nutaanik piumasaaqateqalersitsivoq. Eqqakkat pillugit pilersaaruseriorneq suussusersiinerlu tassaapput allannguutissatut siunnersuummi nutaartaasut. Siunnersuummi piumasaaqatigineqarpoq, kommunit ataasiakkaat eqqakkat annertussusaannik suussusaannillu nassuiaateqartassasut, taamatuttaaq ullumikkut siunissamilu eqqagassalerisarneq nassuiaateqarfignissagaat, tassunga ilanngullugit sanaartukkat nutaat. Taamaaliortoqarpoq eqqagassalerinerup avatangiisit inuiaqatigiillu aningaasaqarnerat eqqarsaatigalugit pissusissamisoortumik pinissaa qularnaarniarlugu. Allanguutissatut siunnersuut aammattaaq kommunini eqqagassalerinermi inatsiseqartitsinerup erseqqinnerusumik tulluussarnerunissaanik kissaateqarnermut tunngatinneqassaaq, soorlu suliarinnittarnermi taamaaliortoqartartoq. Taamaalilluni maanna inatsiseqartitsinermi suussutsinut immikkoortiterisarnissamut piumasaaqatinik tunngavissaqartitsisoqanngilaq, soorluttaq eqqakkat suussusaannik ikuallassinnaasunik ikuallassinnaangitsunillu immikkoortiterisarnissamik piumasaaqateqarnissamut tunngavissaqartitsisoqarani. Ullumikkut illoqarfinni anginerusuni tamani eqqakkanik ikuallaavinnik tigooraavinnillu pilersitsisoqareerpoq, tamatumalu immikkoortiterisarnissaq pisariaqalersippaa, sanaartukkat taakkua siunertarinerqartut naapertorlugit ingerlanneqarluassappata. Taakkua saniatigut allanguutissatut siunnersuut allanguutinik arlalinnik ilaqarpoq, suliassaqarfinnik aalajangersaavigineqanngitsunik, ulluinnarni ajornartorsiulersitsisartunik, iluarsiiviginnittussanik. Kommunit arlallit erseqqissaatigaat, umiarsuit, angallatit, biilit snescooterillu maaniinnarmiitineqartartut ajornartorsiutaaleriartortut. Allanguutissatut siunnersuummi siunniunneqarpoq, suussutsit maaniinnarmiittut eqqagassatut naliliiffigineqartarnissaasa aalajangiiffigineqartarnissaannut kommunit piginnaatinneqalissasut, taakkualu inussarsiuunneqartarnissaannut iginneqartarnissaannullu maleruagassiisoqarpoq. Taamatuttaaq illoqarfiit nunaqarfiillu killeqarfiisa avataanni, illuaqqat illullu aasarsiortarfiit amerliartorneri peqatigitillugit, eqqagassalerinerup aalajangersaavigineqarnissaanut tunngaviliisoqarnissaa pisariaqalerpoq.

Avatangiisinut aningaasartuutit pillugit pingaarnertut eqqarsaatersuutit

Siunnersuutip kingunerissavaa avatangiisinut aningaasartuutit allatut isigineqartarlernissaat. Siunnersuummi pingaartinneqarpoq, avatangiisinut aningaasartuutit nalinginnaasumik sanaartornermut ingerlatsinermullu aningaasartuutinut ilanngullugit naatsorsuuserneqartarnissaat. Maanna avatangiisit pillugit peqqussummi atuuttumi § 8, imm. 2 naapertorlugu akiliuteqaqqusarnissamut maleruagassanik aalajangersaanissamut periarfissaqartitsisoqarpoq. Aalajangersakkap tamatuma erseqqissaavigineqarnissaa pisariaqalersimavoq, taamaattumik allanguutissatut siunnersuut aalajangersakkamik nutaamik § 35d-mi, allanguutissatut siunnersuummi nr. 10-miittumi, ilaqartinneqarpoq. Siunnersuutip § 35d, imm. 1-iani tunngaviliisoqarpoq,

eqqagassanik katersuineranut kommunit akiliuteqaqqusisinnaanerat, aammali ingerlatsinermut, aqutsinermut pilersarusiornermullu, eqqakkat annertussusaannik suussusaannillu paasissutissanik katersuineq nalunaarsuinerlu kiisalu tigooraavinnik, eqqakkanik ikuallaavinnik sanaartukkanillu allanik eqqakkanik atoqqiineranut, ikuallaanermut igitsisarnermulluunniit pilersitsinermut ingerlatsinermullu aningaasaliissuteqartarnissamut. Siunnersuutip kinguneqaatigissavaa, avatangiisinut aningaasartuutit nalinginnaasumik naatsorsorneqartarneri avatangiisinut sunniutinut akornutaasunut, nioqputissiornerup nioqputissialluunniit avatangiisinut akornusiinerisartagaannut, tunngaviutinneqartassasut Taamaalilluni siunnersuutip siunniussaraa, siunissami avatangiisitigut akuersissutini sanaartukkanut eqqakkanik uninngatitsiviusunut atorunnaarsitsinermut suliareqqiineremullu piumasaqaateqartoqartarnissaa. Siunnersuutip mingutserisup namminneerluni akiliisarnissaanut periaaseq malittaraa qularnaassallugulu, siunissami suliffeqarfinni taamaattuni atorunnaarsitsinermut suliareqqiisarneremullu aningaasartuutini Naalakkersuisut akiliisarunnaarnissaat.

Nunat tamalaat isumaqatigiissutaat pillugit pingaarnertut eqqarsaatersuutit

Allannguutissatut siunnersuut aammattaaq Kalaallit Nunaata nunat tamalaat pisussaaffiitut tunngasortaqarpoq. 1994-imi Baselimi isumaqatigiissut, Kalaallit Nunaannut piumasaqaatitaqanngitsumik, Danmarkimit atuuttussanngortinneqarpoq. Taamaalilluni Kalaallit Nunaat Baselimi isumaqatigiissummut ilaatinneqarpoq, eqqakkanut avatangiisinut ulorianaateqartunik eqqussuinissamik annissuinissamillu pinnittumut. Taamaattumik § 35f-imi siunnersuusiorortoqarpoq, Baselimi isumaqatigiissutip kingunerisaanik Kalaallit Nunaata inatsiseqartitsinerani piviusunngortitsinissamik ilapittuisussamik. Eqqakkanik nunanut allanut assartuisarnissaq pillugu kingorna Baselimi isumaqatigiissut, Naalakkersuisut 7. januar 1998-imi isumaqatigiissutigisaannik, allannguuteqartinneqarpoq. Paarlattuanillu nunanut allanut eqqakkanik ulorianaateqartunik assartuineranut atatillugu ajoqusiinerit taarsiiffiqineqartarnissaannut akisussaaffiqineqarnissaannullu Baselimi isumaqatigiissummi ilassutip Kalaallit Nunaannut atuutilernissaa Kalaallit Nunaata suli isummerfiginngilaa.

Kalaallit Nunaata ullumikkut eqqakkat ulorianaateqartut Danmarkimut nassiuussuuttarpai. Siunissami imaalerataannaavoq eqqakkat ulorianaatillit nunanut allanut nassiuunneqartalernissaat. Taamaattumik siunnersuutip siunniuppaa, eqqakkanut taaguutit immikkoortullu nunani tamalaani atuutsinneqartut, Kalaallit Nunaanni inatsiseqartitsinermut ilanngunneqarnissaat. Tamatumani Kalaallit Nunaata nunallu tamalaat akornanni amigartumik assigiissaarisoaqannginnera pissutigalugu pisuni aalajangersimasuni taaguutit taakkua atuuffiilu pillugit paatsoortoqartarsinnaanera pinngitsoortinniarlugu. Allannguutissatut siunnersuutip § 35a, imm. 2-ata pissutsit taakkua pivai.

Taamatuttaaq siunnersuutip suliarineqarnerani Århusimi isumaqatigiissummi isumassarsiorortoqarpoq. Isumaqatigiissut Danmarkimit atuuttussanngortinneqarpoq, Kalaallit Nunaannut piumasaqaatitaqanngitsumik. Isumaqatigiissut kikkut tamat avatangiisit pillugit paasissutissanik pissarsiniarsinnaanerannik, avatangiisit pillugit aalajangiinernik naammagittaalliuteqartarnissamillu naammagittaalliutillu taakkua

eqqartuussisutigut misilinneqartarnissaannut maleruagassanik aalajangersaaviuvoq. Isumaqaatigiissutip imarisaa avatangiisit pillugit apeqqutinut tunngatillugu apeqqutinullu taakkununga tunngalluinnartunut oqartussaasut "paasissutissiisarnissaattut" nassuiaasiinnarneqarsinnaalluarpoq. Isumaqaatigiissutip aalajangersaavigaa, oqartussaasut avatangiisit pillugit paasissutissanik pisariaqartunik katersuisussaataanerat sulissutigissallugulu, paasissutissat kikkunnut tamanut pissarsiariuminarsarneqarnissaat, assersuutigalugu qarasaasiaq aqutigalugu avatangiisit pillugit inatsiseqartitsinikkut, avatangiisit pillugit nalunaarusiatigut, kommunit pilersaarutaasigut eqqakkallu pillugit pilersaarutitigut.

Århusimi isumaqaatigiissutip siunniussaraa, avatangiisit pillugit soqutigisaqaqatigiit pisortat naammagittaalliuuteqartarfiini eqqartuussisunilu naammagittaalliuuteqarnissamut periarfissinneqartarnissaat. Taamaattumik siunnersuutigineqarpoq, avatangiisit innarlitsaaliorneqarnissaannik Inatsisartut peqqussutaanni isumaqaatigiissutip kaammattuutaasa ilanngunneqarnissaat. Naammattittaalliuuteqarsinnaatitaasut ilaneqarnissaat § 41, nr. 4-mik nutaamik ilanngussinikkut peqatigiiffinnik soqutigisaqaqatigiinnillu, sukisaarsartarfinnik pingaarutilinnik soqutiginninnermik isumaginnittussat siunertaqartunik, amerlineqarnissaat siunnersuutigineqarpoq.

3. Pisortanut aningaasaqarnikkut aqutsinikkullu sunniuteqaataasussat:

Siornatigumut sanilliullugu allannguutissatut siunnersuummi eqqagassalerinermi pinaveersaartitsiniarnerunissaq siunniunneqarpoq. Avatangiisit akornuserneqarnerisa pilerseqqinneqarnissaat kingorna akiorneqarnissaanninngarnit pinaveersaartitsineq sunniuteqarnerusarpoq. Inuiaqatigiit aningaasaqarnerat eqqarsaatigalugu illersorneqarsinnaanngitsumik passussinerit kingunerisaannik ajoqusiinerit kingunerisaasa iluarsineqartarnissaanninngarnit pinaveersaartitsineq akikinneruvoq. Avatangiisit pillugit peqqussut maanna atuuttoq killiliussaqaarfittut inatsiseqartitsinertut ilusiligaanera pillugu, siunnersuummi allannguutit amerlanerit pingaartumik nalunaarummi sukumiisumik maleruagassanik aalajangersaanissamik tunngavissiiviginnittuupput. Nalunaarutitik suliaqarnermi aningaasaqarnikkut aqutsinikkullu sunniuteqaataasussat tusarniaaffiginninnikkut qulaarneqassapput, tamatumani susassaqtut tamarmik, allannguutitik attuisussat, tusaaniarneqassallutik. Kingorna suliassaqaarfimmi nalunaarut aningaasartuuteqarnerulernermik kinguneqartitsisussat paasineqassagaluarpat, aningaasartuutaanerulersussat taakkua Naalakkersuisut nalinginnaasumik aningaasaqarnikkut tulleriiaarineritut ilanngunneqarumaarput. Taamatuttaaq iliuitsit kommuninut aningaasaqarnikkut sunniuteqaateqartitsisussat ataatsimoortumik tapiissutit eqqarsaatigalugu Namminersorerullutik Oqartussat KANUKOKA-llu akornanni isumaqaatigiinniutissaatinneqartassapput.

Avatangiisit innarlitsaaliorneqarnissaannik Inatsisartut peqqussutaata allannguutissaatut siunnersuutip aningaasaqarnermut tunngasutigut naliliivigineqarnera pillugu allakkiamik 2005-imi suliaqartoqarpoq. Allakkiaq "Kalaallit Nunaanni eqqagassalerinermut tunngasunik aningaasaqarnikkut misissueqqissaarneq" (maj 2005) ilaatigut Aningaasaqarnermut Pisortaqarfiup peqqusineratigut ingeniurrit siunnersuisartut suliffeqarfiannit Carl Bromit suliaavoq.

Aningaasaqarnikkut misissueqqissaarnerup tunngavittut piunasaqaatitaa tassaavoq, iliuusissatut siunnersuutigineqartut tamarmik ukiuni qulini tulliuuttuni akuersissutigineqarnissaat aallartinneqarnissaallu. Taamaalilluni siunnersuummi aningaasaqarnikkut sunniutaasussat qaffasinnerpaaffissaannut naatsorsorneqarput.

Aningaasaqarnikkut misissueqqissaarnerup tunngavia tassaavoq iliuusissat aqqanillit allannguutissatut siunnersuutip imarisaasa peqqissaartumik misissuiffigineqarnerat. Iliuusissat ataasiakkaarlugit, taakkua siunertaat, nassuiaataat piunasaqaataallu kiisalu iliuusissap aningaasaqarnikkut sunniutissaatut ilimagineqartut misissuiffigineqassapput. Aningaasaqarnikkut misissueqqissaarnerup sunniutissai ilaatigut pisortanut (Namminersornerullutik Oqartussat kommunillu ataatsimoortillugit) namminersortunut inunnillu ataasiakkaanut (kalaallit inuussutissarsiutinik ingerlataqartut innuttaasullu) naatsorsuusiugaapput.

Misissueqqissaarnermi misissugassat pingaarutillit pingasut saqqummiuteqqaarneqassapput. Siullermik aallarniutitut aningaasartuutit, allannguutissatut siunnersuutip toqqaannartumik sunniutigisassaataat ilimagineqartut aningaasartuutillu, nalunaarutitigoortumik maleruagassat aalajangersarneqartussat kingunerisassaataat, misissorneqassapput. Taamaalilluni misissueqqissaarnerup piffissaliussartaa soqutiginaateqalissaaq, aningaasartuutimmi siunnersuutip akuersissutigineqarnerata kinguninngua paasinarsissammata allallu aatsaat kalaallit inuiaqatigiivinit sunniutissartaat nalunaarutit suliarineqareerpata paasinarsissallutik. Misissueqqissaarnermi piviusunnngortitsinissaaq ukiunut qulinut piffissaligaavoq, aallaqqaasiummili erseqqissaatigineqarpoq, aningaasaqarneq aqutsinerlu eqqarsaatigalugit piffissaliussamik sivilunerulaartitsinissap iluaqutaanissaa. Aappaattut aningaasaqarnikkut misissueqqissaarnerup sunniutissai ilaatigut Namminersornerullutik Oqartussanut kommunillu ataatsimoortillugit namminersortunut kalaallit inuussutissarsiutinik ingerlataqartuunut innuttaasunullu paasinarneqarput. Taamatuttaaq aningaasaqarnikkut sunniutissanut aningaasaliinerit, ingerlatsinermut aningaasartuutit aqutsinikkullu aningaasartuutit naapertorlugit naatsorsuusigaassapput.

Misissueqqissaarnerit inernerit ilanngussani marlussunni paasiuminarsarlugit saqqummiunneqassapput, tamatumani iliuusissanut ataasiakkaanut, assersuutigalugu pisortanut, sunniutissatut ilimagineqartut immikkoortinneqassallutik, iliuusissallu ullumikkut ukiullu qulit ingerlaneranni sunniutissaat takuneqarsinnaassallutik.

Avatangiisit pillugit peqqussitissatut siunnersuutip kingunerisaanik misissueqqissaarneq iliuusissanut aningaasaliinissamik siunnersuutinik imaqartinneqarpoq. Eqqagassat pillugit aqqissuussinerit aallaavittut akiliuteqartitsisarnikkut, akileraartarnikkut, avatangiisit illersorniarlugit akitsuusiinikkut imaluunniit aalajangersimasunut akileqqusisarnikkut tunisassiortunillu akisussaatisinermut aqqissuussinertigoortumik, tamatumani tunisassianik sanaartortut tunisassiat eqqagassartaasa iginneqartarnissaannut aningaasaliisarnersigut, aningaasaliiffigineqarsinnaapput. Aningaasaliinerittaaq inuussutissarsiortuniit inunnillu ataasiakkaaniit nammineerluni akiliisarnikkut pisinnaapput, assersuutigalugu biilit iginneqarneranni imaluunniit suliffeqarfimmi avatangiisinik misissueqqusinermi.

Misissueqqissaarnikkut siunnersuummi aningaasaqarnikkut aqutsinikkullu sunniutaasussat naliliiffigineqarnissaannut pisortanut inuussutissarsiuteqartunullu tunngavissanik patajaatsunik suliarinnittoqarpoq. Pisortanut sunniuteqaataasussat kinguliini eqikkarneqassapput.

Iliuserineqartussat, Namminersorerullutik Oqartussanut kommunillu ataatsimoortumik aningaasaqarnikkut sunniuteqaataasussat, tassaapput pisortat ingerlataanni mingutserinerup killilersimarneqarnissaanut iliuuserineqartut, eqqagassalerinermut tamarmiusumut tunngatillugu kommuninut siunnersuineq ilitsersuinerlu, kommunini suussutsinut immikkoortiterisalernissaq, eqqagassaleriffinni pisortanik sulisorisanillu pikkorissartitsinerit, eqqaaviit atorunnaakkat atorunnaarsinneqartarnerat, siunissami eqqaavinnik avatangiinut qularnaarinninnermi sillimmasiinerit, kommunini eqqagassalerinerup siuarsarneqarnissaa nunalu tamakkerlugu ukiunut sisamanut eqqakkat pillugit iliuusissatut pilersaarusioneq.

Pisortat ingerlataanni mingutsitsinerup killilersimarneqarnissaanut iliuuserineqartussat siunnersuutip § 4a-p aallaavigai. Aningaasaqarnermut sunniutissat misissoqqissaarneqarneranni iliuusissat erseqqissut arlallit eqqarsaatersuutigineqarput, eqqakkat pilersinneqartartut annertussusaannik annikillisisussanik, eqqakkat immikkoortiterneqartarnissaannik pitsaanerulersitsisussanik, eqqakkat uninngatinneqartartut ikilisinneqarnissaannik, kiisalu Namminersorerullutik Oqartussani kommuninilu avatangiisinut mingutsitsisuunngitsunik pisiniartarnerup siuarsarneqarnissaanut iliuusissat. Iliuusissat erseqqissut tassaapput immikkut suliaqartartunut sammititanik paasisitsiniaanerit, toqqakkanut toqqaannartumik suliffeqarfinnullu ataasiakkaanut angisuunut iliuuseqartarnerit, oqalugiartitsinerit isumasioqatigiissitsinerillu. Ukiumut ingerlatsinermut aningaasartuutit tamarmiusut 350.000 kr.-iussapput aqutsinissamullu 250.000 kr.-iussallutik.

Misissueqqissaarnermi sillimaffigineqarpoq, siunnersuummi atuarneqarsinnaasutut, iliuuserineqartussat saniatigut innuttaasunut inuussutissarsiuteqartunullu kiisalu pisortat oqartussaasuinut tunngatillugu paasisitsiniaanissanut aningaasanik immikkoortitsinissaq aamma pisariaqassasoq. Taamatuttaaq kommunit siunnersorneqartarnissaannut periarfissat annertusineqarnissaat pilersinneqartariaqarpoq. Iliuserineqartussat nutaat taakkua piviusunngortitsinissaasa naammaginarthuunissaannut pisariaqartitsineq nalilerneqarpoq, siunnersuummi annertuujuvoq innuttaasut, suliffeqarfiit kommunillu pisussaaffinnik arlalinnik nutaanik pisussaaffiliissammat.

Nalilerneqarpoq, pingaartumik eqqagassalerinermut suliassaqarfik eqqarsaatigalugu, kalaallit kommuniinik siunnersuisarnissap ilitsersuisarnissallu annertusineqarnissaat pisariaqarnerulissasoq. Kommunit eqqakkat pillugit pilersaarutinik eqqakkallu pillugit ileqqoreqqusanik, eqqakkanik pitsaanagerusumik immikkoortiterneqartalernissaannik eqqakkanillu ikuallaavinnik pitsaanagerusumik ingerlatsisalernissaannut eqqaavitoqqallu atorunnaarsinneqarneranni suliareqqinneqartarnerannilu mianersorerunissamik suliniuteqalernissaannik siunnersuut imaqartinneqarpoq. Siunnersuutigineqarpoq, ilitsersuisarnissat taakkua

isumagineqarnissaannut Avatangiisinut Pinngortitamullu Pisorta qarfirmi sulisorisassamik ullup affaani atorfinitsitsisoqarnissaa. Aningaasartuutissat ukiumut katillugit ingerlatsinermut 50.000 kr.-iussapput aqutsinermilu allaffissornermut 250.000 kr.-iussallutik.

Eqqakkat suussusiinik immikkoortiterisalerneq kommunini arlalinni tigooraavilinni allanillu pilinni pilersinneqareerpoq. Piunasaqaatigineqarpoq, ikinnerpaamik eqqakkanik ulorianaatilinnik, qarasaasianik eqqagassanik aamma nillartaatsivinnik qerititsivinnillu immikkoortiterisalerneq.

Suussutsinut immikkoortiterisarnissami aningaasartuutit qulaarneqarnerat kommuninut angisuunut, immikkoortiterisarnermik aallartitsisimasunut, kommuninut mikisunut akunnattunullu nunaqarfinnullu aningaasartuutit agguataagaapput. Ingerlatsinermut aningaasartuutit kiisalu aningaasaliissutissat amerlassusaat innuttaasut amerlassusaasa kiisalu sanaartukkat atuuttut pisinnaasaat apeqqutaatillugit naatsorsugaapput. Erseqqissaatigineqarpoq, kommunini suussutsinut immikkoortiterisalerneq aningaasaqarnikkut sunniutissai nunami maani Danmarkimilumi suliniutini misilittakkat kisitsisaat tunngavigitinneqarmata, kisitsisilli eqqoqqissaannginnerat eqqarsaatigineqassaaq.

Piunasaqaatigisassat misissueqqissaarnermi saqqummiunneqartut eqqarsaatigalugit nalilerneqarpoq, kommunini angisuuni suussutsinut immikkoortiterisalerneq 82.500 kr.-inik aningaasaliisoqartassasoq ingerlatsinermullu 660.000 kr.-inik aningaasaliisoqartassalluni, kommunini mikisuni akunnattunilu 500.000 kr.-inik aningaasaliisoqartassasoq maannamiillu ingerlatsinermut 200.000 kr.-inik, aaqqissuussinerullu tamakkiisumik inerisarneqareerpat ukiut qulit qaangiuppata 1.900.000 kr.-inik aningaasaliisoqartarnissaa. Nunaqarfinnut aningaasartuutissat ukiumut 60.000 kr.-inik aningaasaliisarnissat ingerlatsinermullu sanaartugassamut pilersaarut saqqummiunneqartoq naapertorlugu 30.000 kr.-it. Aaqqissuusineq ukiut qulit qaangiuppata piorsarneqareerpat, ukiumut ingerlatsinermut aningaasartuutit katillugit 270.000 kr.-iusassapput.

Siunnersuummi § 7, imm. 1, nr. 17 naapertorlugu avatangiisinik artukkiinnginnissaq pillugu naatsorsuutiniq suliaqartalernissamik taakkuninngalu tamanut saqqummiussisarnissamik Naalakkersuisut maleruagassaliorsinnaapput. Aalajangersagaq ilanngunneqarpoq avtangiisinik ar-tukkiinnginnissaq pillugu naatsorsuutiniq suliaqartalersinnaanissaq periarfissinniarlugu Inatsi-sartut 2006-imi upernaakkut ataatsimiinnermini (UPA 2006/42 aamma 56) aalajangiaat naapertorlugu.

Aningaasatigut kingunerisassat pillugit misissueqqissaarnerit 2005-imi ingerlanneqarmata avatangiisinik artukkiinnginnissaq pillugu naatsorsuutiniq suliaqartalernissap aningaasatigut kingunissai ilanngunneqarsimanngillat. Nunatsinnili pilersaarut naammassineqarsimasoq Danmarkimilu kisitsisitigut misilittakkat aallaavigalugit avatangiisinik artukkiinnginnissaq pil-lugu naatsorsuutiniq suliaqartalernissami Namminersornerullutik Oqartussanut kommuninul-lu aningaasatigut ataatsimut kingunerisassat ersersinniarneqarsimapput.

Avatangiisinut Pinngortitamullu Pisorta qarfik avatangiisinik artukkiinnginnissaq pillugu naatsorsuutini suliaqartalernissaq pillugu peqqussutissamik suliaqassaaq, avatangiisinik artukkiinnginnissaq pillugu naatsorsuutini suliaqartalernissamut ilitsersuutini ilalerlugu. Suliassanut pineqartunut aningaasartuutissat missingersuutaareersut iluanni tiguneqarsinnaanissaat naatsorsuutigineqarpoq. Avatangiisinik artukkiinnginnissaq pillugu naatsorsuutini suliaqartalernissamut kommunit annertunerusumik ilitsersorneqarlutillu siunnersorneqartarnissaat ilimagsariaqarpoq. Siunnersuutigineqarpoq avatangiisinik artukkiinnginnissaq pillugu naatsorsuutini suliaqartalernissaq pillugu kiisalu avatangiisinit pillugit aqutsineq pillugu ukiumut marloriarluni isumasioqatigiisitsisoqartassasoq Ingerlatsinermut aningaasartuutissat ukiumut 200.000 kr.-iunissaat naatsorsuutigineqarpoq.

Avatangiisinik artukkiinnginnissaq pillugu naatsorsuutini suliaqartalernissap eqqunneqarneratigut kommunit arlalitsigut nutaanik suliakkerneqassapput. Kommunit isumagsarilissavaat kommunit paaqqinnittarfii, pisortat illuutai, tassunga ilanngullugit timersortarfii, atuakkanik atoniartarfii piorsarsimassutsikkullu illuarsuisa nukissamik atuineri pillugit paasissutissamik katersisarnissaq. Paasissutissat katersorneqartut avatangiisinik artukkiinnginnissaq pillugu naatsorsuutini suliaqarnissami tunngavigineqassapput, takkulu sakkutut atorineqassapput kommunit avatangiisit pitsannorsarniarlugit sulineranut atatillugu nakkutilliinissami aqutsinissamilu kiisalu avatangiisit pillugit kommunini innuttaasunik oqallinnernik aallartitsinissani.

Avatangiisinik artukkiinnginnissaq pillugu naatsorsuutini kommunini suliaqartalernissaq naatsorsuutigineqarpoq agguaqatigiisillugu 250 tiiminik sivilissuseqassasoq, taakkulu suliffeqarfiit marluk avatangiisinik artukkiinnginnissaq pillugu naatsorsuutini suliaqartarnerisa annertoqatigaat. Taamaasilluni ingerlatsinermut ukiumut aningaasartuutissat 30.000 kr.-iunissaat naatsorsuutigineqarpoq. Piffissami ungasinnerusumi pisariaqarsinnaavoq uuttortaanermut atortutigut, ingerlaavartumik nukissatigut aserfallatsaaliinermut aamma nukissaqarnermut pitsannorsaaqassasoq. Sisimiut Qaqortullu kommuuniisa avatangiisinik artukkiinnginnissaq pillugu naatsorsuutini suliaasali siulliit takutippaat aningaasatigut ileqqaarnissamut periarfissaqartoq pimoorullugu sulissutigigaanni soorlu innaallagissamik, imermik kiassarnermillu atuinerit appartinnissaat. Kommunit pineqartut aappaanut avatangiisinik artukkiinnginnissamik naatsorsuutini suliaqartalerneq annertunerusumik aningaasartuuteqalernermik kinguneqanngilaq paarlattuanilli naatsorsuutigineqarluni ukiut 3-5 ingerlanerani ileqqaarfiusinnaalissasoq.

Siunnersuummi § 7, imm. 4 naapertorlugu sanaartukkani mingutseriffiusartuni ingerlatsinermi pisortaat sulisorisallu ilinniartinneqartarnissaat pillugu Naalakkersuisut maleruagassamik aalajangersaasinnaapput. Aningaasaqarnikkut sunniutissat misissoqqissaarneqarneranni eqqakkanik ikuallaavinni eqqaavinnilu kiisalu tigooraavinni sulisorisani ingerlatsinermullu pisortanik ilinniartitsinerit naatsorsuusiugaapput. Sulisorisat ataasiakkaat inuup atuuffianut ulluinnarnilu suliaanut sammititamik pikkorissarnissamik neqeroorfigineqartassapput. Pikkorissartitsisarnernut aningaasartuutit maanna ilisimaneqartut aallaavigalugit

siunnersuummi nalilerneqarpoq, ukiumut ingerlatsinermut 530.000 kr.-inik allaffissornikkullu aqutsinermut 100.000 kr.-inik akeqassasut.

Siunnersuutip § 23, imm. 6-ianni eqqaaviujunnaartut atorunnaarsinneqartarnerannik pinnippoq. Erseqqissaatigineqassaaq, atorunnaarsitsinissanut suliareqqiinnissanullu maleruagassanik erseqqissunik suli oqaasertaliussisoqanngimmat, taamaattumillu atorunnaarsitsinissat aningaasaqarnikkut sunniutissaat nalorninalaarput. Misissueqqissaarnermi piumasaqaatigineqarpoq, Kalaallit Nunaanni tamarmi eqqaaviit 25-t missaat atorunnaarsinneqassasut, ukiumullu eqqaavimmik ataatsimik atorunnaarsitsisoqartartoq. Suliassanut ilaapput eqqakkanik mingutserisartunik piiaaneq, saviminernik sanaartornermilu eqqagassanik immikkoortiterineq ittujaarsaanerlu, eqqakkanik ikuallajasunik immikkoortiterineq kiisalu ujaqqat allallu atorlugit matoorineq pisariaqarfiaigullu kuuffissiorneq. Taamaalilluni illoqarfimmut nunaqarfimmullu qanittuniittunut minguttalinnik seersisarneq annikillisinneqassaaq. Eqqaavimmik atorunnaarsitsineq agguaqatigiissillugu akigisassaa 500.000 kr.-inut nalilerneqarpoq.

Siunnersuummi § 23, imm. 7 naapertorlugu, ingitserisarnernut atortunut eqqaavinnullu nutaanut aningaasaqarnikkut qularnaveeqqusiisarnissaq piumasaqaataavoq, pisariaqartumik saliinissaq, avatangiisinut tunngatillugu atorunnaarsitsineq suliareqqiinerlu eqqortumik ingerlanneqartarniassammata.

Allannguutissatut siunnersuummi § 23, imm. 6-8 naapertorlugit, suliffeqarfinnut kapitali 5-imiittunut, sanaartukkanut eqqakkanik uninngatitsivinnut tunngasunut, siunissami atorunnaarsitsinissamut suliareqqiinnissamullu piumasaqaateqartoqartassaaq. Taamaalilluni ingerlatat taamaattut atorunnaarsitsinermut atatillugu ullumikkumut naleqqiullugu aningaasartuutaanerusallissapput. Tamatuma aningaasaqarnikkut sunniutissai suliffeqarfiup suussusianut annertussusianullu apeqquusiissapput.

Taamatuttaaq suliffeqarfinnut kapitali 5-imiittunut qularnaveeqqusiisarnissaq pillugu Naalakkersuisut maleruagassanik aalajangersaasinnaapput. Qularnaveeqqusiisarnissap piumasaqaatigissavaa suliffeqarfimmik aallartitsinermut imaluunniit annertunerulersitsisinnaanermut nammineq aningaasaateqarluarnissaq. Qularnaveeqqusiisarnissamut aningaasat piumasaqaataasartussat qanoq amerlatiginissaasa apeqqutaatissavaat, suliffeqarfiup suussutsit ataasiakkaat uninngatitai suliffeqarfiullu annertussusia. Tamatumani suliffeqarfiit eqqakkanik uninngatitsisut kapitalilu 5 naapertorlugu akuersissuteqartussaataasut pineqarmata, suliffeqarfik kiisalu sullissiviit allat taamaatunik soqutigisaqartut qularnaveeqqusiinissamik piumasaqaateqarnermut atatillugu tusarniarneqarumaarput.

Eqqaavinnut qularnaveeqqusiisarnissap qularnaassavaa, atorunnaarsitsereernerme pineqartumi sillimaffigineqanngitsumik pisussanut, atorunnaarsitsinermut, avatangiisit misissuiffigineqartarnissaannut aningaasartuutitut matussutissaqartoqarnissaa. Qularnaveeqqusiinissap qanoq annertutiginissaanut naatsorsuinerit danskit eqqaaviini qularnaveeqqusiinissat naatsorsorneqarneranni

Miljustyrelsenip paasissutissanik suliaasa naatsorsorneqarnerannut atatillugu ajutooratarsinnaanernut aningaasartuutitut tunngassuteqartillugit suliaapput.

Eqqaavimmut qularnaveeqqusiinissamut piunasaqaataasussat 1.860.000 kr.-iusussatut nalilerneqarput. Taakkua ataatsimoortumik immikkoortitanut aaqqissuussinermut ataatsikkut akilerneqartarnissaat, aningaaseriviit qularnaveeqqusiussaattut imaluunniit pinngitsoorani sillimmasiinikkut akiliisoqartarnissaa sulii isumannaarneqanngilaq. Eqqaavimmik nutaamik pilersitsinermi ukiut marlukkuutaarlugit qularnaveeqqusiisoqartarnissaanik piunasaqaateqartoqarsinnaavoq, taamaalillunilu suliniutissamut aningaasaqarnikkut sunniutaasussat ukiumut 930.000 kr.-iussapput.

§ 35c, imm. 2 aamma 4-mi allassimavoq, kommunit eqqakkat pillugit pilersaarusiussasut sumiissusersiisasullu, kommunip eqqagassalerinermik pilersaarutaanut ilanngunneqartussanik. Aningaasaqarmermut sunniutissat naatsorsorneqarnissaanni piunasaqaataavoq, suliap siullermeerluni aallartinneqarneranut eqqakkat pillugit ileqqoreqqusap eqqakkallu pillugit pilersaarutip imarisassanik najoqqutassiortoqassasoq. Eqqakkat pillugit pilersaarut ukiut sisamakkuutaarlugit suliarineqartassaaq, agguaqatigiissillugulu ukiumut aningaasartuutissat 275.000 kr.-iussangatinneqarput.

Ukiuni tulliuuttuni qulini kommunit ilimagisariaqassavaat eqqagassalerinermik suliaasaqarfimmi nukittorsaanissartik pimoorutilissagaat, oqartussaasutut suliaasani, pisortat/inuit ataasiakkaat suliffeqarfiinik ilitsersuineramik ikorfartuinerinilu kiisalu kommunini piunasaqaatit aaqqissuussinerillu nutaat piviusunngortinneqalernissaannut. Piunasaqaatigineqarpoq kommuninut tamanut nukissanik tunniussuinissamik pisariaqartitsisoqassasoq, eqqagassalereriaatsip ineriartortitseqqinnissanut, ileqqoreqqusat allallu nutarterneqarnerinut ullup affaa sulisorisassamut naapertuuttussamik. Aningaasartuutissat tamarmiusut ukiumut 4.500.000 kr.-iussangatinneqarput.

Kommunit eqqagassanut akiliutigisartagassaasa imarisassaat allannguutissatut siunnersuummi imaalillugit immikkoortortaligaassapput, tassani erseqqissumik allassimassalluni, kommuninut ataasiakkaanut akiliuteqartitsisarmi aningaasartuutit sorliit matussusiivigineqartarnissaat. Nalilerneqarpoq, kommunit siornatigornit ilimagisaagaluartutut katersuisarnissamik aaqqissuussinermut aningaasartuutiviit piinnarnagit, aammali ingerlatsinermut, aqutsinikkut allaffissornermut sanaartukkallu pilersinneqarnerinut, matussusiisarnissaat. Tamatuma kinguneraa, kommunit eqqagassalerinermut eqqakkanillu igitsisarnermut atatillugu aningaasartuutiviinik matussusiisalerunerunissaq. Taamatuttaaq eqqagassanut akiliuteqartitsisarneq aningaasartuutit nutaat ilaannik, sanaartukkat atorunnaarsinneqarneranut suliareqqiinerinullu paasissutissanik katersuinerimi nalunaarsuinerinilu kommunit akilertaligassaannik matussusiissutaasinnaassasoq.

§ 36b naapertorlugu siunnersuutigineqarpoq, Naalakkersuisut ukiut sisamakkuutaarlugit eqqakkat pillugit iliuusissatut pilersaarusiortassasut. Piffissassaliussasatut pilersaarut, aningaasaqarnikkut sunniutissanut tunngaviutinneqartoq, naatsorsuinerinik nalorninartunik kinguneqartitsisimasoq

siuartinneqarpoq. Avatangiisinut Pinngortitamullu Pisortaqarfiup ilimagaa, eqqakkat pillugit iliuusissatut pilersaarut siulleq 2009-mi piariissasoq, taamaalilluni kommunit sumiissusersiineramik pilersaarusiornermillu suliaqarnertik aallartissinnaalissallugu.

Nuna tamakkerlugu eqqakkat pillugit iliuusissatut pilersaarusiornissaq naqiterisitsinernut 6.250 kr.-inik ingerlatsinermut aningaasartuutitut 87.500 kr.-inik allaffissornikkullu aqutsinermut 31.250 kr.-inik akeqassangatinneqarpoq (eqqagassat pillugit iliuusissatut pilersaarummik suliaqarnermut ataatsimut Avatangiisinut Pinngortitamullu Pisortaqarfimmi qaammatini pingasuni suliaqarneq). Aningaasartuutit ukiut sisamakkuutaarlugit takkuttassapput, aningaasartuutissanut 500.000 kr.-inut naapertuuttussat. Taamaattumik ukiumoortumik ataatsimut aningaasartuutissat agguaqatigiissinnerat 125.000 kr.-iussaaq.

Iliuusissat tamarmisut piviusunngortinneqassappata pisortanut aningaasaqarnikkut sunniuteqaataasussat katinneri:

Ingerlatat	Ukiumoortumik aningaasartuutissat	
	Sanaartukkanut	Ingerlatsinermut allaffitsigullu aqutsinermut
Mingutsitsinaveersaartitsineq	0	600
Kommunit siunnersorneqarnerinut	0	300
Suussutsinut immikkoortiterineq, kommunit angisuut	82,5	660
Suussutsinut immikkoortiterineq, kommunit mikisut akunnattullu	500	1.900*
Suussutsinut immikkoortiterineq, nunaqarfiit	60	270*
Avatangiisinik artukkiinnginnissaq pillugu naatsorsuutit	0	200
Pikkorissartitsinerit	0	630
Eqqaaviit atorunnaarsinneqarnerat	500	0
Kommunit eqqagassalerineq pillugu pilersaarutaat	0	275
Kommunit allaffitsigut aqutsinerat	0	4.500
Nuna tamakkerlugu eqqakkanut iliuusissatut pilersaarut	6,25	118,75
Katillugit	1.148,75	9.453,77

Aningaasat tamarmiusut 1.000-inngugaapput. * Aaqqissuussinermut tamakkerlugu ineriartortitamut ingerlatsinermut aningaasartuutit tamarmiusut takussuserneqarput.

Allakkiami ilaatigut kommunini tamani iliuusissatut siunnersuutigineqartut piviusunngortinneqarnissaannut ukiunilu quliusuni suliniuteqarnermi aningaasaqarnikkut sunniutaasussat eqikkarneqarput. Misissueqqissaarnermi atuarneqarsinnaavoq, siunnersuutip aningaasatigut sunniutissai tamarmiusut Namminersornerullutik Oqartussanut 1.000.000 kr.-iussasut tamatumani kommunimut ataatsimut ukiumoortumik agguaqatigiissillugu 600.000 kr.-iussallutik (kommunit aaqqissuussaananeranni kommunit 18-it).

Misissueqqissaarnermi ukiuni quliusuni siunnersuutip aningaasaqarnikkut sunniuteqaatissai nassuiarneqarput. Piumasaqaataasoq tassaasimavoq, iliuusissat siulliit 2006-iuinnalerpat aallartinneqarsinnaasasut, taamaattumik misissueqqissaarnerup inerneru nalorninartoqalaassapput. Siunnersuutip aningaasaqarnikkut sunniutissai tamakkiisut ukiumut 7.040.000 kr.-it aamma 13.165.000 kr.-inut nalilerneqarput. Takussutissiami atuarneqarsinnaavoq, kalaallinut inuiaqatigiinnut aningaasaqarnikkut sunniuteqaataasussat piffissaliussat pilersaarummi saqqummiunneqartumi iliuusissat aallartinneqareerneranni ukiut arfineq pingasuni annertunerpaaffimminniissasut.

Naggasiutigalugu sanaartornermut aningaasartuutissat, ukiuni qulini siunnersuutaasut tamarmiusut piviusunngortinneqarneranni ingerlatsinermut allaffitsigullu aqutsinermut aningaasaqarnikkut sunniuteqaataasussat katinnerisa naatsorsorneqarneri naatsorsuusiorneqarput.

Allannguutissatut siunnersuutip nr. 10a-vani, § 35a, imm. 3-mi eqqakkat pillugit aqutsinermut tunngatillugu paasissutissiisussaataaneq pineqarpoq. Aalajangersagaq kommuninut, inunmut ataasiakkaanut, suliffeqarfinnut Naalakkersuisunullu sunniuteqaateqarnissaa nalilerneqarpoq. Aalajangersakkami tamatumani Naalakkersuisut eqqakkat pillugit aqutsinermut pingaaruteqartunik suliffeqarfiit paasissutissanik pissarsiniarfigineqartarnissaannik periarfissinneqassapput. Tamatuma kinguneraa, suliffeqarfiit peqquneqarsinnaasut assersuutigalugu eqqakkat takkussuuttut eqqakkallu annertussusaat uuttortaanermilu annertussutsinut sanilliulugu pisariaqartumik inernernik eqqakkat pillugit oqartussaasut pisariaqartitaannik pissarsiniarnissamut paasissutisseeqquneqarsinnaalernissaat. Aalajangersagaq assersuutigalugu kommunit eqqakkanut sanaartugaannut atorneqarsinnaalluassaaq. Aningaasaqarnikkut sunniuteqaataasussat eqqoqqissaartumik nalilerneqarnissaat ajornakusoorpoq, tamatumanimi suliffeqarfiup suussusia aalajangersakkallu qanoq annertutigisumik atorneqarnerat apeqqutaassammata. Naalakkersuisut, aalajangersakkap atorneqarnerani, allaffisigut aqutsinermi aningaasartuuteqarnerulissapput.

4. Inuussutissarsiutinik ingerlataqartunut aningaasaqarnikkut allaffitsigullu aqutsinermut sunniuteqaataasussat:

Allannguutissatut siunnersuummi aningaasaqarnikkut sunniutissanik misissueqqissaarneq aammattaaq allannguutissatut siunnersuutip malitsigisaanik

iliuusissanik ataasiakkaanik imaqartinneqarpoq. Iliuusissat ilaat taakkua arlallit kalaallit inuussutissarsiutinik ingerlataqartuinut aningaasaqarnikkut allaffitsigullu aqutsinermut sunniuteqaataannisat ilimagineqarpoq.

Allanngutissatut siunnersuummi § 35c aamma § 35 d naapertorlugit, allannguutissatut siunnersuummi siunniunneqarpoq, innersuussinissamut igitsiviusus-sanillu kommunit akisussaaffilerneqarnissaat, biilinillu, umiatsiaanik snescooterinillu avatangiisit eqqarsaatigalugit eqqortumik igitsisarnissani aningaasartuutivinnik atuisut ataasiakkaat inuussutissarsiortulluunniit akiliuteqartarnissaat.

Misissueqqissaarnermi siunniussaavoq, ukiumut biilit 300-t, aammalu umiatsiaaqqat umiarsuaaqqallu ukiumut 40 tonsinut naapertuuttut iginneqartarnissaat. Avatangiisit eqqarsaatigalugit illersorneqarsinnaasumik biilimik igitsineq 2.000 kr.-inut umiatsiaaqqanut umiarsuaaqqanullu tonsimut 4.000 kr.-inut nalilerneqarput. Akigititat Danmarkimiit misilittakkanit tunngaveqarput, Kalaallit Nunaannullu naleqqussaannisaaq qularnaarniarlugu marloriaatinngugaallutik. Atuisartunut inuussutissarsiuteqartunullu iliuusissanut sunniuteqaataasussat katillugit ukiumut 760.000 kr.-iunissaat ilimagineqarput.

Pinaveersaartitsineq eqqarsaatigalugu allannguutit arlallit suliffeqarfimmut sunniuteqaataassapput. Sunniuteqaataasussat taakkua aningaasartaat aalajangeruminaatsuupput, pisunummi apeqqutaatitsisussaammata. Taamaattumik tamatumani aalajangersakkat taamaallaat, pisut ilaanni suliffeqarfimmut ataasiakkaamut sunniuteqaataasinnaasut, taamaalillunilu aningaasartuutaanerulersitsisussat, erseqqissaavigineqassapput.

Inatsisartut peqqussutissaannut siunertaanut § 4a-mik ilanngussisoqarnissaa siunnersuutigineqarpoq. Aalajangersagaq naapertorlugu suliffeqarfiup atortulersuutaasa pisatsersorneqarneranni ingerlatsinerullu piareersaavigineqarnerani qularnaarneqassaaq, atortussianik atuinerup, mingutsitsinerup eqqakkanillu pilersoqartarnerata sapinngisamik killilersimaarneqarnissaat. Tamatuma kingunerissavaa, suliffeqarfiit ataasiakkaat taamaalillunilu sullissiveqarfiit taamatut ittut pisatsersuinerminni pinaveersaartitsinermik ilanngussaarnissaat. Suliffeqarfiup pilersaarusiorfigineqarnerani pinaveersaartitsinissap tamatuma kingunerissavaa, suliffeqarfimmi ataasiakkaami maannakkorpiaq pissutsit erseqqissut naliliiffineqarnissaat apeqqutaatinneqassasoq. Atortussiassanilli eqqakkallu pilersut killilersimaarniarneqarneranni, ileqqaarnermik pilersoqassaaq siunissaq eqqarsaatigalugu suliffeqarfimmut ataasiakkaamut aningaasaqarnikkut iluaqusersuutaasussamik.

Aningaasaqarnikkut sunniuteqaataasussanik misissueqqissaarnermi saqqummiussani § 4a-mi siunertarisassanut oqariartuutit erseqqissaavigineqarput, misissueqqissaarnermilu siunnersuutigineqarpoq, avatangiisit sulisarnermullu tunngassuteqartut eqqarsaatigalugit avatangiisinut pitsaassutsimullu aqutseriaatsinik eqqakkanik passussisarnerup illersorneqarsinnaasumik pinissaata qularnaarneqarnissaanut pilersitsisoqassasoq. Taamatut aqqisuussinerup suliarineqarnissaanut piviusunngortinneqarnissaanullu aningaasartuutissatut

suliffeqarfimmut ataatsimut 500.000 kr.-it missaannut nalilerneqarpoq. Danmarkimi kisitsisit takutippaat, taamatut aningaasaliissuteqarnissaq, ingerlatsinermut toqqaannartumik ileqqaaruteqarnerup kingunerisaanik, imminut akilepallattussaavoq taamaalillunilu siunnersuut suliffeqarfimmut aningaasartuuteqarnermut sunnuteqaataassanani.

§ 13a-p Inatsisartut peqqussutaanni maanna atuuttumi § 12 erseqqissaavigaa. § 13a-mi suliffeqarfiit ataasiakkaat peqquneqarput, mingutsitsisoqarneranik pasitsaassisoqartillugu, siornatigumut sanilliullugu uppersaasiisarnissamut pisussaaffeqarnerunissaat. Allannguutissatut siunnersuutikkut suliffeqarfiit ullumikkornit namminneerlutik nakkutilliisarnissamut pisussaaffeqartinneqarnerulissapput. Taamaalilluni oqartussaasuunngitsut, kisiannili suliffeqarfiup, mingutsitsisimanerup peqqutaanik qulaajaasarnissaq isumagisarilissavaa, taamatuttaaq suliffeqarfiup mingutsitsinerup kingunerisaasa qanoq iliuuseqarfigineqarnissaat pinaveersaartinneqarnissaallu qulaarinniffigisalissallugit. Siunniunneqarportaaq, ullumikkornit suliffeqarfiup atortunik allanillu, taassuma atortagaanik kiisalu pisariaqarpat stoffit igitassat misiligutaannik tunniussiinnartarani, aammali suliffeqarfiup stoffinik avatangiisinut aniatinneqartartunik kiisalu nipiliortitsineq sajuppilutsitsisarnerlu pillugit misiligutissanik, misissueqqissaarnernik uuttortaasarnernillu suliaqartarnissaa.

Aalajangersakkami tamatumani siunertaavoq, mingutserisimasoq tassaatinneqassasoq mingutsitsinerup kingunerisaasa pisariaqartumik pinngitsoortinniarneqarnissaannut iliuuseqartuusussaq, taamatuttaaq taakkununga atatillugu aningaasartuutininik matussusiisartussaq. Aalajangersakkap suliffeqarfimmut ataasiakkaamut aningaasaqarnikkut qanoq sunnuteqarnissaa nalilersoruminaappoq. Mingutsitsinerup qanoq ittuunera apeqqutaatillugu tamatumani mingutsitsinermik misissuinissamut misiligutinik ataasiakkaat misissorluagassat pineqassapput. Misiligummik ataasiinnarmik misissueqqissaarnissami aningaasartuutit aalajangiiffigineqarnissaat periarfissaqanngilaq, tamatumanimi apeqqutaassammat, stoffit suut misissoqqissaarneqarnissaat kissaatigineqassanersoq. Tamanna aamma mingutserinermik misissuinissamut tunngatillugu atuuppoq.

Ukiumut aningaasartuutissat katillugit 50.000 kr.-iussangatinneqarput, ukiumiilli ukiumut annertuumik nikerangaatsiassangatinneqarlutik, ajornartorsiutit inissisimarnigi erseqqissut tamatumani apeqqutaassallutik. Siunnersuummi § 23, imm. 7 naapertorlugu ingitserinermik ingerlatalinnut eqqaavinnullu nutaanut aningaasatigut qularnaveeqqusiinissaq pillugu piumasaqaateqartoqarsinnaavoq, taamaalilluni avatangiisit eqqarsaatigalugit eqqortumik saliineq, atorunnaarsitsineq sulareqqiinerlu pisariaqartoq ingerlanneqartarniassammat.

Ingitserinermi sanaartukkat pisariaqarpat salinneqarnissaannut aningaasartuutissat, taamaalillunilu aningaasat qularnaveeqqusiissutissat, 500.000 kr.-inut nalilerneqarput. Taamatuttaaq mingutserinermut ilimagisaanngitsumut sillimmasiisoqarnissaa pillugu piumasaqaateqartoqarsinnaavoq. Taamaattut ukiumut 5.000 kr.-inut nalilerneqarput. Misissueqqissaarnermi ilimasaarutigineqarpoq, ukiut marlukkuutaarlugit ingitserissutinik pilersitsisoqartarnissaa.

Allannguutissatut siunnersuumi § 7, imm. 1 nr. 17-imi pineqarput pisortat suliffeqarfiinni kommuninilu avatangiisinik artukkiinginnissaq pillugu naatsorsuutininik atuilernissaq. Aalajangersagaq tassunga tunngasoq siunnersuumut ilanngunneqarpoq avatangiisinik artukkiinginnissaq pillugu naatsorsuutininik atuilernissaq Inatsisartut kissaataat malillugu periarfissinniarlugu, takuuk UPA 2006/42 aamma 56.

Aningaasatigut kingunerisassat 2005-imi suliarineqarput taamaattumillu avatangiisinik artukkiinginnissaq pillugu naatsorsuutininik atuilernissami aningaasatigut kingunissat ilanngunneqarsimanngillat. Nunatsinnili pilersaarummik ingerlatsisimanermit kiisalu Danmarkimi kisitsisitigut paasisutissat naapertorlugit namminersortunut aningaasatigut kingunerisassat ersersinneqarsinnaasimapput.

Danmarkimi avatangiisinik artukkiinginnissaq pillugu naatsorsuutininik siusinnerusukkut misissuisimanermit, pinngortitamik artukkiinginnissaq pillugu naatsorsuutit nalilersorneqarnerat pillugu nalunaarussiaq, Miljøstyrelsen, 1999, takuneqarsinnaavoq suliffeqarfiit naatsorsuutininik atuisussaataasut naatsorsuutit siulliit suliarinerannut agguaqatigiisillugu 125 tiimit atortarsimagaat tullissaatali suliarineranut 95 tiimit. Naatsorsuutit suliarineqarsimasut pitsaasusaat allanngoraqaat, naatsorsuutilli pitsaanerit takutippaat suliffeqarfiit 110 tiimit atortarsimagaat siunnersortinillu avataaneersunik ikiorteqarnerminnut 15.000 – 20.000 kr.-it atortarsimallugit.

Suliffeqarfiit oqaatigaat avatangiisinik artukkiisinnaaneq ilisimasaqarfiginerulerlugu, nukissat annikinnerusut atorneqartalersimasut atortussallu pitsaanerit atortarnerisigut aningaasartuutaasartut appartinneqarsimasut. Suliffeqarfiilli ataasiakkaat naatsorsuutininik nalilersuisarnerat assigiinngissuteqaqaat. Suliffeqarfiit nalilerpaat naatsorsuisalermikkut aningaasatigut 75.000 kr.-inik ilunaartalersimallutik, suliffeqarfiilli affaasa missaat nalilerpaat avatangiisinik artukkiinginnissaq pillugu naatsorsuusiortalermikkut iluanaaruteqarsimanatik.

Siuliani saqqummiunneqartut tunngavigalugit siunnersuut nalilernerqarpoq ataatsimut isigalugu namminersortunut tamanna aningaasartuutaanerunanilu isertitaqaataanaviangitsiq, nukissanilli atuivallaarani tunisassiortoqarneratigut ukiut arlaqanngitsut ingerlanerani ileqqaarfiusinnaasasoq.

Allannguutissatut siunnersuummi § 35a. imm. 3-mi pineqarpoq eqqakkat aqutsivineqarnerannut tunngatillugu paasisutissiisussaataasarnissaq. Taamatut aalajangersagaliornikkut eqqakkat aqutsivigineqarnerannut paasisutissanik pingaarutilinnik suliffeqarfiit paasisutissanik pissarsiniarfigineqartarnissaannut periarfississavai. Tamatuma kingunerissavaa, suliffeqarfiit peqquneqarsinnaasut assersuutigalugu eqqakkat takkussuuttut eqqakkallu annertussusaat pillugit paasisutissiinissaannut, eqqakkat pillugit oqartussaasut eqqakkat pillugit pilersaarusiormissamut uuttuinerillu nalunaarneqartut nalilersuiffiginissaannut pisariaqartutut naliligaannik.

Aalajangersakkap aningaasaqarnikkut sunniutissai eqqoqqissaartumik nalileruminaapput, suliffeqarfiummi suussusia aalajangersakkallu qanoq annertutigisumik atuutsinneqarnera apequtaassammata.

Allannguutissatut siunnersuummi § 35f-imi siunniunneqarpoq eqqakkanik nunanit allaniit eqqussuisarnissap inerteqqutaanissaa. Atoqqiinissarli siunertaralugu eqqakkanik ulorianaateqanngitsunik nunanit allaniit eqqussuisinnaanissaq periarfissaqassaaq. Aalajangersagaq ilanngunneqarpoq pingaartumik Baselimi isumaqatigiissummi piumasaqaatit eqquutsikkumallugit. Naalackersuisut ullumikkut ilisimaaraat, nunanit allaniit eqqakkanik annikitsunik eqqussuisoqartarnera. Nalilerneqarporli, atoqqiinissaq siunertaralugu eqqakkanik ulorianaateqanngitsunik nunanit allaniit eqqussisarneq tamatumani pineqartoq, taamaattumik siunnersuutip ullumikkut inussutissarsiutinik ingerlataqartunut annertuumik sunniuteqaataanissaa nalilerneqanngilaq. Inuussutissarsiutinilli ingerlataqartut siunissami suliffeqarfinnik uninngatitsinissaq siunertaralugu pilersitsiniartut eqqakkanik avatangiisinut ulorianaateqartunik eqqussuisarnissaat pinaveersaartinneqassaaq.

Inunnut ataasiakkaanut inuussutissarsiuteqartunullu, iliuseriniakkat tamarmik piviusunnngortinneqassappata, aningaasaqarnikkut sunniuteqaataasussat katinnerat:

Ingerlataq	Ukiumut aningaasartuutit	
	Sanaartukkanut	Ingerlatsinermut allaffitsigullu aqutsinermut
Umiarsuarnik biilinillu atorunnaakkanik passussineq	0	760*
Avatangiisinik pitsaassutsinillu aqutsineq	0	0
Avatangiisinik misissuineq	0	50
Avatangiisinik artukkiinnginnissaq pillugu naatsorsuutit	0	0
Isumannaallisaaneq, ingitserisarnermik ingerlatat	250	2,5
Katillugit	250	812,5

Aningaasat tamarmiusut 1.000-inngugaapput. * Aaqquissuussinermut tamakkerlugu ineriartortitamut ingerlatsinermut aningaasartuutit tamarmiusut takussuserneqarput.

Inuussutissarsiutinik ingerlataqartunut inunnullu ataasiakkaanut avatangiisit pillugit peqqussutip allannguutissaatut siunnersuummi aningaasaqarnikkut sunniuteqaataasussat 1.062.500 kr.-iussangatinneqarput.

Allannguutissatut siunnersuummi § 13a naapertorlugu avatangiisinik pitsaassutsinillu aqutseriaatsit piviusunnortinneqarnissaat avatangiisinik artukkiinnnginnissaq pillugu naatsorsuutinillu eqqussinissat piffissami sivikitsuunguami aningaasartuutissanik sunniuteqaataassanngilaq, taamaattumik aningaasartuutit umiarsuarnik, biilnik eqqagassanillu igitassanik assigisaannillu passussinermut, avatangiisinik misissuinnermut, kiisalu suliffeqarfinnik immikkut mingutserisartunik, pingaartumik ingitserinnermik ingerlatsivinnik, pilersitsinnermi qularnaveeqqusiinissaq pillugu piumasaqaatinut, tunngasuunerussapput. Iliuseriniakkat tallimat taakkua nammineq akiliuteqarnikkut aningaasaliiffineqarnissaat siunnersuutigineqarpoq.

5. Avatangiisinut pinngortitamullu sunniuteqaataasussat:

Allannguutissatut siunnersuummi sunniunneqarpoq eqqakkat allatut isigineqartalernissaat, tamatumani pinaveersaartitsisarnissaq nutaatut ilanngunneqassalluni. Eqqakkat pillugit inatsisiliortarnerni nutaaliaasuni eqqakkat marloqiusatut isiginiarneqartarnissaat pineqarpoq, tamatumani ilaatigut eqqakkani pissamaateqarsinnaassuseq ilaatigullu mingutsitsinnermut tunngassuteqartut ilaatinneqartarlutik. Avatangiisit innarlitsaaliorneqarnissaannik peqqussummi maanna atuuttumi kingornalu Igitassanik eqqaasarneq pillugu Namminersornerullutik Oqartussat nalunaarutaanni nr. 28-mi, 17. september 1993-imeersumi aammalu Oliakunit akuutissanillu eqqagassat pillugit Namminersornerullutik Oqartussat nalunaarutaanni nr. 29-mi, 17. september 1993-imeersumi atuutsinneqalersuni mingutsitsisinnermut tunngassuteqartut sammineqarnerupput, tamannalu allannguuteqarteqquneqarpoq. Tamanna pivoq avatangiisit innarlikkat ajoqutaasa kingorna akiorniarneqartarnerannit pilersitseqqinneqartarneranniillu pinaveersaartitsineq iluaqutaanerusarmat.

Inuiaqatigiit kalaallit eqqaavinnik pilersitsinnermi eqqakkanillu igitisarnermi aaqqissuussinerit ineriartortinneqarneranni aningaasarpassuarnik aningaasaliisarsimapput. Avatangiisit pillugit peqqussutip atuuttup nutarterneqarnerani qularnaarneqassaaq, eqqagassalerinnermi maanna aningaasaliissutaareersut tamakkiisumik iluaqutigineqartalernissaat. Eqqakkanik igitisarneq pillugu kapitali 7a-mi nutaajusumik siunnersuusiortoqarpoq Kalaallit Nunaanni tamarmi eqqaaveqarfinni avatangiisinut tunngassuteqartuni pitsaanagerusumik ingerlatsisarnissaq ilanngunneqarluni. Eqqakkanik ikuaallaavinni pitsaanagerusumik mingutserinnginnerusumillu ikuaallaasarnissaq anguneqassaaq, eqqakkat ikuaallanneqalinnginneranni eqqakkanut ikuaallassinnaasunut ikuaallassinnaangitsunullu immikkoortiteqqaartaraanni, avatangiisilli pillugit peqqussummi maanna atuuttumi taamatut immikkoortiterisarnissamut tunngaviliisoqarsimannngilaq. Eqqakkat immikkuualuttut allat, assersuutigalugu eqqakkat sivisuumik atugaasartut, elektronikit, nillartaartitsiviit, qerititsiviit assigisaallu stoffinik avatangiisinut ulorianaateqartunik akoqartarput. Eqqakkat suussusaannik eqqakkallu immikkuualuttortaannik immikkut aalajangersakkanik maleruagassiornissamut tunngavissinnermi qularnaarneqassaaq, tigooraaviit pilersikkiartuuarneqarneranni allilerneqartarneranni eqqakkanik avatangiisinut immikkut ulorianaateqarsinnaasunik eqqagassalerinnermi Naalakkersuisut maleruagassiortarnissaat. Taamatuttaaq eqqakkanik ikuaallaavitsigoorlugu

igitsisarneq atoqqiisarnerluunniit nunami tamarmi eqqaavinni eqqakkat annertussusaannik killilersimaarinnilernissaq alloriarnerussaaq pingaarutilik.

Avatangiisit pillugit peqqussummik maanna atuuttumik allannguuteqartitsineq mingutserereerermi salinissaminngarnit pinaveersaartitsisarnissaq pingaaruteqarpoq. siunnersuuteqarnikkut kommuninut, ulluinnarni eqqagassalerinermik isumagisaqartunik, siunnersuisarnerunissaq ilitersuisarnissarlu siunniunneqarput. Kalaallit pinngortitaat eqqiluitsuutinniarlugu, aamma kingulissatsinnut, siunnersuummi siunniunneqarpoq, Naalakkersuisut eqqakkat pillugit pilersaarusiornissaat ukiullu sisamakkuutaarlugit eqqakkat pillugit iliuusissatut pilersaarusiortarnissaat. Maannali peqqussummi atuuttumi eqqakkat annertussusaannik suussaannillu nalunaarsuisarnissamut nalunaaruteqartarnissamullu piumasqaateqarnissamik tunngaviliisoqanngilaq, taamaalillunilu Kalaallit Nunaanni eqqagassalerinermi siunissaq eqqarsaatigalugu iloriusissanik tunngaviliinissamut paasisutissanik amigaateqartoqarluni.

Tamanna pissusissamisoortuuvoq, inuiaqatigiimmi aningaasarsiorderanni avatangiisit eqqarsaatigalugit eqqagassalerinerup illersorneqarsinnaanngitsup kingunerisaanik ajoqusiinerit isumagineqarnissaanninngarnit pinaveersaartitsinerit akikinnerujussuusussaammata.

6. Innuttaasunut allaffitsigut aqutsinermut sunniuteqaataasussat:

Allannguutissatut siunnersuummi siunniunneqarpoq, kinaluunniit mingutsitsinermik pilersitseqataasoq akiligassiisummik pissarsisinneqartarnissaa. Taamaalilluni innuttaasoq eqqagassalerinermi eqqakkanillu igitsinermini kiisalu nammineq mingutserinermini siornatigornit aningaasartuutivinnik akiliuteqartalernissaa.

Siunnersuut pingaartumik eqqagassalerinermit akiliuteqarnerusalernissap innuttaasunut ataasiakkaanut aningaasaqarnikkut sunniuteqaataanissaa ilimagineqarpoq. Tamatumunnga peqputaavoq siunnersuutip erseqqissaavigimmagu, allannguutissatut siunnersuummi § 35d naapertorlugu kommunit qanoq annertutigisumik akileeqqusisalernissaat. Siornatigut nalinginnaasuusimagunangilaq sanaartukkat aqunneqarnerannut pilersinneqartarnerannullu aningaasartuutaasartut akiliuteqartitsinermit ilanngunneqartarnerat. Taamatuttaaq ilimagisariaqarpoq, allannguutissatut siunnersuummi tunngavissalernerqartumik, eqqagassalerinermit akiliutaasartup qaffaavigineqarnissaani suussutsinut immikkoortiterisalernissamik piumasqaateqartoqarnissaa. Taamatuttaaq eqqagassalerinermit akiliuteqartitsisarnerit sanaartukkat atorunnaarsinneqarnerannut suliareqqinneqartarnerannullu tunngatillugu eqqakkat pillugit kommunit paasisutissanik katersuinerannut nalunaarsuinerannullu peqquneqarnissaanni aningaasartuutitut matussusiissutaasinnaassapput.

Mingutserisup namminneerluni akiliisarnissaanut periaatsip innuttaasunut ataasiakkaanut erseqqissaavigitippaa, eqqakkat iginneqartartut annertusiartortut aamma akeqartarnerat. 7. Naalagaaffeqatigiinnermut namminersornermullu tunngassuteqartut:

Ullumikkut eqqagassalerineq pingaartumik kommunit akisussaaffigaat. Taamaalilluni kommunit eqqakkanik passussineq igitsisarnerlu isumagisaraat, taamatuttaaq kommunalbestyrelsit eqqagassalerinermik nakkutilliisuusarlutik. Taakkununga ilaatinneqanngillat suliffeqarfiit immikkut mingutserisartut nakkutigineqartarnerat, avatangiisit innarlitsaaliorneqarnissaannik peqqussummi kapitali 5-imi maleruagassanut ilaatinneqartut, taakkununga nakkutiginnittarneq Naalackersuisunit isumagineqartarmat. Taamaaattumik suliassa qarfiup maleruagassiuuteqqinnissaa kiisalu maleruagassat pisariinnerulersinneqarnissaat ajornakusoorput.

Allannguutissatut siunnersuutip siornatigumut sanilliullugu mingutserisup akiliuteqartarnissaanut periaaseqarnissap pingaartinneqarnerunissaa siunniuppa. Mingutserisup nammineerluni akiliisarnissaanut periaaseqarnerup Namminersorneq pillugu Isumalioqatigiissitat inassuteqaataannut tulluuttuovoq, tassalu kikkut tamarmik inuiaqatigiit aningaasarsiornerannut ilapittuisuunissaat. Taamatuttaaq pinaveersaartitsinermik tunngaviutinneqartoq tamatumani eqqarsaatigineqassaaq, siunissarmi eqqarsaatigalugu siusinaartumik pitsaanagerusumillu pinaveersaartitsinissap inuiaqatigiit aningaasarpasuarnik ileqqaartissammagit.

Aningaasaqarnikkut imminut napatissinnaanermut tunngatillugu avatangiisit pimoorunneqarnissaat pingaaruteqarpoq. Ullumikkut suliffeqarfiit arlallit nunani allani nittarsaassisarnerminni nunanullu allanut niuernerusalernissami aningaasarsiornerullu annertusineqarnissaani Kalaallit Nunaata pinngortitarsua assissaqanngitsoq iluaqutiginiartarpaat. Naalackersuisup Josef Motzfeldtip Nuummi 2. april 2004-mi nittarsaassineq pillugu isumasioqatigiinnermi oqalugiaataani tamanna atuarneqarsinnaavoq: "Pinngortitaq minguitsoq aalisakkanillu pissamaativut nungusaataannngitsumik iluaqutigalugit nioqqutissaatitta nittarsaanneqartarneranni iluaqutaangaarnaviannigilaq, peqatigitigillugu avatangiisinik amigartumik illersuiniarnerput nunanit allaniit annertuumik isornartorsiorneqaatigisarallartillugu."

Namminersulernissap tungaanut sulisoqassappat, pingaaruteqarluinnarpoq aningaasaqarnermik imminut napatittumik pilersitsinissaaq. Tamatumunnga tunngatillugu takornariaqarnerup inuussutissarsiutitut ineriartorluarsinnaanera taakkartorneqartuartarpoq. Takornariat ilaatigut Kalaallit Nunaannukartarput pinngortitamik innarlerneqanngitsumik misigisassarsiorniarlutik. Taamaattumik siunissami pingaaruteqarluinnarpoq eqqagassalerinermik illersorneqarsinnaasumik pimoorussinissaaq qularnaarlugulu, eqqaaviit atorunnaartut eqqaaveqarfiillu siunissami avatangiisit eqqarsaatigalugit illersorneqarsinnaasumik atorunnaarsinneqartarnissaat.

Siunnersuutip Naalagaaffeqatigiinnermut tunngatillugu sunniuteqaataanissaa ilimagineqanngilaq. 8. Pisortat oqartussaasuinik, soqutigisaqatigiiniik allanillu tusarniaaneq. Siunnersuut una ukununga tusarniaassutigineqarpoq: KANUKOKA, kommunit, Aningaasaqarnermut Pisorta qarfik, Ikummatissanut Aatsitassanullu Pisorta qarfik, Nunanut allanut Pisorta qarfik, Namminersorneq pillugu Pisorta qarfik, Akileraartarnermut Pisorta qarfik, Ineqarnermut Attaveqarnermullu Pisorta qarfik, Aalisarnermut Piniarnermullu Pisorta qarfik, Inuussutissarsiornermut, Nunalerinermut Sulisoqarnermullu Pisorta qarfik, Peqqissutsimut Pisorta qarfik,

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik, Peqqinnissakkut Nakkutilliisoqarfik, Naatsorsueqqissaartarfik, Nukissiorfiit, Kalaallit Nunaanni Rigsombudsmandi, Sullivinnik Nakkutilliisoqarfik, Sulisitsisut kiisalu ILIK. Tusarniaanernut marluusunut tunngatillugu ukunangga tusarniaanermi akissuteqaateqartoqarpoq: Namminersorneq pillugu Pisortaqarfik, Nunanut allanut Pisortaqarfik, Ikummatissanut Aatsitassanullu Pisortaqarfik, Akileraartarnermut Pisortaqarfik, Ineqarnermut Attaveqarnermullu Pisortaqarfik, Aalisarnermut Piniarnermullu Pisortaqarfik, Inuussutissarsiornermut, Nunalerinermit Sulisoqarnermullu Pisortaqarfik, Peqqissutsimut Pisortaqarfik, Aningaasaqarnermut Pisortaqarfik, Ammassallup Kommunia, Qeqertarsuup Kommunia, Sisimiut Kommuniat, Nuup Kommunia, Ilulissat Kommuniat, Maniitsup Kommunia, Uummannap Kommunia, Upernaviup Kommunia, KANUKOKA, Peqqinnissakkut Nakkutilliisoqarfik, Kalaallit Nunaanni Rigsombudsmandi, Nukissiorfiit, Sulisitsisut, ILIK aamma Naatsorsueqqissaartarfik.

Peqqissutsimut Pisortaqarfik, Ineqarnermut Attaveqarnermullu Pisortaqarfik, Aalisarnermut Piniarnermullu Pisortaqarfik, Akileraartarnermut Pisortaqarfik, Ikummatissanut Aatsitassanullu Pisortaqarfik, Nunanut allanut Pisortaqarfik, Upernaviup Kommunia, Nukissiorfiit, ILIK aamma Kalaallit Nunaanni Rigsombudsmandi siunnersuummut oqaaseqaateqanngillat. Oqaaseqaatini pissarsiarineqartuni ilaatigut assuarliuteqartoqarpoq, tassalu Avatangiisinut Pinngortitamullu Pisortaqarfiup pingaernerutitamik nutaamik inatsisiliorani allannguutissatut inatsisiliornissaq toqqarsimammagu. Avatangiisinut Pinngortitamullu Pisortaqarfiup assuarliuteqarneq tamanna isumaqatigaa periarfissarlu siulleq atorlugu pingaernerutitamik nutaamik inatsisiliorniarluni. Ilimagineqarpoq, tamanna ukioq ataaseq marlulluunniit ingerlanneranni pissasoq, imikoortarnermummi maleruagassanik nutaanik maanna suliaqartoqarmat. Imikoortarnermut suliaasaqarfik tassaavoq pingaartumik kommunit tusarniaanermi akissuteqaatiminni erseqqissaatigisimasaat, inatsisitigut tunngavissanik pitsaannerusunik amigaaqartutut. Avatangiisinut Pinngortitamullu Pisortaqarfiup tamanna ilisimaaraa, suliniullu suliaasaqarfimmi nutaamik inatsiseqartitsilernissamik kinguneqartussa 2008/2009-p ingerlanerani aallartissallugu.

Suliaasaqarfik alla kommunit oqaaseqarfigisaat tassaavoq eqqaavinnik atorunnaarsitsisarneq eqqaavinnillu nutaanik pilersitsinermit tunngatillugu qularnaveeqqusiisarnissaq. Taamaalilluni Nuup Kommunia isumaqanngilaq, eqqaavinnut qularnaveeqqusiisarnissaq pissusissamisoortuunngitsoq, taakkuami pisortat aqutaannik pilersitaammata. Allannguutissatut siunnersuummi aalajangersakkap tamatuma ilanngunneqarneranut peqqutaasoq tassaavoq, avatangiisit eqqarsaatigalugit illersorneqarsinnaasumik ullumikkut eqqaavinnik atorunnaarsitsisoqartarnera, kommunimmi tamatumunnga aningaasassaqaanngimmata. Taamaattumik pissusissamisoortutut nalilerneqarpoq, eqqaavinnik nutaanik pilersitserernermit kingorna eqqaaviup atorunnaarsinneqarnissaanut aningaasaliissuteqarnissaq ilanngunneqartaleriissammat, taamaalilluni siunissami illersorneqarsinnaanngitsumik avatangiisit eqqarsaatigalugit atorunnaarsitsineq pinngitsoortinneqartalissalluni.

Uummannap Kommunianiit erseqqissaatigineqarpoq, eqqaavimmik atorunnaarsitsineq nuna tamakkerlugu pilersaarusiormi iliuuseqarnermik nunaqarfimmik matusineq peqquataasimassappat, atorunnaarsitsinermut aningaasartuutit Nunatta karsiata akilertariaqarai. Taamatuttaaq eqqarsaatigineqassaaq, kommunit ilaat nunaqarfippassuaqarmata, kommunilli ilaat ikittunnguanik nunaqarfeqarlutik, taamaattumik eqqaavinnik atorunnaarsitsineq kommunit ataaasiakkaanut isumagisassanngortinneqartariaqanngitsoq.

Tusarniaanermi ilaatigut Nuup Kommuniata siunnersuutigaa, biilnik, umiatsiaanik annertuunillu assigisaannik avatangiisit eqqarsaatigalugit illersorneqarsinnaasumik igitsisoqartarnissaanut akitsuuteqartitsisalernissaq. Akitsuutit pisinermi akiliutigineqartassapput avatangiisillu eqqarsaatigalugit illersorneqarsinnaasumik igitsisarnissamut akiliutitut utertinneqartassallutik. Avatangiisinut Pinngortitamullu Pisortaqarfiup akkumulatorinut aqerlortallinnut taamatut ittumik aaqqissuussisarnissamut periarfissat misissuleruttorpai, maannakkulli inernerugallartut ersersippaat, taamatut aaqqissuussinissaq akisuallaarsinnaasoq. Taamatuttaaq igitsisarnissamut akitsuuteqalersitsinissaq akiliisalernissarlu pisortaqarfiup oqartussaaffiata avataaniippoq.

Kommunittaaq erseqqissaatigaat, isumaqaratik, eqqagassalerinermi igitsisarnermilu aningaasartuutaanerulersussat akiliuteqartitseqqusisalernikkut aningaasaliiffigineqarsinnaanerat. Kommunit ilisimatitsissutigaat, maannakkorpiaq ataatsimut isigalugu eqqaasarnermi akiliutissanik annertuunik akiligassaartoqarlutik tamatumalu saniatigut isumaginninnikkut sullitat amerlavallaat eqqaasarnermut akiliuttarlugit. Ingeniurilli siunnersuisartut suliffeqarfiannit Carl Bromit kommunitut tusarniaanerup ersersippaa, kommunit ataaasiakkaani akiligassiissutit annertussusaat ataatsimut isigalugu annikitsuusut. Naatsorsuinerilli takutippaattaaq, kommunit akornanni assigiinngissuteqartoqarnera. Isumaqarfigineqarportaaq, kommunit arlallit maanna akiliuteqartitsisarnermut aaqqissuussineq atorluannigikkaat, tamatumalu ilaatigut pissutigaa eqqagassalerinermi amigartumik atortulersuuteqarnera aqutsisoqartarneralu.

Tusarniaavigineqartunit arlalinnit erseqqissaatigineqarpoq, siunnersuut annertoorujussuusoq, nalornisoorutigineqarporlu, siunnersuummi pisussaaffiliussatut suliassat kommunit mikisut qanoq isumagisinnaassaneraat. Tamanna tunngavigalugu Sulisitsisut siunnersuutigaat, kommunit iluarsartuuteqqinneqarnerisa kingorna siunnersuut atuutilersinneqassasoq. KANUKOKA-p kommunilluunniit tusarniaanermi akissuteqaateqarnissamik toqqaasimasut ajornartorsiut tamanna erseqqissaavigisimanngilaat, taamaattumillu tamatuma ajornartorsiutaarujussuanninnissaa nalilerlugu.

Avatangiisit pillugit inatsiseqartitsinerup piujuaannartitsinissamik periaaseqartoq arlallit tapersorpaat, isumakuluutigaluguli mingutserisup nammineq akiliisarnissaanut periaatsimi Naalakkersuisut kommunalbestyrelsillu annertuunik pisussaaffilerai. Mingutserisup nammineq akiliisarnissaanut periaaseq mingutserinermut pilersumut tungatillugu periaasiuvoq ajunngitsoq, erseqqissaatigineqarporli, nalinginnaasumik eqqagassalerinerup, siunnersuinerup, misissueqqissaarnerup nakkutilliinerullu nalinginnaasumik ingerlanneqarnerat

akileraarutitigoorlugu aningaasalersorneqarnissaa. Sulisitsisut erseqqissaatigaat, nunami maani aalisakkeriviit niuerfinnut tunngassuteqartuni ajornartorsiuteqarlutik ingerlasut aningaasartuutinillu allanik artukkerneqarsinnaanngitsut. Suliffeqarfimmut aningaasartuuteqarnerulernermi unammillersinnaassuseq ajorseriangaatsiassaaq.

Allannguutissatut siunnersuummut § 35-mut akiliuteqartitsisarnissap aalajangersaanissamik pinnittumut tunngatillugu arlalinniit tamanna qularutigineqarpoq. Sulisitsisut kaammattuutigaat, assersuutigalugu siunnersuisartunik, akiliutinik akiliuteqartitsisarnermillu aalajangersaasartunik ataatsimiititalianik pilersitsisoqarnissaa, taamaalilluni sulianik suliarinnittarneq nalerisarsiunngitsoq qularnaarneqarniassamat. Erseqqisaatigineqassaarli, § 35d ullumikkut suliassaqarfimmi maleruagassanut atuuttunut annertuumik allaassuteqarnerunera nalilerneqanngimmat. Aalajangersagaq taamaallaat Inatsisartut peqqussutaata maanna atuuttup imarisaanik qulaarinnittuuvoq. § 41 naapertorlugu Inatsisartut peqqussutaannut matumunnga imaluunniit taanna tunngaviutillugu maleruagassiissutinut tunngatillugu aalajangiinerit Inatsisartut Eqqissisimatitsinermut Avatangiisinullu Ataatsimiititaliaannut, aamma avatangiisit pillugit maalaaruteqartarfimmik taaneqartartumut, ingerlateqqinneqarsinnaapput. Taamaalilluni innuttaasut, suliffeqarfiit taamaaqataallu allat matumuuna akiliuteqartitsinissat pillugit aalajangiinernik maalaaruteqarsinnaalerput. Taamatuttaaq allannguutissatut siunnersuummut nassuiaatini atuarneqarsinnaavoq, kommunalbestyrelse qaqugumulluunniit uppersaasiisinaasoq, akiliuteqaatigeqqusat taamaallaat eqqagassalerinermut tunngasut aningaasartuutiviit pineqassasut. Taamaalilluni tamatumani akiliuteqaataasussat aalajangersimalluinnartut pineqanngillat.

Taamatuttaaq Sulisitsisut siunnersuutigaat, piffissap ilaani eqqarsaatersuutigineqarsinnaasoq, Kalaallit Nunaanni avatangiisinut tunngassuteqartuni ajornartorsiutit isumagineqartarnissaannut eqqagassalerinermut avatangiisinullu tunngassuteqartunut "siunnersuisartunik" pilersitsinissaq – tassunga ilaalluni eqqagassalerineq. Siunnersuut tunngavilersorluakkatut siunissamullu ajunngilluinnartussatut nalilerneqarpoq.

Tusarniaanernut taakkununnga marlunnut atatillugu Avatangiisinut Pinngortitamullu Pisortaqaarfimmut oqaaseqaatit pissarsiarineqartut pingaartumik akuersaarpaluttuupput. Avatangiisit illersorneqarnissaat pillugu maanna Inatsisartut peqqussutaata allannguuteqartinneqarnissaa isumaqataaffigineqarluarpoq, pingaartumik eqqakkanut maleruagassat erseqqissaavigineqarnissaat eqqarsaatigalugu.

Tusarniaanermi akissuteqaatit arlallit peqqussutip oqaasertanut nassuiaataanullu nassuiaatinik peqqissaartunik siunnersuutinillu erseqqissunik imaqartinneqarput. Tusarniaanermi akissuteqaatit oqaluuserineqarput pisariaqarfiatigullu siunnersuummut ilanngunneqarlutik.

**Peqqussutissat siunnersuummi aalajangersakkanut ataasiakaanut
aalajangersakkanut oqaateqaatit.**

§ 1-imut

Nr. 1-imut.

Ataatsimut isigalugu avatangiisit pillugit peqqussutip ilagisaatut nungusaataanninnissamik eqqarsartaaseq pingaartillugu erseqqissartariaqarpoq. Avatangiisit pillugit peqqussuummi maannakkut atuuttumi eqqakkanik igitsisarneq salliullugu sammineqaraluartoq anguniakkatut nalunaarummi nutaami matumani nukissat maangaannartinneqartarnerat killilerumallugu akuutissat atortussallu ingerlaarnerminni aqqusaartagaasa tamarmik pingaartinnissaat kissaatigineqarpoq. Inuunerup aallaqqaataaniit naggataanut ingerlariaasiani tunngavigineqarpoq nioqqutissiaq avatangiisit tungaanniit isigalugu nalilersorneqartassasoq nioqqutissiornermi aqqusaagassat tamaasa ilanngullugit eqqakkatut iginneqarnissaata tungaanut.

§ 1, imm. 1 naapertorlugu, Inatsisartut peqqussutaata pinngortitap avatangiisillu illersorneqarnissaat ilapittuiffigissavaa qularnaassallugulu, kalaallini inuiaqatigiinni ineriartorneq nungusaataanninnissamik tunngaveqarluni pissasoq. § 1, imm. 1, nr. 1 naapertorlugu, Inatsisartut peqqussutaata anguniassavaa silaannarmik, imermik, sikumik, qaqqanik nunamillu mingutsitsinerup pinaveersaartinneqarnissaa akiorniarneqarnissaalu. Maanna peqqussuummi oqaasertanut tunngatillugu oqaasertaliussat allannguuteqartinneqarput, taamaalilluni qaqqat illersorniagassatut ilanngunneqarlutik.

Taamaalilluni Inatsisartut peqqussutaata erngup, tassunga ilaallutik nunap iluani imeq, nunap qaani imeq, Kalaallit Nunaata imaaniit erngup tarajullip aamma tatsiniit kuunniillu erngup, sialuup erngata erngullu aamma apummit iminngortup mingutsinneqarnerat pivaa. Sikumik illersuineri sersersuaq, immap sikua qaqqallu sermitallit, nuna imerlu ilanngunneqarput. Taamatuttaaq Kalaallit Nunaata qaqqaa, nunap qaavata, nunap iluata silaannaallu nungujartornissaasa, avatangiisit kissaatigisaanngitsumik sunniivigineqaatissaat illersussavai.

§ 1, imm. 1, nr. 2 naapertorlugu, Inatsisartut peqqussutaata nipiliortitsinerit pinaveersaartinneqarnissaat akiorniarneqarnissaallu anguniagarissavai.

§ 1, imm. 1, nr. 3-p aamma § 1, imm. 1, nr.4-p oqaasertaasa allannguuteqartinneqarnissaat siunnersuutigineqarpoq. Aalajangersakkat taakkua marluk oqaasertaasa paasiuminarnerulersinneqarnissaat siunnersuutigineqarpoq, aalajangersakkalli imarisaat allannguuteqartinnaq. Taamaalilluni avatangiisit innarlitsaaliorneqarnissaannik Inatsisartut peqqussutaata suli anguniassavaa inuit peqqissuunissaat mingutsitsinerullu iliuuseqarfigineqarnissaanik pilersaarusiornissamut tunngavissiuissalluni. Anguniakkatut paragraffip § 1, imm. 5-imi 6-milu allanngortinneqarneratigut mingutsitsinerimut tunngasortaa nioqqutissiamut tunngasumik ilaneqassaaq, taamaalilluni eqqakkanut

naalakkersuinikkut anguniakkani aqunneqarneranilu nioqutissiap atasarnera tamaat pillugu piunneqartut eqqakkat amerlassusiat annertussusiat killilernissaanut periarfissattaq ilanngunneqartillugit. Ullumikkut nunani tamani anguniagaavoq igitassavittut nalunaarneqartut ikilissarnissaat. Nioqutissioriaatsip pitsannorsarnissaa siunniunneqarpoq tamatumuunakkut igitassat amerlassusiat avatangiisitigullu ajornartorsiutit eqqakkanut tunngasut ikilissarumallugit. Eqqakkanut siunniut isiginneq nutaaq aalajangersakkamut matumunnga tunngatillugu takusariaqartoq nioqutissiat sinnerisa atorsinnaanerannut nukissanullu aammalu eqqakkat akuisa assigiinngitsut nunani tamani sunniuttaasa takuneqarnissaannut tunngavoq.

Nr. 2-mut

§ 2, imm. 1-imi pissutsit Inatsisartut peqqussutaannut tunngasut sukumiinerusumik suussusilerneqarput. Mingutsitsissutit suuneri illersugassallu tassunga tunngasut suut Inatsisartut peqqussutaannut ilaanersut aalajangersakkami allaaserineqarput. Illersugassaatinneqartut § 2, imm. 1, nr. 1-imi nassuiaasigaapput tassaatinneqarlutik silaannaq, imeq, siku, qaqqat nunallu kiisalu naasut uumasullu.

Mingutsitsineq akuutissanut, sajuppilunnernut nipiliornernullu, nioqutissiamut tunngatillugu mingutsitsineq tamarmi pineqarpoq, nioqutissiarineranut imaluunniit nioqutissiat kingusinnerusut piunerat apeqqutaatinnagu. Aamma angallassissutit atortullu angallattakkat allat paasinneriaatsimi tamatumani pineqarput, aammalu pissutsit peqqissutsimut ajornartorsiutaalersinnaasut mingutsitsinermik oqarnermi ilaallutik.

§ 2, imm. 1, nr. 1-2-p imarisaata Inatsisartut peqqussutaanni atuuttumi § 2, imm. 1 assigaa. Allannguutissat siunnersuummi § 2, imm. 1, nr. 3-mi siunnersuutigineqarpoq nioqutissiat nioqutissallu nioqutissiarineqarnerminnut, uninngatinneqarnerminnut, angallanneqarnerminnut iginneqarnerminnulluunniit atatillugu mingutsitsinermik kinguneqarsinnaasut Inatsisartut peqqussutaannut ilaassasut. Inatsisartut peqqussutaanni atuuttumi malittarisassatut pingaarnertut nioqutissat nioqutissiallu atorneqarnerisa aqunnissaannut tunngavissaqanngilaq. Nutaamik pilersitaq tamanna piunerup siviussusiat naammassissaanut tunngavittut pingaartut isigisariaqarpoq, tamatumani ilanngullugu teknologip minguinnersup atorneqarnerata siuarsarnissaa.

§ 2, imm. 1, nr. 4-mi angallassissutit atortullu angallanneqarsinnaasut allat mingutsitsinermik kinguneqarsinnaasut Inatsisartut peqqussutaata atuuffissaanut ilanngunneqarput. Angallassissutinut ilaapput aqqissuussinerit inunnik usinilluunniit nunakkut, imaatigut, sikukut imaluunniit silaannakkut angallassinermi atorneqartut. Atortut angallattakkat tassaapput nutaamik aqqusinniornermi sanartukkalluunniit piarneranni atorneqartut atorneqareerunillu sumiiffimmuut nutaamut nuunneqartut, soorlu asfalteerinermi atortakkat angallattakkat imaluunniit ujaqqanik aserorterinermut sanartornermiluunniit atortut.

Angallassissutit atortullu angallattakkat Inatsisartut peqqussutaanni aalajangersakkanut ilanngukkumanerannut patsisaavoq atortut tamakkua aamma atugaanerminni igitassanik pilersitsisinnaammata aammalu silaannaap, nunap, qaqqat, erngup sikullu mingutsinneqarnerannik kinguneqarsinnaallutik. Taamaattumik Inatsisartut peqqussutaata aalajangersagaanut ilaasariaqarput soorlu mingutsitsinerup killilernissaanut aamma atorneqareernerminni passunnissaannut eqqakkallu iginneqarnissaannut tunngatillugu.

()Kiisalu § 2, imm. 1, nr. 5-imi siunnersuutigineqarpoq uumasut, uumasut ajoqutaasut assigisaallu peqqinnermut ajoqutaasinnaasut imaluunniit avatangiisinut annertuumik avatangiisinut akornutaasinnaasut Inatsisartut peqqussutaannut ilanngunnissaat. Ullumikkut savat, tutut nuitsut nersutillu immuiartakkat Kujataani pigineqarput, ilimagisariaqarporli nersutaatit allat misiligutigalugu pigineqalernissaat aamma nunatsinni neqinik nioqqutissanillu immummeersunik kiisalu amminik nioqqutissiorneq annertusarumallugu. Aamma ilimagisariaqarpoq nersutaatit pigineqartut ukiut ingerlaneranni amerliartussasut. Kissaatigineqarpoq ingerlatat tamakku avatangiisit illersornissaat pillugu Inatsisartut peqqussutaanni allajangersakkatigut aqunneqarnissaat, tassami avatangiisnut ajornartorsiutinik tamatumunnga atatsunik arlalinnik ilaqarmata. Ullumikkulli nersutit toqusut isumannaatsumik iginneqartarnerat ajornartorsiutaareerpoq, Kalaallit Nunaatalu avataani misilittagajornartorsiutaqarfigineqarpoq nagorissaanermi akuutissat atugaasut nunamut imermullu kivisarnerata ajornartorsiutaanera kiisalu nersutaateqarfiit inuit najugaasa qanittuinnut inissitaasarneranni tipiliornermit ajoqusersugaaneq.

Nr. 3-mut.

§ 4, imm. 4-mi aalajangersagaq siunnersuutaavoq qulakkeerumallugu piumasaqartoqarsinnaanera, tamatumani ilanngullugu Inatsisartut peqqussutaanni § 5 malillugu akuersissutip suliarineqartarneranut tunngasoq, tassani pineqarluni igitat amerlassusiat igitallu suunertat naatsorsuutigalugit nioqqutissiornerup ingerlanerata aaqqissugaanera. Minanersornermik tunngaveqarneq malinneqassaaq, tassa pisortat pinaveersimatisiniarnermi mingutsitsinermilu naliliinerminni avatangiisut qanoq innerat mingutsitsinerullu sunnitigiummagai pingaartissallugit.

Aalajangersakkakkut ikiorfartugaavoq ilaatigut periusioreersaq suminngaanrsuumermik tunngavik, tamatumuuna igitat amerlassusiat pinngorfianniit killilerumallugu, tassa igitat pinngorfiat nioqqutissiornerup atuinerulluunniit ilagisaatut.

Tamatuma saniatigut siunniunneqarpoq tapiissuteqariaatsip malinneqarnissaa nioqqutissianik toqqaanermi nioqqutississiat nioqqutissiassaluunniit nioqqutissiasat nioqqutissialluunniit avatangiisinut ajoqutaannginnerusut toqqaqqullugit, iluaqutaassusiata nalinga assigiippat.

Nr. 4-mut

Allanguutissami § 4a naapertorlugu pisortat oqartussaasut, pisortat suliffeqarfiisa, suliffeqarfiisa kiisalu umiarsualiviit pisortat suliffearfiinik pilersitsinerminni ingerlatsinerminnilu kiisalu pisisarnerminni atuinerminnilu Inatsisartut peqqussutaanni anguniagaasut malinneqarnissaat peqataaffigissavaat.

Aalajangersakkatut siunnersuummi ilaapput Namminersornerullutik Oqartussat kommunillu ataanni oqartussaasut, suliffeqarfiit pisortat aningaasaatai atorlugit ingerlanneqartut, suliffeqarfiit Namminersornerullutik Oqartussat kommunillu piginneqataaffigisaat umiarsualiviillu pisortanit pigineqaraluarlutik suliffeqarfimmit allamit ingerlanneqartut. Pisortat oqartussaasui, suliffeqarfii, suliffeqarfiit umiarsualiviillu ulluniirni ingerlatsinerminni avatangiisit pillugit tunngavigisanut nalinginnaasunut atasussaapput, tamatumani ilanngullugit atanerup tamarmi ingerlanera, sumiiffimmeerseq, mianersornissaq, sumiiffimmeerseq, pimaveraartitsineq tapiiffigineqariaaserlu.

Pisortat oqartussaasui, suliffeqarfii, ingerlataat umiarsualiviillu Inatsisartut peqqussutaata angugaata malinneqarnissanut peqataasinnaapput nioqqutissianik arlalinnik pisinissamut malittarisassiaarersut pitsaasut malinneratigut, pisortat ingerlatsinermi teknologimik minguinnersumik toqqaasarneratigut kiisalu kommunit igitanik passussinerat immikkoortiterisarnerallu pillugit pilersaarutitut tapersersuinikkut.

Pisortat oqartussaasui, suliffeqarfii, ingerlatseriveqarfii umiarsualiviillu innuttaasut aningaasaataannik pitsaanerpaamik aqutsinissamut immikkut pisussaaffeqarput, tamatumani ilanngullugu nioqqutissat sullissinerillu pitsaanerpaamik akilerlugit pisiarinissaannut. Nioqqutissiat immikkut toqqakkat akiisa, pitsaassusiisa avatangiisinullu naleqqunnerisa imminnut sanilliullugit misissorneqarnerata malunnarsisippaa nutaanik pitsaasunik pisineq pinngitsoorani akisuujuariaqanngitsoq, pisortallu pisisarnerata sukumiinerusumik misissuataarneranni akuttunngitsumik malugisassaavoq avatangiisit pillugit peqqussutip anguniagaanut ikorfartuisoqartoq tamatumalu peqatigisaanik aningaasat pitsaanerpaamik aqunnissaannut pisussaaffeqarseq eqqortinneqartoq.

Nr. 5-imut.

Avatangiisit pillugit peqqussutip pilerneraniilli § 7, imm. 1 arlaleriarluni allanguuteqartinneqartarsimavoq, taamaattumillu aalajangersagaq tamakkerlugu issuarneqarpoq. Allanguutissatut siunnersuummi § 7, imm. 1 allanngortinnagu ingerlateqqinneqarpoq, pinnaguli § 7, nr. 4 eqqagassat iginneqartarnerannut tunngasoq. Siunnersuutigineqarpoq § 7, imm. 1 nr. 4 kapitel 7a-mik taarserneqassasoq, tassani eqqakkat iginneqartarnerallu toqqaannarnerusumik pineqarlutik. § 7, imm. 1, nr. 4-p imarisaa § 35b-mi ilaassaaq. Tamatuma kingunerisaanik § 7, imm. 1, nr. 5-16-ip normulersorneri allanngortinneqarput, § 7, imm. 1, nr. 5 maannakkut tassaalerluni § 7, imm. 1, nr. 4 tulliilu taamatut.

Maanna avatangiisit innarlitsaaliorneqarnissaat pillugu peqqussummi atuuttumi avatangiisinik artukkiinnnginnissaq pillugu naatsorsuutinik tamanut

saqqummiussisarnissaq pillugu § 7, imm. 1, nr. 17-imik nutaamik aalajangersagaliortoqarnissaanik ilanngussisoqarnissaa siunnersuutigineqarpoq. Taamatuttaaq § 7, imm. 1, nr. 8 aamma 9-p oqaasertaasa allannguuteqartinneqalaarnissaat siunnersuutigineqarpoq.

§ 7, imm. 1-imi inatsisitigut tunngavissinneqarpoq Naalakkersuisut nr. 1-16-mi malittisigitillugu taaneqartuni pissutsinut pineqartunut sukumiinerusunik malittarisassiorsinnaasut, tamatumani ilanngullugu akissajaataajunnartunut qularnaveeqqusiinissaq. Pisinnaatitaaffikkut aalajangiusimaneqarpoq mingutsitsisuusup saliineq pinngortitalu pissuserisimasaminut utertinneqarnera akilissagaa, soorlu assersuutigalugu suliffeqarfik ingerlajunnaarpat suliassaq tamanna akissarunneqassagaluarluni. Qularnaveeqqusiissutit inatsisartut avatangiisit illersornerat pillugu peqqussutaanni taannaluunniit tunngavigalugu malittarisassat malillugit akuerineqarsinnaanermut pisinnaatitaasinnaanermulluunniit tunngaviusinnaapput. Assersuutigalugu immiaaqqat sodavandillu puuisa utertinneqariaasiata ineriartortinneqarneranut atatillugu aaqquissuusinerup akuerineqarnissaanut qularnaveeqqusiinissaq piumasarineqarsinnaavoq.

§ 7, imm. 1, nr. 1 naapertorlugu suliffeqarfinniit, atortorisaniit, maskiinaniit, sulinermi sakkuniit, kiassaavinniit angallassisutiniillu kiisalu taakkua sannaanniit, ingerlanneqarneranniit aerfallatsalineqarneranniillu mingutsitsinerup killilernissaa siunertarlugu malittarisassiortoqarsinnaavoq. Namminersornerullutik Oqartussat Oqartussat suliffeqarfinniit avatangiisit pillugit immikkut innerusumik akuerineqarsimanngitsunit mingutsitsinerup killilernissaa pillugu nalunaarutaat nr. 35 30. august 1994-imeersoq § 7, imm. 1, nr. 1 tunngavigalugu pilersitaavoq.

Silaannaap mingutsitaanera minnerpaalersikkumallugu suliffeqarfinnut, kiassaavinnut angallassisutinullu il.il. qinngornertigut sunniisarneq pillugu malittarisassiornissamat pisinnaatitaaneq atorneqassaaq. Qinngornertigut sunniisarneq pillugu malittarisassat eqqorluartumik immikkuualuttortalersukkamillu aalajangersagaassapput, taamaalilluni pisortat timitalimmik peqqussuteqanngikkaluartut malinneqarsinnaassallutik. Aamma qanoq ilisukkulluunniit teknikkikkut ilisimatuussutsikkullu misilittagaalersut tunngavigalugit qinngornertigut sunniisarneq pillugu malittarisassat nutarterneqartuassapput.

Erngup immallu tarajuusup imerneqariaannartut il.il. pissarsiarineqarnerat kiisalu erngup sillimmatip qulakkeernissaa pillugu malittarisassiornermut § 7, imm. 1, nr. 2-mi tunngavissiiisoqarpoq. Ullumikkut ermup saligaatsunngortinneranut atortorissaarutit ineriartortinneqareermata imaq tarajuerullugu imerlugu atorneqarsinnaalersillugu immap imaa tarajulik erngup imigassatut sillimmatip ilaatut isigisariaqarpoq. Iermik saligaatsunngortitsiviit ataasiakaannguit kisimik pilersinneqarsimagaluartut misilittakkat pitsaasuupput naatsorsuutigineqarsinnaavorlu siunissami immap imaata tarajullip iminngorlugu salinneqartarnera annertusiartussasoq. Taamaattumik siunnersuutigineqarpoq aamma inatsimmik tunngavilimmik qulakkeerneqassasoq immap sinerissap qanituaniittup pisariaqanngitsumik mingutsinneqannginnissaa, aammalu imeqarfiit qulakkeernissaat tunngaviligaalluni. Ulluinnarni sinerissap ilai eqqakkanik

kuufigineqarnikkut assigisaasigulluunniit mingutsinneqassanngillat. Imeqarfiit illersugaanerat erngullu imeriaannanngorlugu pissariarnera pillugit Namminersornerullutik Oqartussat nalunaarutaat nr. 9 15. april 1993-imeersoq peqqussut pisinnaatitsinermi atuuttuassaaq.

Erngup igitap aniatinneqarneraniit, ikuallaasarfinniit, eqqaveqarfinniit atortuniillu assigisaanniit mingutsitsinerup killilernissaa pillugu malittarisassiornermut § 7, imm. 1, nr. 3 inatsisitigut tungaviussaaq. Atortut tamakkua sannai, ingerlanneqarnerat aserfallatsaalinerallu pillugit malittarisassiorortoqarsinnaavoq. Soorlu ikuallaasaarfiit qinngornertut aniatitsinerannut malittarisassiornermut kiisalu erngup igitap aniatinneqarneranut malittarisassiornermut pisinnaatitsissut atorneqassaaq. Igitap ikuallanneranni ilaatigut dioxin silaannarmut aniasarpoq ullumikkullu ilisimaneqarpoq dioxin inuit uumasullu orsuannut katersuuttartuq peqqissutsikkut ajornartorsiutinik kinguneqartumik. Naalakkersuisut ilaatigut dioxinimik aniatitsinerup killilernissaanik aalajngiisinaanissaat aamma ilisimasat misilittakkallu nutaat pisariaqartilerpassuk nutarterisinaanissaat pingaaruteqarlunnarpoq.

Erngup igitap avammut kuutsinneqartarnera avatangiisinut ajornartorsiutaajartortutut isigineqarpoq. Imeq suliffeqarfiit nioqqutissorneranniit inuillu angerlarsimaffimmi atuineranit igitap minguiarneqarani ingerlaannaq imaanut kuulluni siaruartarpoq, akugisai pinngortitamut ajoqutaasut annikillisarneqaqqaaratik peerneqaratilluunniit. Erngup igitap eqqaaveqarfinniillu aniasut illoqarfiit nunaqarfiillu sinerissamut qanittortaanni mingutsitseqataasarpur. Taamaattumik erngup igitap aniatitsineratigut mingutsitsinermut ilaapput innuttaasut aamma suliffeqarfiit pisortallu oqartussaasui, suliffeqarfii, ingerlatsiveqarfii, suliffiit ingerlataat umiarsualiviillu.

§ 7, imm. 1, nr. 4 naapertorlugu ineqarfiit atuuttut atuutulerumaartullu eqqaaviit kuuffiitut attavilerneqarnissaat pillugu malittarisassiorortoqarsinnaavoq, tamatumani ilanngullugu eqqaavinnut pioreersunut attavilernissaaq. Aalangersagaq ilanngunneqarpoq ilaatigut KANUKOKA-p kissaateqarneratigut. Malittarisassakkut qulakkeerneqassaaq eqqaaviit kuuffiisa annertusartuarnissaat anartarfiillu iginneqariaasiata annikilliarternissaa aningaasatigut avatangiisitigullu pitsanngorsaataasumik.

Avatangiisinut Pinngortiamullu Pisortaqaarfiup imermut igillugu kuutsitamut tunngatilugu ajornartorsiutit aaqiissutissallu pillugit pilersaarut aallartisimavaa.

§ 7, imm. 1, nr. 5 tunngavigalugu ikummatissanut kiassarnermi angallassienrmilu atorneqartartunut piumasaqaasiortoqarsinnaavoq. Aalangersagaq mingutsitinikkut ajornartorsiutinut nukissamik atuiartuinnarnerup pilersitaanut atatillugu isigineqassaaq. Ikummatissat, tamatumani ilanngullugu minguitsuunissamik piumasaq imaluunniit akugisat aalaganersimasut peerneqarnissaat pillugu Naalakekrsuisut malittarisassiussapput peqqinnisamut avatangiisinullu tunngatilugu akugisat tamakku pillugit ilisimasat nutaat pigineqalissappata.

§ 7, imm. 1, nr. 6 naapertorlugu atortut qanoq ittuunerata akuerineqarnera, maskiinat, sulinermi sakkut angallassissutillu pillugit malittarisassiorortoqarsinnaalissaaq. Atortut

qanoq ittuunerata akuerineqarnerat pillugu malittarisassatigut teknologip atoriaannaap pitsaanerpaap atorineqarnisaanik tunngaveqarnej timalimmik piviusunnngortinneqarpoq. Pisinnaatitsissut atorineqassaaq piumasat tamakku aalajangersarnissaannut avatangiisinut tunngasut tunngavigalugit, soorlu atortuliuit, maskiinat, sakkugisat angallassissutillu atorineqarneratigut nipiliornej, mingutsitsineq nukissallu atorluarneqarnerunerat.

§ 7, imm. 1, nr. 7-imi tunngavissinneqarpoq ingerlatsinerit aarlerinaateqarsinnaasut § 2, imm. 2-mi taaneqartut, akuutissat ulorianaatillit toqqortarinerat angallannerallu pillugit malittarisassornissamut aalajangersaanissaq. § 2-mut oqaaseqaatini taaneqareersutut pissutsit taamatut ittut pillugit maleruagassiornissaq kisimi siunniussaavoq isumannatsuunissamut maleruagassiat pisariaqartut atorlugit inatsisitigut allatigut ajornarpata.

Inatsisartut peqqussutaanni anguniakkamut naapertuuttumik § 7, imm. 1, nr. 8 tunngavigalugu imermik isumalluutit, immamik isumalluutit, siku, qaqqat, nunap silaannaallu kiisalu nipiliorpallaannginnissap illersornissaat pillugit malittarisassiortoqarsinnaavoq. Inatsisartut peqqussutaanni maanna atuuttumi siku qaqqallu illersorneqartussatut aalajangersaavigineqanngillat, naak § 2, imm. 1, nr. 1- imut ilaatinneqaraluarlutik. Tamatumani anguniakkanut paatsuinnginnissarlutik pillugit aalajangersakkap oqaasertai tamatumunnga naapertuuttunngortinniarlugit aalajangersakkami siku qaqqallu ilanngunneqarnissaat siunnersuutigineqarpoq. Malittarisassaq atorineqassaaq aniatitsinerup killissaasa aalajangerannut, tassa nunap qaavani erngup, imermik isumalluutit, pitsaassusiannut, silaannarmi nunamilu akuutissat mingutsitsisut killissaat kiisalu nipiliornerup sakkortussusiata killissaa pillugit piunnaasaatit. Imermik isumalluutit illersornerat aamma imermik imeriaannngortitamik pissarsisarnej pillugit Namminersornerullutik Oqartussat nalunaarutaat nr. 9 15. april 1993-imeersoq malittarisassaq tunngavigalugu pilrsitaavoq, Kalaallit Nunaannilu imermik isumalluutit illersornerata qulakkeernissaanut aalajangersagaq atorineqassaaq.

§ 7, imm. 1, nr. 9 naapertorlugu inerteqqutigaluguluunniit killilersinnaavaat akuutissanik aalajangersimasunik, nioqutissianik imaluunniit uumassusilinnik eqqussineq, annissineq, nioqutissiornej, tunisisarneq atuinerluunniit, inerteqqut killiliinerluunniit taamaattoq avatangiisinut navianartuuneranik patsiseqarpat. § 7, imm. 1, nr. 9 imaalillugu allannguuteqartinneqarnissaa siunnersuutigineqarpoq, uumassusillit uumassusilinniillu pisut aalajangersakkap susassaarfianut ilanngunneqassallutik. Uumassusilinnit pisut tassaatinneqarput planktonit uumassusillit toqungasullu, uumasut naasulli toqungasut suujunnaalersullu kiisalu uumasuniit annat.

Aalajangersagaq inatsisartut avatangiisit illersornerat pillugu peqqussutaanni 1988-imeersumili ilanngunneqarpoq, kisianni taamanikkut Naalakkersuisut taamaallaat pisinnaatitaapput akoorutissat uumassusillillu ilai avatangiisinut navianarunnartut eqqunnissaat atornissaallu pillugit malittarisassiornissaatitaapput. Maanakkut aalajangersagaq tunngavigalugu aamma aanissuineq, nioqutissiornej allanullu tunisisarneq iluarsiissusertarlugit aqunneqarsinnaapput. Ilanngullugu aalajangersakkami periarfissinneqarportaaq nioqutissiornerup annertussusiata

aqunnissaa, tassami nunani tamani isuaqatigiissutini amerlasuuni immikkoortinneqarmata akoorutissat kemimit pisut (pinngoqqaartutut attaviisullu nassuiarneqartut) aamma kemi atorlugu nioqqutissiat (akoorutissat kemimit pisut marluk arlallilluunniit atorlugit manngertunngortitat, imerpalasunngortitat silaannartulluunniit pissusilikkatut nassuiarneqartut).

Aalangersakkamut tunngaviuvoq Kalaallit Nunaata avatangiisit tungaasigut nunani tamani isumaqatigiissutit arlallit akuerisimammagit, tamatumani ilanngullugit igitanik navianartunik killeqarfiit aporfiginagit angallassinerep nakkutigineqarnera pillugu Baselimi isumaqatigiissut, akoorutissat ozoneqarfimmik mangiaasartut pillugit Montrealprotokolli aamma avatangiisini toqunartut uumassusilinnit pisut atajuartut nioqqutissiarinerat, atugaanerat piiarnerallu pillugit POP-protokolli (POP). Namminersornerullutik Oqartussat akoorutissat ilaasa ozoneqarfimmik mangiaasartut atornissaata inerteqqutaanera pillugu nalunaarutaat nr. 30 10. august 2001-imeersoq § 7, imm. 1, nr. 9 tunngavigalugu pilersitaavoq.

§ 7, imm. 1, nr. 10-mi ilaapput mingutsitsinerup akiorneqarneranut atatillugu atugassatut sanaat, aqqissugaanerat atortullu. Taanna tunngavigalugu qanoq ittuunerata akuerineqarnissaa pillugu Naalakkersuisut piumasaqarsinnaapput ikiuutit mingutsitsinerup akiorneranut naleqqunnerpaatut isigineqartut atugaanerat qulakkeerumallugu.

§ 7, imm. 1, nr. 11 tunngavigalugu nunatat pissusai, naasui il.il. ajoqusikkat iluarseqqinnissaat pillugu Naalakkersuisut malittarisassiorsinnaapput. Ilaatigut assaanikkut, eqqaaveqarfiit matuneqarneratigut aqqusinniaagallartullu peerneratigut ajoqusikkat pillugit malittarisassiornissamut pisinnaatitsissut atorneqassaaq.

§ 7, imm. 1, nr. 12 malillugu inatsisartut peqqussutaata anguniagaa naapertorlugu uumasuuteqarneq pillugu Naalakkersuisut malittarisassiorsinnaapput. Avatangiisitigut ajornartorsiutit misilittakkat malillugit uumasuuteqarnermut atasartut aqunneqarnissaat pillugu malittarisassiornermut pisinnaatitsissut atorneqassaaq, tamatumani ilanngullugit uumasut toqusut peerneqarnerat, nersutaatinik toqoraanermi igitat uumassusilinneersut peerneqarnerat, inuutissanut akuutissat naggorissaasersuinermit pisut nunamut kiviorartut piiarnerat kiisalu nipiliornermi tipiliornermilu akornutaasut.

§ 7, imm. 1, nr. 13 tunngavigalugu peqqinnermut akornutaasut, avatangiisinut tunngasut imaluunniit avatangiisinut annertuumik akornutaasut pinaveersimatinnissaat pillugit pisariaqarpat Naalakkersuisut uumasupiluit pillugit malittarisassiorsinnaapput. Teriarsuit, aammali teriannissat, tulukkat, naajat sullernillu ilai assersuutigalugu passussinermi, uninngatitsinermi imaluunniit eqqagassanik igitsisarnermi ajornartorsiutaasut akiorneqarneri pillugit malittarisassiortoqarsinnaavoq.

Assersuutigalugu teriarsuit ikilisarnissaat pillugu malittarisassortoqarsinnaavoq, aammali teriannissat, tulukkat, naajat sullernillu ilaasa toqqorsivinnut assigisaannullu ajornartorsiutinik pilersitsisut ikilisarnissaat pillugu malittarisassiortoqarsinnaavoq.

§ 7, imm. 1, nr. 14-imi Naalackersuisut tunngavissinneqarput immiaaqqanut imeruersaatinullu kusyirilinnut puussat pillugit malittarisassiorsinnaanermut, tamatumani ilanngullugit puussat aalajangersimasut atorneqaqqusaanerat kiisalu utertitsisarnissamut aqqissuussinermik pilersitsisussaataaneq. Puussat akuerisaasut atorlugit utertitsisarnermik aqqissuussinikkut qulakkeerneqassaaq tamakkiisumik atueqqissinnaaneq tamannalu avatangiisit illersornerannut malunnaatilimmik ikorfartuutaavoq. Immiaaqqat imeruersaatillu kulasyritallit puui pillugit Namminersornerullutik Oqartussat nalunaarutaat nr. 16 28. maj 2002-meersoq tamatuminnga tunngaveqarluni pilersitaavoq, aalangersagarlu Kalaallit Nunaanni uppernarsaateqarluni utertitseriaatsip ataannarnissaanut atorneqartuassaaq.

§ 7, imm. 1, nr. 15-imi tunngavissinneqarpoq Naalackersuisut sanaartukkat annertuut avatangiisinut sunniutaasa naliliiffigineqartarnerat (VVM) pillugu malittarisassiorsinnaanerat. Sanaartukkat killeqarfiit aporfiginagit avatangiisinut sunniuteqassanganineqartut avatangiisinut isigalugu nalileneqartarnerat pillugu isumaqatigiissut Espoo aalajangersakkakut piviusunnigortinneqarpoq, taamaalilluni avatangiisinut sunniinerluutit pinaveersimatitsiniarluni avatangiisit pillugit suliniutitigut ikisarlugit akiorlugilluunniit. Espoomik isumaqatigiissummi piumasarineqarpoq sanaartukkat immikkut allattorneqartut, ilaatigut kemi atorlugu sanaat, nukissiorfiit annerusut, aatsitasarsiornerup imaannarmilu nioqqutissiornerup avatangiisinut summiutaasa nalilersorneqarnissaat. Isumaqatigiissutip imaraattaaq sanaartukkat tamakkua avatangiisinut sunniutaasa tamanut saqqummiunneqarnissaat tamanullu ammasumik oqallisigineqarnissaat. Isumaqatigiissut Espoo 1993-imi Kalaallit Nunaata akueraa aalajangersagarlu isumaqatiissut naapertorlugu malittarisassiornermut atorneqartuassaaq. Malittarisassamili aamma Kalaallit Nunaanni namminermi suliffeqarfiit sanaartukkallu avatangiisinut sunniutai pillugit nalileeqqusinissamut periarfissiisoqarpoq.

Sanaartukkat annerusut pilersaarusioneranni avatangiisinut sunniutissat nalilersornerat pinngortitamut kingunissaasa nalilersornerannik ilasariaqarpoq pinngortitap illersornera pillugu Inatsisartut inatsisaanni 18. december 2003-meersumi § 43 malillugu. Naalackersuisut maannarpiaq suliarat nalunaarusiornissaq tassani sanaartukkat annerusut avatangiisinut pinngortitamullu sunniutaasa ataatsimoortillugit nalilernissaannut malittarisassiornissaq siunertaalluni.

§ 7, imm. 1, nr. 16 tunngavigalugu Naalackersuisut avatangiisit pillugit paasissutissanik katersineq nalunaarutiginnittarnerlu pillugit aalajangersagaliorsinnaapput. Avatangiisit illersornerat pillugu Inatsisartut peqqussutaanni ilaareerpoq pissutigalugu Kalaallit Nunaata akuerisimmagig itigat navianartut angallanneqarnerat pillugu Baselimi isumaqatigiissut, akuutissat ozoneqarfimmik mangiaasut pillugit Montrealimi protokolli aamma avatangiisini toqunartut uumassusilinnit pisut atajuartut pillugit Stockholmimi isumaqatigiissummi POP-mut protokoli. Isumaqatigiissutit akuerineqartut tamarmik paasissutissiinnissaq pillugu aalajangersagartaqarput, aamma § 7, imm. 1, nr. 16 atorlugu Naalackersuisut suliffeqarfinniit, kommuniniit ignerlatsisunillu allaniit paasissutissanik pisariaqartunik katersuinermut sukumiinerusunik tunngavissiorsinnaapput. Aalajangersagaq atorneqassaartaaq paasissutissanik avatangiisit illersornissaat pillugu paasissutissanik Naalackersuisut

pilersaarusiornerannut ingerlatsinerannullu annertuumik pingaaruteqarsorinartunik katersuinerup qulakkeernissaanut.

Malittarisassaq malillugu paasissutissanik katersuineq nalunaaruteqartarnerlu pillugit malittarisassat killiligaapput nammineq pinerluttuutinnerup inertequtaanera pillugu malittarisassanit nalinginnaasunit Europami Inuit pisinnaatitaaffi pillugit isumaqatigiisummi artikel 6 malillugu. Maalakkersuisut paasissutissanik piunasaqarsinnaanngillat, paasissutissat avatangiisinut tunngasut, pasitsaanneqarpat malittarisassat malillugit avatangiisit pillugit nalunaaruteqartussaq eqqartuunneqaatissamik pinerlussimasoq paasissutissallu sukumiinerusumik naliliinissamut pingaaruteqarsinnaappata.

§ 7. imm. 1, nr. 17-imik nutaatut siunnersuuteqarnermi Naalakkersuisut tunngavissinneqarpud avatangiisinik artukkiinnginnissaq pillugu naatsorsuutiniq tamanut saqqummiussisarnissaq pillugu aalajangersagaliornissamut, tassunga ilanngullugit avatangiisinik artukkiinnginnissaq pillugu naatsorsuutiniq kikkut pisussaaffeqarnerisut saqqummiinissamut, naatsorsuutit piffissalersorneqarnerat, ilusissaat, imarisassaat aammalu avatangiisinik artukkiinnginnissaq pillugu naatsorsuutit tamanit takuneqarsinnaanissaat pillugu. Aalajangersakkat isumannaassavaat, avatangiisinik artukkiinnginnissaq pillugu naatsorsuutit saqqummiunneqartut, tamanit takuneqarsinnaasarnissaat, tassunga ilanngullugit assigiissaartumik naleqqersuinissamullu tunngatillugu allagaassallutik, avatangiisinillu innarlitsaaliuinissamut iliuuserinninnissamut atorineqarluaarsinnaanissaat.

Maanna inatsiseqartitsinerimut aalajangersakkap ilanngunneqarnissaa siunnersuutigineqarpoq avatangiisinik artukkiinnginnissaq pillugu naatsorsuuteqartitsisalernissamut piviusunngortitsinissap Inatsisartut aalajangiinerannut naapertuuttup periarfissinneqarnissaa (UPA 2006/42 aamma 56). Avatangiisinik artukkiinnginnissaq pillugu naatsorsuutit siunertaraat avatangiisitigut unammillerniagassat ilisimaarineqalernissaat siuarsarniarlugu kiisalu pisortat suliffeqarfimmi namminersortut suliffeqarfiisa avatangiisit pillugit aqutsisarnisaannut kajumissaarneqarnissaat.

Avatangiisinik artukkiinnginnissaq pillugu naatsorsuutit suliffeqarfimmi, sullissivimmi, kommunimi assigisaannilu nukissat atukkat pillugit avatangiisinik artukkiinnginnissamut ukiumoortumik naatsorsuutaapput. Avatangiisinik artukkiinnginnissaq pillugu naatsorsuutit siunertaraat aqutsisut ingerlaavartumik siunertalimmillu avatangiisit pillugit iliuuseqartarnissaannut kiisalu sanilerisat, inuiaqatigiit tamallu suliffeqarfiit avatangiisinut sunniisarnerisa naliliisarnissaannik periarfissiinissamut sakkussalerneqarnissaat. Avatangiisinik artukkiin-nginnissaq pillugu naatsorsuutiniq ilaatigut ingerlatseqatigiiffiup kommunilluunniit avatangiisinut sunniisarneri, tassunga ilaallutik nukissanik, imermik, nioqutissiassanik stoffinillu mingutserisartunik kiisalu aniatitanik eqqagassanillu pilersunik sunniutinik nassuiaasoqartassaaq. Avatangiisinik artukkiinnginnissamut naatsorsuutit aammattaaq avatangiisinik pitsan-ngoriaateqartitsinissamut iliuusissat pillugit imaqartinneqarsinnaavoq, assersuutigalugulu sulisorisat suliffeqarfiup

ataatsimoortumik aningaasaqarnikkut avatangiisinullu artukkiisumik iliuusissaasa nukissatigut ileqqaartarnissakkut iliuuserisartagaanit.

Avatangiisinik artukkiinginnissaq pillugu naatsorsuutit pillugit inatsisiliornermi ilitersuummilu siunertarinqassaaq, sulisussat akornanni oqimaaqatigiissitsisoqalissasoq avatangiisit pillugit paasissutissanik katersinermut saqqummiinermullu aningaasaliissuteqartarnermi aammalu aningaasaqarniarnikkut avatangiisitigullu iluanaarutissat naatsorsuutinit ilimagalugit pissarsiarineqartussaasunit. Avatangiisitigut pitsannorsaataasinnaasussat naatsorsuutigisat annertunersaat ingerlatseqatigiiffinit akunnattumik angissusilinnit aamma angisuuneersuunissaat naatsorsuutigineqarput avatangiisit pillugit peqqussummi kapitali 5-imut ilaatinneqartuni, ingerlatseqatigiiffiit, suliniutaat imermik, atortussanik imaluunniit nukissamik annertuumik atuiffiusut, kiisalu Namminersornerullutik Oqartussat aamma kommunit, taakkununga ilanngullugit ikuallaasarfiit igitassanillu tigooraaviit, pisortat allaffii suliffeqarfiutaallu.

Inatsisartut peqqussutaanni ilaatigut anguniagaavoq inuit peqqissutsikkut pilersitsinikkullu atugarisaasa qulakkeernissaat, tak. § 1, imm. 2. Avatangiisinut oqartussaaneq 1988-imi Namminersornerullutik Oqartussat tigungmassuk peqqinnermut kommissionit atorunnaarsinneqarput Kalaallit Nunaannilu peqqinnermut kommissionit pillugit nalunaarut atorunnaarsitaalluni. Tamatumunnga tunngavissaqavinnigikkaluarpoq, ulluinnarnili kommunalbestyrelsit nalunaarut atorunnaarsitaq peqqussummilu peqqussumilu anguakkatut paragrafi § 7, imm. 2 tikillugu malillugu aqutsuarput Inatsisartut peqqussutaannut atuuttumut 1993-imeersumut ilanngunneqartumik.

§ 7, imm. 2-mi nalunaarneqarput inuup peqqinnikkut atugarisaanut pingaarutillit arlallit Naalakkersuisut sukumiinerusumik malittarisassiuussinnaasaat. Aalajangersagaq allannguuteqartinnagu ingerlatiinnarneqassaaq § 7, imm. 2, nr. 3 aamma 7-ip oqaasertaasa annikitsumik allannguuteqartinneqalaarnerat eqqaassannigikkaanni.

§ 7, imm.2, nr. 1 naapertorlugu erngup imeriaannangorlugu pissarineqartartup inuussutissalerinermilu atorneqartartup pitsaasusaa pillugu Naalakkersuisut malittarisassiorsinnaapput, aammalu Naalakkersuisut erngup nakkutigineqarnera pillugu malittarisassiorsinnaapput. Nakkutilliinerup annertussusia timitalimmikku ingerlataanera pillugit sukumiinerusunik aalajangersaasoqarsinnaavoq.

§ 7, imm. 2, nr. 2 naapertorlugu tunngavissiisoqarpoq erngup imeriaannartut pitsaassuseqarnera pilersuiviit ilusilersornerat atortussallu toqqarneqartut pillugit malittarisassiorsinnaaneq. Pisinnaatitsissut atorneqassaaq imermik imeriaannarmik pilersuiviit teknologip atoriaannaap pitsaanerpaap atorneqarnissaanik tunngaveqarneq naapertorlugu pilersinneqarlutillu ingerlanneqarnissaat qulakkeerumallugu. Aalajngersagaq malillugu malittarisassioratoqarsinnaavoq soorlu imermik pilersuivinni ruujorit imermik imeriaannarmik pilersitsinermi atorneqartut tassunga atortussatut akuerineqarsimanissaatigut, taamaalilluni toqunartullit imermut roojoriniit anianerat piaartumillu qupisoornerit pinngitsoorumallugit.

§ 7, imm. 2 nr.3 tunngavigalugu Naalakkersuisut anartarfeqarnermi uffarfeqarnermilu pissutsit pillugit malittarisassiorsinnapput. Inatsisartut peqqussutaannut maanna atuuttumut sanilliullugu, tassani anartarfeqarnermi uffarfeqarnermilu pissutsit atorneqarmata, anartarfinnut, uffartarnernut asattarnenullu atortulersuutit pissutsillu taakkununga ilaatinneqarsinnaasut taaguuttit allatut oqaasertalerneqarnissaat siunnersuutigineqarpoq. Anartarfiit puui imaartakkat imerlu peqqinnissaq pillugu peertagaq pillugit pisinnaatitstissut nalunaarummut nr. 27-imut 17. september 1993-imeersoq tunngavissatut atorneqartuassaaq.

§ 7, imm. 2, nr. 4 naapertorlugu sissani naluffiusartuni, naluttarfinni uffariartarfinnilu erngup pitsaassusia nakkutigineqartarneralu pillugit malittarisassiortoqarsinnaavoq. Aamma erngup naluffiusartup nakkutigineqarnera pillugu malittarisassiortoqarsinnaavoq. Pingaartumik naluttarfiit nalukkiartarfiillu erngup naluffiup kemimik atortoqarluni salinneqartarfiini pingaaruteqarpoq kemimik akullit killernissaata piumasarineqarnissaa innuttaasut tamakkuninnga toqqissillutik atuisinnaaqullugit.

§ 7, imm. 2, nr. 5 tunngavigalugu ulluunerani unnuunnuaanerani anartarfilerinermik aqqiasuussinerit pillugit Naalakkersuisut malittarisassiorsinnaapput, tamatumani ilanngullugit aqqissuussinerit taamaattunut akissajaatit akilerneqartarnerat. Anartarfiit tassani erngup igitap igitarnera pillugu nalunaarummi nr. 27-imi 17. september 1993-imeersumi ilaatigut § 7, imm. 2, nr. 5 tunngavigalugu pilersitaasumi ulluunerani unnuaanerani anartarfilerimik aqqissuussinerit killissaat aalajangigaavoq. Pisinnaatitsissut atorneqassaaq qulakkeertuarumallugu ulluunerani unnuaanerani anartarfilerinermi katersuineq, angallassineq igitinerlu peqqinnissakkut avatangiisitigullu isumannaatsumik ingerlassasoq.

§ 7, imm. 2, nr. 6-imi Naalakkersuisut tunngavissinneqarput anartarfinniit allaniillu imikoorutit nunamut, sukumut, tatsinut, kuunnut imaanullu kuutsinneqartarnerat pillugu malittarisassiornissamat. Namminersornerullutik Oqartussat anartarfiit aamma quisarfiit erngullu peqqinnermut ajoqutaasup peerneqartarnerat pillugu Namminersornerullutik Oqartussat nalunaarutaat nr. 27 17. september 1993-imeersoq tassangattaaq tunngveqarpoq. Pisinnaatitsissut atorneqassaaq erngup igitap peerneqartarneranut peerneqartullu peerneqartarnerannut, avatangiisinut imaluunniit peqqisutsimut tunngasut tamanna immikkut pisariaqartippasuk, tamatumani ilanngullugit ilisimatuutut ilisimalikkat nutaat, avatangiisit pillugit paasisutissat nutaat imaluunniit imermik imeriaannangortitsineri mianerisassat.

Avatangiisinut Pinngortitamullu Pissotaqarfiup imikoorutip ajornartorsiutaanerata qulaajarnissaa pillugu pilersaarut aallartissimavaa.

§ 7, imm. 2, nr. 7 tunngavigalugu tupersimaartarfiit, kulturimut, sunngiffimmut timersornermullu aqqissuussinerit sumiiffiillu inuit amerlasuut katersuuffii pillugit malittarisassanik aalajangersaasoqarsinnaavoq. Peqqussummi maanna atuuttumi aasivissiornerit timersortitsinerillu taaneqarput, Naalakkersuisulli kissaatigaat ullumikkut nunami tamarmi aqqissuussinerit tamarmiusut takussuserneqassasut

ilanngunneqassallutillu, erseqqissaatigalugulu qangatut aasivissioartarnerit tusarnaartitsinerillu annertuut aalajangersakkamut ilaatinneqarnissaat. Inuit amerlasuut katersuunneranni minguisaarnermut, peqqissutsimut avatangiisinullu immikkut tunngasoqarsinnaavoq, pisinnaatitsissullu atorneqassaaq anartarfinnut uffartarfinnullu, eqqakkat peernerannut assigisaannullu malittarisassiornissamut inunnut avatangiisinullu ajoqutit pinngitsoorumallugit.

§ 7, imm. 2, nr. 8-mi pineqarpoq imaani nunamilu uumasut pilanneqartarnerat. Aalangersagaq malillugu Naalakkersuisut pisinnaatitaapput sumiiffinni sukumiinerusumik killikkani imaani nunamilu uumasut pilanneqaqqusaannginnerannut malittarsariornissamut. Inerteqqummut taamaatumut tunngaviussaaq inuit inuernerminni peqqissutsikkut atugarisaat, tamatumani ilanngullugit silaannaap, erngup, sikip, qaqqat nunallu mingutsitaanerat. Aajangersagaq malillugu aamma piumasarineqarsinnaavoq sumiiffiit immikkut toqqakkat uumasut pianneqarnerannut aaqqissugaassasut atorneqrlutillu. Uumasunik pilareernermi igitat uumassulinneersut iginneqarneranni immikkut ittumik mianerisassaqarpoq, tassami issittumi avatangiisini nungujartorneq arriitsuinnaasarmat.

§ 7, imm. 2, nr. 9 tunngavigalugu toqusut inaat iliveqarfiillu pillugit aalangeragaliortoqarsinnaavoq. Toqusut inaasa iliveqarfiillu pilersitaanerat, aaqqissugaanerat ingerlanneqarnerallu pillugit malittarisassiortoqarsinnaavoq inuit peqqissusiat avatangiisillu mianeralugit.

§ 7, imm. 2, nr. 10-mi Naalakkersuisut napparsimmaviit eqqagassaannik igitsisarneq pillugu aalajangersagaliorsinnaapput. Pisinnaatitsissut atorneqassaaq peqqinnermut navianaatilinnik aamma timip sananeqaataasa ilaasa iginneqartarnerat pillugu malittarisassiornermut, tamatumani ilanngullugit nalunaarsuinnermut, nalunaarutiginninnermut, immikkoortiterinnermut, toqqortarinninnermut, poortuinnermut angallassinermullu malittarisassat.

§ 7, imm. 2, nr. 11 tunngavigalugu Naalakkersuisut pissutsinut matuma siuliiniitunut atanngitsunut, kisianni inuit tamat eqqiluisaarnernnut peqqissusiannullu pingaaruteqarsorineqartunut malittarisassiorsinnaapput. Piginaatitsissut atorneqassaaq pissutsit ullumikkut ilisimaneqanngitsut, kisianni kingusinnerusukkut inuit peqqissuannut avatangiisinullu mianerinninnissamik takutitsiut.

§ 7, imm. 3-mi Naalakkersuisut periarfissinneqarput nalunaarusiornikkut umiarsuit atorunnaartut passunissaanut malittarisdassiornissamut. Tassa umiarsuit atorunnaartut avatangiisinut isumannaatsumik iginneqarnerat qulakkeerumallugu. Ullumikkutut tamatumunnga tunngatillugu ersarissunik malittarisassaqartinnagu angallatit amerlasuut umiarsualivimmi qimanneqarajuttarput kivigunik oliamik ngutsitseratarsinnaallutik. Umiarsuit/angallatit atorunnaartut mingutsitsinikkut ajornartorsiutivippat tamanna pillugu sulisoqanngippat. Siunniunneqarpoq kommunit aallaqqaatitut akisussaatinneqassasut umiarsuit atorunnaartut iginneqarnissannut periarfissanik ilitersuinissamut. Kommunit suliassamik nutaamik tassannga piumaffigineqarpata aningaasatigut taarsiinissaq oqallisigineqassaaq. § 7, imm. 3-mi Naalakkersuisut pisinnaatitaapput umiarsuit

atorunnaartut ikililernissaannut atoqqinneqarsinnaanerannullu malittarisassiornissamut.

§ 7, imm. 4-mut siunnersuut nutaaq atorlugu Nalakkersuisut tunngavissinneqarput sanartukkani aalajangersimasuni mingutsitsisartuni pissutsit pillugit ilisimasatigut ilinniartitaanikkullu malittarisassiornissamut aamma § 7, imm. 4, nr. 3-mi suliffeqarfiit annertuumik mingutsitsisartut ilanngullugit. § 7, imm. 4, nr. 1 aamma 2-imi sanaartukkat siunnersuummi innersuussutigineqartut, suliffeqarfiit annertuumik mingutsitsisartut pillugit inatsisartut peqqussutaanni aalajangersakkanut ilaasut, immikkoortugaluguli igitassat passunneqartaramik peerneqartarlutillu.

§ 7, imm. 4, nr.1-imi pineqarput inuit sanaartukkanik mingutsitsisartunik aalangersimasunik aqutsisuussut. Aalajangersakkakut Naalakkersuisut tunngavissinneqarput inuit taakkua teknikkimik paasisimasaqarnisaannik piunasaqarnissamut. Ilimagineqarpoq piginnaatitsissut atorineqassasoq pisortaausut ilisimasaqarnissaannik ilinniarsimanissaannillu piunasaqarnikkut, assersuutigalugu anguneqarsinnaalluni isumannaatsumik ingerlatsineq avatangiisinut ajoqusiisumik ajutoornernik kinguneqannginnissa imaluunniit ingerlatsineq BAT-imi tunngavigianut naleqqunnerusoq. Avatangiisinut tunngasut annertuumik ilisiimatuutut misissuataarneqarput, ilisimasallu atoriaannaat inuiaqatigiinnut kalaallinut iluaqutaasariaqarput sanaartukkat pilerlsinneqarnerminni, ingerlataanerminni matuneqarnerminnillu sapinngisamik annerpaamik avatangiisinut qajassuussisunngortillugit.

§ 7, imm. 4, nr. 2 naapertorlugu Naalakkersuisut sanaartukkani mingutsitsisartuni sulisuusut ilinniartinnissaat pillugu malittarisassiorninnaapput. Tamatumani eqqarsaatigineqarnerupput sulisut ikuallaasarfinnik stationinillu tigooraavinnik ingerlatsisut. Sulisut ilinniartinnissaannik piunasaqarneq isumannaatsuunissaq aamma inuiaqatigiit aningaasaqarnerat pillugit aaqqissuussinertut isigisariaqarpoq. Ikuallaasarfiit ullumikkut sanaartorneqartut imatut tenikkikkut pissuseqarput piunasarineqarluni ingerlatsinermi sulisorisat sulilertigatik sannaartukkap passunneranut ilinniartinneqarsimassasut tamatumunngalu uppernarsaateqarlutik. Aamma sulisut stationinik tigooraavinnik isumaginnittut ilinniartinneqartariaqarput, tassami sulisut igitat ulorianartut tigusarmatigut, immikkoortiterlugit ingerlateqqillugillu. Sulisut ilisimareertariaqarpaat eqqakkat assigiinngitsut taamaattut qanoq passunneqassasut isumannaannissamullu malittarisassat suut pisariaqarnerisut.

Stationip tigooraaviup avatangiisitigut akuernineqarnissaanut ullumikkut piunasanut ilanngunneqarpoq ingerlatsinermi sulisuusut ilinniartinneqarsimassasut sanaartugaq teknikkimut avatangiisinullu tunngatillugu naammaginantumik ingerlassinnaanngorlugu. § 7, imm. 4, nr. 2-mi aalajangersakkatut siunnersuutigineqartukkat taamatut piunasaqarnissamut tunngavissaq naatsorsuutigineqartoq qulakkeerneqassaaq.

Ullumikkut MOKANA, Jyllandip avannarpasissuani kommunit arlallit ataatsimoorullugu selskabiit, stationini tigooraavinni ingerlatsinermi sulisunik pikkorissartitsillattaarpoq. Kalaallit kommunii igitat avatangiisinut ulorianartut

pillugit peqataanissamik suleqatigiinnissamillu MOKANA-mut isumaqatigiissuteqarsimapput.

Nunaqarfinni ikuallaasarfinnut tunngatillugu ingerlatsinermut ilitersuut kiisalu video/dvd ilitersuusiaq suliarineqarsimapput atorfininnermut atatillugu sulisunut ilisimalersinneqarsimasussaq.

Ungasinnerusorli isigalugu aaqqissugaanerusumik pikkorissartitsisarnissaq pisariaqarpoq eqqaasarnermut tamarmut tunngasumik eqqaasarnerullu iluani immikkoortunut ataasiakkaanut sammisititamik. Soorlu Danmarkimi perlukuiaanerup iluani AMU-mi pikkorissarnerit arlallit piginnaasaqalersitsisut ingerlanneqartarput.

Sulisut sanaartukkanik aalajangersimasunik mingutsitsisartunik ingerlatsisut ilinniartinnissaannut piumasat sukumiinerusut, teknikkikkut ilisimasassanut pisariaqartunut uppersaateqaqqusaaneq ilanngullugu nalunaarutikkut aalajangersarneqassapput.

Siunnersuutigineqarpoq Naalakkersuisut § 7, imm. 4, nr. 3 malillugu suliffeqarfiit annertuumik mingutsitsisartut avatangiisit pillugit sulinermi suleqataasunik peqataatitsisarnissaat pillugu malittarisassiorsinnaapput. Minnerpaamik suleqataasut tamarmik suliffeqarfiup avatangiisitigut akuerisaanerata imarisaa ilisimassavaat, pineqarpat suliffeqarfik suliffeqarfiit il.il. annertuumik mingutsitsisusut avatangiisitigut akuerineqarnerat pillugu Namminersornerullutik Oqartussat nalunaarutaannut nr. 11-mut 20. august 2004-meersumut bilagini ilaasoq. Naalakkersuisut nalunaarutikkut suliffeqarfiit annertuumik mingutsitsisut allat ilanngullugit qanoq iliorlutik avatangiisit pillugit sulinermi suleqataasunik peqataatitsinissaat pillugu malittarisassiorsinnaapput.

Nr. 6-imut.

§ 10-mi malittarisassani nutaani pisorta qarfiup nakkutilliisup inatsisinik unioqqutitsinermik paasisaqaruni peqqussuteqarsinnaanera pillugu malittarisassat itisilerneqassapput. Inatsisartut peqqussutaanni atuuttumi malittarisassat ersarinngillat aammalu peqqussuteqarnissaq, inerteqquteqarnissaq akuliunnerillu artornartut assigisaat sakkortusisamik tunngavissiiinissaq pillugu piumasaasut nalinginnaasut naammassineqaratik. § 10, imm. 1 allannguutissatut siunnersuummi allanngortinnagu ingerlateqqinneqarpoq. Siunnersuutigineqarpoq § 10, imm. 2 ersarissarneqassasoq aamma § 10, imm. 3 nutaaq inatsisartut peqqussutaannut ilanngunneqassasoq.

§ 10, imm. 1 naapertorlugu pisorta qarfiup nakkutilliisup isumagissavaa inatsisinik unioqqutitsinerit unitsinnissaat. Pisorta qarfik nakkutilliisoq pisariaqarpat inerteqquteqarsinnaavoq imaluunniit peqqussutigisinnaallugu mingutsitsineq annikillisarniarlugu pinngitsoortinniarluguluunnit aaqqissuussisoqarnissaa. Inatsisinik unioqqutitsinermi suliffeqarfik immikkut annertuumik mingutsitsisoq ilaappat pisorta qarfiup nakkutilliisup toqqarsinnaavaa inatsisartut peqqussutaanni

atuuttumi § 24 malillugu peqqussuteqarneq imaluunniit §§ 25 26-lu malillugit inerteqquteqquteqarnissaq.

Inatsisartut peqqussutaanni atuuttumi § 11 tunngavigalugu pisortaqarfiup nakkutilliisup iliuusissat peqqussutaasut akisussaasumut akiligassanngorlugit suliaritissinnaavai. Aalajangersagaq taamaallaat atorneqassaaq aaqquussinernut peqqussutaasunut piffissaliusaaq qaangerneqarpat imaluunniit annertuumik mingutsitsineq pinngitsoorniarlugu ingerlaannaq iliuuseqarnissaq pisariaqarpat.

§ 10, imm. 2-mi aalajangersakkami erseqqissarneqarpoq pisortaqarfiup nakkutilliisup suliffeqarfiit kapitali 5-imiittut kisiisa pinnagit aamma suliffeqarfiit immikkut annertuumik mingutsitsisut il.il. avatangiisitigut akunerineqartarnerat pillugu Namminersornerullutik Oqartussat nalunaarutaannut nr. 11-mut 20. august 2004-meersumut ilaanngitsut peqqussuteqarfigisinnaagai peqqinnikkut ajornartorsiutinik imaluunniit annertuumik mingutsitsinermik kinguneqarpat. Peqqinnermut ajornartorsiutaasutut isigineqarput ungasinnerusoq isigalugu sunnigaanikkut inuit peqqissusiannut akornutaasussatut ilimagineqartut.

Inatsisartut peqqussutaanni atuuttimi § 25 malillugu ullumikkut ajornangereerpoq suliffeqarfiit nalunaarsorsimasut inerteqquteqarfigissallugit. § 10, imm. 3-mut siunnersuummi siunniunneqarpoq aamma suliffeqarfiit ingerlatarluunniit inatsisartut peqqussutaanni kapitali 5 tunngavigalugu akuerineqarnissamut pisussaataaannngitsuttaaq inerteqquteqarfigineqarsinnaanerit, ingerlataq suliffeqarfilluunniit annertuumik mingutsitseratarsinnaappat peqqinnermulluunniit akornuseeratarsinnaappat. § 10, imm. 3, okt. 2-mi aalajangersagaq atorneqarsinnaassaaq malugineqarpat peqqussut arlaleriarluni ataavartumilluunniit sumiginnarneqartoq. § 10, imm. 3, pkt. 2 malillugu suliffeqarfimmuut ingerlatamulluunniit inerteqquteqarneq aalangersagaavoq imaannaanngitsoq eqqarsaataavorlu allat suut tamarmik ajornarpata aatsaat atorneqarsinnaassasoq. Suliffeqarfiup matunissaa taamatut peqqussutigineqartinnagu ajornartorsiummut aaqquissutit ilisimaneqartut tamarmik ujartorneqarsimassapput.

Avatangiisit illersorneqarnissaat pillugu Inatsisartut peqqussutaanni anguniagaavoq pinngortitap avatangiisillu illersornissaat, tamatumanili ilanngulluguttaaq malittarisassat peqqinnissamik patsisillit avatangiisinut pingaarutillit pilersinnissaat. Tassalu § 10, imm. 2-mi allanngortitami aamma § 10, imm. 3-mi nutaami pineqarput peqqinnermut ajornartorsiutaasut imaluunniit peqqinnermik akornuseeratarsinnaanerit mingutsitseratarsinnaanerlu. Peqqinnermik ajoqusiinermi pineqarput inuit timikkut tarnikkulluunniit ajoqusigaaneri. Inuit peqqissutsikkut ajoquserneqariataarsinnaappata, peqataanikkut ingerlatamiluunniit avatangiisinut ilaanikkut, oqartussaaffik nakkutilliisoq ingerlatamut inerteqquteqarsinnaatitaavoq. Ajoqutit peqqussuteqarnikkut iluarsineqarsinnaanngippata nakkutilliinermut oqartussaasoq suliffeqarfimmuut imaluunniit inerlatamut inerteqquteqarsinnaavoq, tak. § 10, imm. 3.

Tusarniaanermi embedsleqegeqarfiup kissaatigaa Inatsisartut peqqussutaata allannguutaani erseqqissarneqassasoq embedsleqegeqarfik peqataatinneqartassasoq sulianut ilaagaangata peqqinnikkut ajornartorsiutit nalilerneqarnerat imaluunniit inuit

ajokusigaanerat, apeqqutaatinnagu innuttaasut, inuit ataasimoortut inuilluunniit ataasiakkaat ajoqusigaanerat. Avatangiisit illersornissaat pillugu inatsisartut peqqussutaat malillugu embedsleqe qarfiup peqqussutit inerteqqutillu pineqartillugit ilaatinneqartarnissaa aalajangersagaavoq peqqussummi §§ 37-39-mi. Taamaattumik embedsleqe qarfik § 10, imm. 2 3-lu malillugit suliat aalangiiffineqartarnerannut peqataatitaasaaq suliat tamakkua peqqinnikkut ajoquseeratarsinnanerat tunngaviuppat.

Nr. 7-imut.

Siunnersuutip imaraa aalajangersagaq nutaaq, § 13a; avatangiisit pillugit peqqussummi atuuttumi § 12-imut tapertaasoq. § 12-ip paarlattuatut § 13a pisunut, nakkutilliisussaataasut erseqqissumik, mingitsisisoqarlerneranut imaluunniit mingutsitsisoqaratarsinnaaneranut oqartussaasut paasissutissanik pisariaqartitaannut tunngasuvoq. Suliffeqarfinit inatsisartut peqqussutaanni kapitali 5-imut ilaasuinnarnit avatangiisinut tunngasutigut paasissutissat piumasarineqarsinnaanngillat, aammali suliffeqarfinit allatut ittunit tamanit, tassunga ilanngullugit sullissiviit, umiarsualiviit, umiarsuit, prammit, umiatsiaat ingerlatallu taakkununga assingusut pillugit.

Paasissutissat avatangiisinut tunngasut pingaaruteqarluinnarput pinngitsoortitsiniarnerit aallartinnissaannut, aammalu ajoqusiineq pereerpat, aaqqissuussinerit ikiorsiissutit aallartinnissaannut. Aalajangersakkakut pisorta qarfik nakkutilliisooq periarfissinneqarpoq paasissutissat avatangiisitigut suliniutinut pingaarutillit tamarmik pissarsiarinissaannut. Pisorta qarfiup nakkutilliisup nalilerpagu pillarneqaataasinnaasoq pineqartoq paasissutissallu sukumiinerusumik nalilerneranut pingaaruteqarsinnaasut taamaattoq pisorta qarfiup nakkutilliisup paasissutissat taakkua saqqummiuteqqusinnaanngilai, imminut pinerluuteqartunngortinnerup inerteqqutaanera pillugu inatsisini tunngaviusut nalinginnaasut malillugit.

§ 13a, imm. 1 naapertorlugu nakkutilliisussaataasut suliffeqarfimmik piginnittoq ingerlatsisorluunniit, ingerlataq sullissiveqarfilluunniit, tassunga ilaallutik assersuutigalugu umiarsualivik tankeqarfilluunniit, peqqussinnaavaat mingutsitseratarsinnaanermut mingutsitsinerulluunniit pilereernerani pinngitsuinissaq pillugu paasissutisseeqqullugit. Aalajangersagaq naapertorlugu nakkutilliisussaataitanut paasissutissanik pissarsiniarsinnaapput, piginnittup pineqartup ingerlatsisulluunniit pigeriigaanik, kiisalu paasissutissanik misissuinissami allanilu aningaasartuutaalersussanut.

Mingutsitseratarsinnaanermut tunngaviutinneqartup piumasaaqatitarinngilaa, mingutsitseratarsinnaanermik pilersoqarnera, tamannali naammassineqariissaaq, mingutsitseratarsinnaaneq pisinnaanngitsutut nalilernerqaraangat, assersuutigalugu oqartussaasut umiarsualiveqarfiit eqqaanni umiarsuarmi qimatami usit suunerinik imaluunniit sanaartukkami aniatitsinernik ilisimasaqannginnerat pillugu.

Aalajangersakkami tamatumani anguniagaavoq mingutsitsinerup kingunerisa pinngitsoortinnissaannut iliuusissat pisariaqartut mingutsitsisup salliulluni suliarissagai, aammalu akissaajaatit tamatumunnga tunngasut akilissallugit. § 13, imm. 2-mi pisorta qarfik nakkutilliisoq nalinginnaasumik tunngavissinneqarpoq suliffeqarfiit mingutsitsisut imminut nakkutiginnissaannut peqqussallugit. Aalajangersakkamiipportaaq suliffeqarfiup uppersassagaa akuerineqarsinnaanngitsumik mingutsitsinermut pisuunnginnini.

§ 13a-mi tunngavissiissutip atornerqarnerani, pingaartumik misissuinerit akissaajaatitallit il.il. peqqussuteqarnermi, piumasaassaaq pisortat tunngavilimmik ilimagipilukkaat mingutsitsisoqarsimasoq, taamaalillunilu soorlu kuuffiit kuuffeqarfiillu misissorneqarnerat pillugu § 13a malillugu imaaliinnarluni peqqussuteqartoqarsinnaanngilaq. Assersuutigalugu innaallagissap ledningiitut kappussiviit misissormissaannut peqqussuteqarnermi nalinginnaasumik piumasaassaaq kommunip ledningi pingaarnerusoq taamaaqataanik misissoreersimagaa pulaasoqarnera suminnaaneerneersoq paasilluarumallugu.

§ 13a-mut atuupportaaq avatangiisit pitsanngorsarnerat tamatumani atugaasut imminut naleqquttuunissaat. Tassalu pisortat pisussaataapput ajornartorsiutaasinnaasup annertussusianut sanilliullugu naapertuutinngitsumik akisussusilimmik aqqissuussinerup peqqussuteqarfiginnissaata pinnginnissaanut. Miiligummik tiguisarnermut mississueqjissaarnermullu akissaajaatit avatangiisit pitsanngorsarnerannit annerussanngillat.

Nr. 8-mut.

Eqqakkat pillugit paasissutissat Naalackersuisut eqqakkat pillugit pilersarusiornissaannut pingaaruteqarlunnarmata, tak. § 36b, siunnersuutigineqarpoq eqqakkat pillugit paasissutissanik kommuniit piumasaqarnissamut Naalackersuisut tunngavissaat qulakkeerneqassasoq. Nuna tamakkerlugu avatangiisit pillugit paasissutissat assigiiakkat aalajangersimasumillu siunertallit Naalackersuisut sulinerannut tunngaviupput pingaartut.

§ 15, imm. 2-mi Naalackersuisut periarfissinneqarput kommunalbestyrelsit nalunaarsuinerit nakkutilliinertillu pillugit nalunaarutinik nassiussissassasut, tamatumani ilanngullugit uuttuinerit misissuinerillu ineneri, kiisalu nalunaaruteqarnerup ilusissaa pillugu malittarisassioq, tak. § 35c, imm. 4 siunnersuutigineqarpoq.

Aalajangersagassat siunnersuutini siunertaavoq ilaatigut Naalackersuisut eqqakkat pillugit pilersarusiornermut qajannaatsumik tunngaveqarnissaata qulakkeernissaa, ilaatigullu Naalackersuisut periarfissikkumallugit nakkutilliineq pillugu malittarisassamut, Naalackersuisut nalilerpassuk kommunip nakkutilliinermut pisussatitaaffini naammattumik annertussusilimmik isumaginngikkaa. Aalajangersakkat aamma atornerqarsinnaapput suliffeqarfinnut immikkut pissusilinnut tunngatillugu ajornartorsiuteqartoq Naalackersuisut ilisimalerpassuk. Tamannali qaqutigoorujussuusussatut nalilernerqarpoq, tassami suliffeqarfiit

avatangiisitigut ajornartorsiuteqalernermut patsisaasinnaasut amerlanersaat avatangiisit pillugit peqqussummi kapitali 5-imut ilaammata, taamaattumillu avatangiisitigut akuerineqartussaagamik Naalakkersuisut nakkutilliususaatitaanerannut ilaareerlutik.

Nr. 9-mut.

Avatangiisit pillugit peqqussutip pilerneraniilli § 23 arlaerliarluni allanngortinneqartarsimavoq, taamaammallu aalajangersagaq siunnersuummi tamakkerlugu ilanngunneqarpoq. § 23, imm. 1 aamma 2 siunnersuummi allanngortinnagit ingerlateqqinneqarput. Inatsisartut peqqussutaanni atuuttumi § 23, imm. 3-mi ilanngunneqarpoq eqqakkat uninngatinneqartarfiinut immikkut tunngasoq. § 23, imm. 4 5-imilu allanngortinnagit ingerlateqqinneqarput. § 23, imm. 6, 7 aamma 8-mi aalajangersakkat nutaat ilanngunneqarnissaat siunnersuutigineqarpoq, taamaalillunilu inatsisartut peqqussutaanni atuuttumi § 23, imm. 6 aamma § 23, imm. 7 siunnersuumi matumani tassaalissapput § 23, imm. 9, aamma § 23, imm. 10. Kiisalu § 23, imm. 9-p oqaasiliornera ersarissarneqassasoq siunnersuutigineqarpoq.

§ 23-p imarai peqqussummi atuuttumi §§ 16-20 malillugit suliffeqarfiit immikkut annertuumik mingutsitsisut akuerineqartarnerat pillugu maleruagassiat. Akuersissutit suliarineqarneranni isummerfigineqassapput suliffeqarfimmiit mingutsitsinerit, tamatumani ilanngullugit imeq igitaq, imerpalasut kiviorartut annertussusiat aamma igitat manngertut, akoorutissanit silaannartut pissusilinnit mingutsitsineq kiisalu nipiliornerit ajoqutaasut. Suliffeqarfiit immikkut annertuumik mingutsitsisut akuerineqarneranni suliffeqarfiup mingutsitsineranut pisariaqartunik piumasartaqoqassaaq, tamatumani ilanngullugit suliffeqarfiup inissitaanera, mingutsitsinerup suunera annertussusialu kiisalu suliffeqarfiup ingerlanneqarnera ingerlatsinerullu nakkutigineqarnera pillugit. Avatangiisitigut akuernineqarnissamik qinnuteqaammut ilanngullugu mingutsitsinerup killilernissaa pillugu suut suliniutiginiarnerlugit suliffeqarfiup ilisimatitsissutigissavaa, tak. 23, imm. 1.

Erseqqissarneqassaaq akuersissuummi timalimmik killigaammat mingutsitsineq suna pissanersoq. Tamatuma kinguneraa akuutissat aniatinneqarnerat akuersissuummi ilaannqitsoq inatsisinik unioqqutitsinertut isigisariaqarmat.

Allakkiami akuersissutip nalunaarutigineqarfiani tunngavigisat piumasallu erseqqissarneqartariaqarput akuersissutip annertussusiata paasineqarnissaa apeqqutillu kingusinnerusukkut saqqummersut suliarineqarnerat isigimallugu.

Immikkut malugisariaqarpoq § 23, imm. 2 malillugu suliffeqarfiup immikkut annertuumik mingutsitsisup akuernineqarnerani nalunaaruteqartussaataaneq suliffeqarfimmut piumasarineqarsinnaammat. Pisussaataanermi tassani pineqarajussapput suliffeqarfiup uuttuineri misissueqqissaarnerilu pillugit nalunaaruteqartuarnissaq. Aamma § 23, imm. 2 naapertorlugu aalajangersarneqarsinnaapput suliffeqarfiup avatangiisinik misissuijuarnissamut pisussaaffimminut akiliisarneranut piumasasut. Tamatumunnga ilaapput suussullip

suliffeqarfiup ingerlatsineranut ippinnanngitsumik ilaasup misissorneqarneri mingutsitsinerup killilernissaa siunertaralugu, ta. Inatsisartut peqqussutaanni § 12 nakkutilliinermut tunngasoq.

§ 23, imm. 3 malillugu akuersissummi suliffeqarfiup pilersinneqarneranut ingerlanneqarneranullu piumasaqaatit nalunaarsimassapput. Akuersilluni aalajangernerup nalinginnaasumik imarissavai suliffeqarfiup aallartinneranut, annertusarneranut allannortinneranulluunniit piumasaqaatit. Immikkulli eqqarsaatigineqarsinnaapput pissutsit naggataagut piumasarpiaat aalajangersarnissaata kinguartinnissaata illersorneqaatigisinnaasai, soorlu aaqqissuussinerit ikiorsiissutit annertussusiat nalorninartillugu, tassami mingutsitsinerup annertussusia naammattumik isumannaatsumik siuningaanit nalilerneqarsinnaanngimmat.

Siunnersuutigineqarpoq avatangiisit pillugit peqqussummi § 23, imm. 3-mut ilanngunneqassasoq igitat toqqortarineqartarfiinut immikkut ittunik piumasaqarneq. Inatsisartut peqqussutaanni kapitali 5 malillugu avatangiisinut tunngatillugu akuersisarnermi sanaartukkat taamaattut matuneqartariaqarnerat suliareqqinneqartariaqarnerallu ilanngullugit eqqarsaatigisariaqarput. Suliffeqarfiit immikkut annertuumik mingutsitsisut akuerineqarnissaannut suliffeqarfiup pilersinneranut ingerlanneranullu piumasaasut ilaareeraluartut igitanut uninngatitsiviit avatangiisitigut akuerneqarnissaannut piumasaqaatit sakkortusineqarput, aamma matusinermut suliareqqiinemullu piumasaqaatit aalajangersarneqarlutik. Sanaartukkat ingerlanneqarunnaarunik mingutsitsisinnaallutik uninngaannarnissata pinngitsoornissaata qulakkeernissaa pingaaruteqarpoq, soorlu siornatigut taamaattarsimasoq. Assersuutigalugu ilimagisariaqarpoq eqqaaveqarfiit atorunnaartut Kalaallit Nunaanni avatangiisitigut ajornartorsiutaassasut ilimagisariaqarlunilu ungasinnerusoq isigalugu isumannaatsuunissamut iliuusissanut akissaajaatit annertujumaartut.

§ 23, imm. 4 naapertorlugu suliffeqarfiit peqqussummi atuuttumi § 18 malillugu namminneerlutik akuerineqarnissamik qinnuteqaataat pituttuisuupput. Akuerineqarnissamik qinnuteqaat akuerineqarnerup nalunaarutigineqannginnerani utertinneqarsinnaavoq.

§ 23, imm. 5 malillugu suliffeqarfik immikkut annertuumik mingutsitsisoq piffissamut aalajangikkamut akuerineqarsinnaavoq. Aalajngersimasumik piffissaliinerit qaqutiguinnaq atorneqarsinnaapput akuersissuteqarnerup nalaani siunissami suliffeqarfiup inerlatsineranit ajoqusiinerit nalilerneqarsinnaanngippata. Malittarisatulli pingaarnertut piumasat inaarutaanerat aalajangersimasuunerallu pillugit piumasaqaateqarsinnaavoq, akuersinerillu pisinnaapput akuersinerup sivisussusissaanut malittarisassat Naalakkersuisullu piumasanik nalunaarutigineqartunik allannortitsisinnaanerat pillugu malittarisassat malillugit, ta. § 27, imm. 2 aamma 3. Akuersinermi piumasaasut suliffeqarfimmut avatangiisaanullu annertuumik pingaaruteqarput. Akuersissutikkut suliffeqarfiit ersarissumik paasissavaat maleruagassat suut naammassineqassanersut piffissamilu aalajangersimasumi sulinissaat qulakkeerneqassaaq, suliffeqarfiullu avatangiisai ersarissumik tunngavissaqalissapput nalilersussallugu ingerlatat mingutsitsisut suut

ingerlanneqassanersut aaqqissuussinerillu avatangiisinut illersuutaasut suut suliffeqarfiup inerlatsineranut atatillugu piumasarineqarsinnaanersut.

Aalajangersagaq sannartukkanut nutaanut tamanut atuuppoq kiisalu sanaartukkanut pilersinneqareersimasunut avatangiisitigut akuersissut nutarterneqassatillugu. § 23, nr. 6-imi aalajangersakkami nutaami aalajangerneqarpoq eqqakkanik uninngatitsiveqarfimmik ingerlatsisoq matusinissamut suliareqqiinissamullu pisussaataasoq. Matusisoqannginnerani tamanna pillugu Naalackersuisut ilisimatinneqassapput. Matusisussaataaneq suliareeqqittussaataanerlu atutilissapput sanaartugaq siunertaaqqaartumut atorneqarunnaarpat, aamma soorlu igitanik uninngatitassanik tigooraajunnaarpat.

§ 23, imm. 7-imi qularnaveeqqusiisarneq pineqarpoq. Qularnaveeqqusiinissamik piumasaqaatikkuq qulakkeerniarneqarpoq igitat peerneqarnerat mingutsitsisup akilissagai aamma suliffeqarfik atorunnaarsimappat aamma pimasanut nutaanut akissaaruttoqaralarpat. Sillimmasiinissamik piumasaq avatangiisit pillugit peqqussutip 2004-mi kingullermik allanngortinneqarnerani ilanngunneqarpoq ulluinnarnili suli atorneqarsimanani.

Inatsisartut peqqussutaanni atuuttumi § 7-imi periarfissiineqaraluartoq pissutsini arlalikasinni Naalackersuisut qularnaveeqqusiinissamut malittarisassiorsinnaasut § 23, imm. 7-imi aalajangersakkatut siunnersuut immikkut ittunut tunnganeruvoq suliffeqarfiit eqqakkanik ingerlatallit nalunaarsorsimasut kisimik pineqarlutik. § 23, imm. 7-imi suliffeqarfik isaterisoq, tamatumani ilanngullugu biiliniq umiarsuarnillu isaterineq, imm. 7, nr.2-mi suliffeqarfiit mekanikkimi atortunik assigisaannillu atoqqinnissaat siunertaralugu piaasut, imm. 7, nr. 3-mi suliffeqarfiit saviminernit igitat mekanikkikkut imikkoortiternerannik suliaqartut, kiisalu siunnersuummi imm. 7, nr. 4, suliffeqarfiit igitanik uninngatitsiviinik ingerlataqartut.

Aalajangersakkap nutaap taassuma siunnersuutigineqarneranut tunngaviuvoq suliffeqarfinnut taaneqartutut pissusilinnut immikkut qulakkeertariaqarmat sukumiisumik saliinissaq suliffeqarfiit taakkua igitassanik amerlasuunik uninngatitsigajuttarma.

Sillimmasiineq aningaasatigut sillimmasiineruvoq siunissami sanaartukkamut akissaajaatissatut ilimagisanut sipaernerulluni. Sillimmasiinerit nalinginnaanerpaat tassaassapput aningaasaateqarfimmit qularnaveeqqusiineq, imaluunniit qulanaveeqqusiilluni sillimmasiineritut selskabimit imaluunniit aningaasaateqarfimmi aningaasanik atoriaannarnik unerartitsineq, pappiarat aningaasanik nalillit assigisaallu. Aningaasat sannartukkamik piginnittup akilissavai. § 23, imm. 7 salliutillugu eqqarsaatigineqarpoq isaterivinnut eqqaaveqarfinnillu nutaanik pilersitsinermut atorneqassasoq. Suliffeqarfinnut isaterivinnut tunngatillugu qularnaveeqqusiinissaq missiorlugu 500.000 kruuninut tagginneqarpoq. Kisitsilli annertussusianut suliffeqarfiup annertussusia apeqqutaassaaq. Aamma Naalackersuisut pimasarisinnaavaat mingutsitsinermut ilimagineqarani pilersumut sillimmasiissuteqarnissaq. Tamaanna mssingerlugu ukiumut 5.000 nalilerneqarpoq.

Isateriviit inuutissarsiorfeqarfinni pioreersuni inissinneqarajussapput, soorlu entreprenureqarfinni, amutsivinni assigisaannilu. Taamaattumik sanaartukkat matuneqarneranni ingerlatassaq pingaarneq tassaassaaq suliffeqarfiup inissisimaffiata salinneqarnissaa.

Imm. 7-imi taaneqartutut qulakkeerutit pisortaqaqfiup nakkutilliisup aaqqissuussinernut akissajaatai matussavai, tamatumani ilanngullugit ingerlatitseqqinnerit aserorterinerillu imaluunniit igitat § 11 malillugu, tak. allammguutissatut siunnersuummi § 23, imm. 8, imminut ikiornikkut. Sillimmasiarnerup annertussusiata annertussusianik naatsorsuineranut tunngaviusoq annertuumik allanngortinneqassappat soorlu igitat imarisaat pillugu nutaaniik paasisaartoqaarsimammaat imaluunniit periaatsit nutaat akisunerusullu igitat isumannaatsumik passunnissaannut atugassat ajornarunnaarmata Naalakkersuisut sillimmasiinissap pisariaqartup annertussusiata iluarsiiisuteqartinnissaanut. Kalaallit Nunaanni eqqaaveqarfik nutaaq agguaqatigiissillugu missingerneqarpoq 100x100 meterinik annertussuseqartoq immerlugulu 10 meterinik portussuseqartoq missingerneqarpoq. Ilimagineqarpoq inissisimaffia akuttunngitsumik assallugu qulaajagaasartoq, kiviorartullu katersuuttartut nakkutigineqarlutik taavalu imaanut aniatitaallutik. Naatsorsuutigineqarpoq eqqaaveqarfiup matuneqarnerata kingornatigut kiviorartut ukiuni 30-ni nakkutigineqartartut.

Sillimmasiineq matuma kinguliiniittutut naatsorsorneqarsinnaavoq akissajaatit siuningaanit ilisimaneqarsinnaanngitsut akissajaammut pisoqarsinnaanerannullu ilanngullugit uuttugaallutik. Ukiuni eqqaaveqarfiup ataffiini aningaasat katillugit pineqarput (piffissaq kingornatigut suliareqqiiffik ilanngullugu):

Sillimmasiineq, eqqaaveqarfiit:

Akissajaatit siunut ilisimaneqarsinnaanngitsut.		
	Eqqakkani ikuallanneq	10
	Qaartorneq	20
	Imikkut igitakkut mingutsitsineq	30
	Matusineq	300
Akissajaatit ilimageriikkat		
	Piffissami suliareqqiiffimmi kiviorartut nakkutiginerat	1.500
	Sillimmasiineq katillugu	1.860

Aningaasat 1.000 kruuninngugaapput.

Qularnaveeqqusiinerup katillugu annertussusia naatsorsugaavoq akissajaatit annertussusiat ajutoorsinnaanerillu Danmarkimi Miljusstyrrelsi naatsorsugaanut danskit eqqaaveqarfiinut qularnaveeqqussiineranut tun ngavissatut naatsorsuineranut atatillugit, taamaattorli nunatsinni pissutsinut naleqqussarlugit.

Eqqaaveqarfiit immikkuualuttortai ilanngullugit pilersaarusioneranni assingiisitaarutit annertusinnaapput sillimmasiinerup allanngorneranik kinguneqartumik.

Suli aalanangersarneqanngilaq sillimmasiinissa qanoq timitalimmik ilusilerneqassasoq. Tamanna pisinnaavoq immikkoortitsinermut aningaasaliinikkut aningaasaateqarfimmi uppersaatitit imaluunniit pinngitsaaliissummik sillimmasiinikkut.

Kiisalu siunnersuutigineqarpoq siunnersuummi § 23, imm. 9-p peqqussummi atuutumi § 23, imm. 6-imi aalajangersakkap ingerlateqqinnissaata nutaamik oqaasiliornissaa. Aalajangersakkami aalajangerneqarpoq peqqussut malillugu akuersineq illuliortiternermi sanaartormilu atorneqarsinnaanngitsoq piffissaq naammagittaalliorfissaq naatinnagu, tak. § 42. Peqqussummi atuuttumi aalangersakkap qaqutigut atugassap ersarinngitsumik oqaasiligaanerata taarserneqarnissaa siunnersuutigineqarpoq akuersinermut oqartussaasoq pisinnaatillugu maalaarfissaatitaasup naannginnerani illuliortiternermi sanaartormullu atornissaanut akuersisinnaatillugu.

§ 23, imm. 10 naapertorlugu Naalackersuisut pisortanut suliffeqarfinnullu ilitsersuutit qinnuteqaatip akuersisarnerullu piviusunngortinneqariaasianut sukumiinerusunik malittarisassiorsinnaapput. Suliap suliarineqarneranut, paasissutissanut tamatumani saqqumisussanut aamma oqartussaasut allat ataqatigiiaarnissaannut malittarisassat ilaassariaqarput.

Nr. 10-mut.

§ 35a-mut.

Eqqakkat ajornartorsiutillu eqqakkanut tunngasut inuiaqatigiinni pingaaruteqaleriartuinnarput, taamaattumik tamatuma immikkoortortagalersugaanerusunik annertunerusunillu aqunneqarnissaa pisaariaqarpoq. Tamanna tunngavigalugu avatangiisinut peqqussummi eqqakkat pillugit immikkut kapitalip ilanngunnissaa siunnersuutigineqarpoq.

§ 35a imm. 1-imi aalajangersakkami aalajangigaavoq kinaluunniit eqqakkanik uninngatitsisoq, suliarinnittoq piaasorluunniit tamatumuuna akisussaasoq silaanap, erngup, sikup qaqqap nunalluunniit mingutsinneqannginnissaannut. Aalajangersakkap kinguneraa inuit ataasiakkaat akisussaammata aaqissukkat pisariaqartut suliassaammata silaannaq, imeq, siku, qaqqaq nunaluunniit mingutsinneqarsinnaajunnaarsillugit.

Naalackersuisut § 35a, imm. 2 malillugu eqqakkap suussuiata paaneqarnera pillugu malittarisassioortussaapput. Eqqakkap suunera eqqakkat assigiinngitsut immikkoortiternerannut atasuvoq. Siunnersuummi siunniunneqarpoq eqqakkat taaguutai suussusiilu nunani tamani atugaasut kalaallit inatsisaannut ilanngunneqassasut. Kalaallit Nunaat ullumikkut eqqakkanik arlalinnik

Danmarkimut ingerlatsisarpoq, taamaammallu pissusissamisuussaaq taaguutit suussutsillu nunani tamani atugaasut Kalaallit Nunaata atortarpagit taamaalilluni pisuni aalajangersimasuni paasinnittaatsit taakkua atorneqarnerallu assigiiaarinnginnerup kinguneranik nalornissutaasinnaajunnaarlugit.

Nunat sumiiffiillu allaniittut (OLT) Europami Ataatsmooqatigiiffimmut ilaalernerat, artikel 39, pillugu Rådip aalajangigaata 27.11 2001-imeersup malitsigaa EU-p Kalaallit Nunaatalu akornanni eqqakkat angallanneqarnerat aallaqqaatitut nakkutigineqassasoq Baselimi isumaqatigiissut EU-llu eqqakkat pillugit peqqussutaa naapertorlugit nakkutigineqassasut. Aammali aalajangikkap artikel 39-iata imm.7-ip malitsigaa Eqqakkat Kalaallit Nunaanniit Danmarkimut angallanneqarneranni nammineq nunagisami malittarisassat atorneqarsinnaasut. Sutigulli tamatigit ulluinnarni atugariuminernerpaassaaq siunissamullu qulakkeerinerussalluni suussusilersuineq nunani tamani atorneqartoq malikkaanni. Tassalu eqqakkat navianartut suussutsillu pingaarnerit pillugit EU-p maleruagassiaa Baselimi isumaqatigiissummi aamma eqqakkat allamut ingerlatat EU-mi namminermi, EU-mut EU-miillu ingerlatat nakkutigineqarnerat pillugu Rådip peqqussutaa atorneqartoq (Eqqakkat pillugit peqqussut, Rådip peqqussutaa nr. 259/93/EUF 1997-imi 2001-imilu allannguuteqartoq).

Eqqakkat sukumiinerusumik suussusilersornerat eqqakkat pillugit nalunaarummi nutaami allannguutissatut siunnersuut manna tunngavigalugu suliarineqartussami bilagitut ilaassaaq.

Allannguutissatut siunnersuummi eqqakkat aquanneqarnerannut tunngatillugu paasissutissiisussaataaneq pillugu § 35a, imm. 3 ilanngunneqarpoq. Inatsisartut peqqussutaanni atuuttumi § 12-mi periarfissaqareerpoq pisorta qarfiup nakkutilliisup piumasarisinnaagai paasissutissat mingutsitseratarsinnaanerup nalilerneranur imaluunniit aaqqissuussinerit ikiorsiissutissat nalilernissaannut tunngasut, aammalu atortussanit misiligutissat il.il. piumasarineqarsinnaallutik. Kisianni eqqarsaataaneruvoq § 35a, imm. 3 siunnersuutigineqartoq paasissutissat tunngavissat atorsinnaasut katersornerannut tunngatillugu atorneqassasoq. Piumasaalermat Naalakkersuisut eqqakkanut pilersaarusiussasut minnerunngitsumillu eqqakkat suliarinerannut pilersaarusiussasut eqqakkat amerlassusiat ingerlasarnerallu tamakkiisumik takusinnaassallugu pisariaqalerpoq. Anguniakkat nalunaarsukkat eqqortinneqassappata paasissutissat anguniakkat eqqortinnerinut takussutissatut ilaasinnaasut katersorsinnaanissaat pingaaruteqarpoq. Tassalu aalajangersakkami eqqakkanut aqutsivik periarfissinneqarpoq suliffeqarfinniit paasissutissat pingaarutillit tigunissaannut.

Naalakkersuisut § 35a, imm. 3-kkut periarfissinneqarput paasissutissap suusulluunnit eqqakkanut aqutsivimmu pingaarutillip pissarsiarinissaanut. Naalakkersuisut nalilerpassuk pissutsit pillarneqaataasinnaasut pineqartut paasissutissallu aalajangersakkami ilaasut pissutsip sukumiinerusumik nalilernissaanut pingaaruteqarsinnaappata Naalakkersuisut saqqummiuteqqusinnaanngilaat, tak. imminut pisuusunngortinneq pillugu inatsisitigit tunngavigisat naluninnaasut.

§ 35b-mut.

§ 35b-mi aalajangersakkat inatsisartut peequssutaanni atuuttumi atuuttumi § 7, imm. 1, nr. 4-mut taartaapput erseqqissaataallutillu. Malittarisassat tamatumani atuuttut erseqqissartariaqarput, tassami nalilernerqarmat avatangiisit pillugit peqqussummi atuuttumi eqqakkanut malittarisassiornissamut kiisalu eqqakkanik katersuinermut ilitsersuinernullu aqqissuussineq pillugu ingerlalluartunik aqqissuussinerup malittariassiorqarsinnaaneranut naammattumik ersarissusilimmik tungavissaqanngitsoq. Tamatuma kinnguneranik tamanna pillugu nalunaarusiorqarpoq kommunillu tamangajammik eqqakkat pillugit maleruagassiorsimapput.

§ 35b, imm. 1, nr. 1-ip nutaap Naalackersuisut suliasippai eqqakkat pillugit malittarisassiornissamut. Aalajangersagaq pilersitaavoq inatsit ulluinnarni ingerlatsinermut naleqquttunngortikkumallugu. Eqqakkat pillugit nalunaarutip nalinganik eqqakkat pillugit malittarisassiornissamut malittarisassiorqarsimavoq. Eqqakkat pillugit maleruagassiat ullumikkut kommuninit ataasiakkaanit suliarineqartarput kommuninilu ataasiakkaani eqqakkat passunneqarnerannut malittarisassiorqartarluni, aammalu akiliutit assigiinngitsut tamatumunnga tungasut eqqakkat pillugit maleruagassianut bilagimi takussaapput.

§ 35b, imm. 1, nr. 2-mi erseqqissarneqarpoq Naalackersuisut katersuineranut ilitsersuinernullu malittarisassiussasut. Katersuinerit pillugit aqqissuussinerni eqqarsaatigineqarput soorlu ulluklut unnuakkullu igitassat katersorneqarnerat eqqakkallu annertuut katersugaanerat. Ullumikkut kommunit tamangajammik katersuineranut aqqissuussinernik pilersitsereersimapput. Ilitsersuinermik aqqissuussinerit imatut paasineqassapput immikkoortumi pineqartumi pinngitsoorani katersuineranut aqqissuussinernik pilersitsisoqarsimassasoq, pisortalli akisussaasup igitamik pilersitsisoq ilisimatissavaa igitag pineqartoq sumi peerneqarsinnaanersoq.

§ 35b, imm. 1, nr. 4 naapertorlugu Naalackersuisut kommunalbestyrelsit eqqakkat peerneqarnissaat pillugu unnersuussinermut pisussaanagerat pillugu malittarisassiornissamik malittarisamik aalangersaassapput. Malittarisassiaq ilanngunneqarpoq ullumikkut nalunaarutitut nalilimmik malittarisassiorqarsinnaammat illoqarfinni nunaqarfinnilu tamani kommunalbestyrelsip qulakkiissagaa ulluunerani igitassat ulluuneranilu igitassat assingusut peerneqarnissaat pillugu ilitsersuinissamut pisussaaneq, kommunalbestyrelsili katersuineranut aqqissuussinernik aallartitsisinnaalluni. Kisianni ulluinnarni kommunit tamangajammik illoqarfinni nunaqarfinnilu ulluunerani unnuaanerani igitassanik katersuineranut aqqissuusereersimapput.

Naalackersuisut kommunit ataasiakkaat tikkusuineranut katersuinernullu aqqissuussinernik pilersitsisussaataitanerat pillugu malittarisassiorqarsimassanerup peqatigisaanik Naalackersuisut aamma eqqakkani pilersitsisut katersuineranut aqqissuussinerit peersinissamullu periarfissat imaluunniit igitanut aqqissuussinerit atuisussaataitanerat pillugu malittarisassiussapput. § 35b, imm. 1, nr. 5-imi aalangersakkami tamanna aalajangersarneqarpoq. Aalajangersagaq ilanngutaavoq akuttunngitsumik qitiusumit pisortaniit pisariaqartarmat igitanik pilersitsiut aqqissuussinerit pilersinneqarsimasut atornissaannut pisussaanagerat pillugu

taamaattunik malittarisassironissaq. Naalakkersuisut tamanna pillugu malittarisassiortussaaitaangippata tamanna imatut isumaqarsinnaavoq igitanik pilersitsisut igitat namminneq peerumagaat akissaaajaatit komminip aaqqissuussineranut atajunnartut sipaarumallugit. Tamatuma ilaatigut kingunerisinnaavaa igitat naapertuuttumik passunneqaratillu peerneqannginnerat. Aamma pingaaruteqarpoq kommunit tiguisarnermut peersisarnermullu aaqqissuussinerisa annertussutsinut tunngatillugu tunngaveqarnerat taamaalilluni taakkua ingerlanneqarnerat ajornarneruleqqunagu.

§ 35b, imm. 1, nr. 5 naapertorlugu eqqakkanik pilersitsisut katersinissamut aaqqissuussinerit persinissamullu periarfissat tikkuartugaasut imaluunniit illoqarfinnut nunaqarfinnullu eqqakkat pillugit aaqqissuussinerit atornissaannut pisussaaitaanerat kisiat pinnagu aammali illoqarfiunngitsumut Naalakkersuisut malittarisassiorsinnaapput. Illuaqqat amerlanerujartortut sananeqarnerat ilutigalugu nunami illoqarfiunngitsumi igitat peerneqartarnerat igitanullu aaqqissuussinerit malittarisassiornissartaaq pisariaqarpoq.

§ 35b, imm. 1, nr. 6 naapertorlugu igitat pillugit paasissutissiisussaaitaaneq pillugu Naalakkersuisut malittarisassiussapput suliffeqarfiit kisiisa pinnagit, aammali innuttaasut, illutillit, pisortat suliffeqarfii umiarsualiviillu ilisimatitsisussaaitaanerat pillugu. § 35b-, imm. 1, nr. 6-imi aalajangersagaq atorneqassaaq innuttaasunut ataasiakkaanut tunngatillugu eqqakkat amerlassusiat illoqatigiit nalinginnaasumik atortagaannit annerusutut nalilerneqarpat. § 35b, imm. 1, nr 6-mi aalajangersakkami qulakkeerneqassaaq assassorlutik inuutissarsiorlut inuutissarsiornermillu ingerlatsisut allat inuutissarsiornermut tunngasumik igitat kommunit igitinermut aaqqissuussinerat illoqatigiinnut namminersortunut atuuttoq malilugu igissanngikkaat. Paasissutissiisutitsissussaanerup annertussusia qanoq annertuginernik tunngaveqartariaqarpoq. Pisortat paasissutissanik katersuinermut pisariaqartitat pissutsillu timitallit qulaajagaanerat ataasiakkaallu akissaaajaateqarnerat imminnut ataqatigiittariaqarput.

§ 35b, imm. 2-mi aalajangersakkami siunniussaavoq eqqakkat uninngatinneqartarnerat, passunneqartarnerat, atoqqinneqartarnerat peerneqartarnerallu pillugit nalinginnaasunik malittarisassiornissaq mingutsitsinerup pinaveersimatinnera akiorneralu siunertaralugit.

§ 35b, imm. 2, nr. 1 malillugu Naalakkersuisut eqqakkat piiarnerannut malittarisassiorsinnaapput, tamatumani ilanngullugu eqqakkanik suussusilersuineq, nalunaarutiginninneq immikkoortiterinerlu. Tamatuma saniatigut eqqakkat uninngatinnerat, katersornerat angallannerallu pillugit kiisalu eqqakkat stationini tigooraavinni, ikuallaasarfinni eqqaaveqarfinnilu passunnerat suliarinerallu pillugit malittarisassiortoqarsinnaavoq.

Aalajangersakkami ilaavortaaq pinngorfiit immikkoortiternerat pillugu malittarisassat. Pinngorfiit immikkoortiternerat imatut paasineqassaaq iiloqatigiit eqqagaasa immikkoortiternerat, igitat elektronikkimeersut, igitat ikumasinnaasut ikuallaavinnut, igitat ikumasinnaanngitsut toqqorsivinnut atoqqitassatulluunniit aamma igitat ulorinartut immikkut piigassatut. Pinngorfiit immikkoortiternerat

pillugu aalajangersakkap tunngavigaa inatsisit eqqakkat kommunini ulluinnarni passunneqarnerannut naleqqunnerulernissaat kissaatigineqarmat. Tassami maannakkut inatsisini tunngavissaqanngilaq pinngorfiit immikkoortiternerata piumasarinissaanut, aammalu tunngavissaqarani eqqakkat ikumasinnaasunut ikumasinnaanngitsunullu immikkoortiternissaannut. Ullumikkut illoqarfinni annerusuni tamani ikuallaasarfiit tigooraaviillu stationit pilersinneqarsimapputimmikkoortiterinerunermik pisariaqalersitsisut sanaartukkat tamakku pitsaasumik siunertarlu malillugu atorreqassappata. Soorlu aamma igitat elektronikkimeersut igitallu immikkoortut allat avatangiisinut navianartunik akullit isumagineqarnissaat pisariaqarpoq. Ullumikkut kommunit tamarmik stationinik tigooraavinnik pilersitsisimannngimmata immikkut akuersisinnaanissaq pisariaqassaartaaq pinngorfiit immikkoortiternerat pillugu malittarisassiorsinnaatitaaneq nalunaarutitut nalilimmik iluaqutigineqassappat.

§ 35, imm. 2, nr. 2-mi pisinnaatitaaffik atorlugu igitanut immikkut pissusilinnut igitanullu assigiinngitsunut peerneranni ajornartorsiutit aqqikkumallugit malittarisassiortoqarsinnaavoq. Aalajangersakkami igitat suusulluunniit pineqarput, tamatumani ilanngullugit igitat oliamit akoorutissanillu pisut, kiisalu igitat allat mingutsitsinermik kinguneqarsinnaasut.

§ 35b, imm. 2, nr. 3 4-lu periarfissiipput malittarisassiortoqarsinnaasoq suliffeqarfiit umiarsualiviillu igitanik aalajangersimasumik pissusilinnik immikkoortiterisut pilersitsisullu avatangiisit pitsaassutsillu aqunneqariaasiinik namminneq akilerlugu pillersitsissasut. Igitanik aalajangersimasumik pissusilinnik oqarnermi eqqarsaatigineqarput igitat aalajangersimasumik pissusillit inunnut pinngortitamullu peqqinnikkut avatangiisitigullu ajornartorsiuteqalersitsisinnaasut. Aalajangersagaq sammitinneqarneruvoq suliffeqarfinnut igitanik annertuunik imaluunniit igitanik navianartunik pilersitsisartunut.

§ 35b, imm. 2, nr. 4 malillugu Naalakkersuisut igitat peerneqarnerannut akissaajaatit akilernerat qularnaveeqqusiinerlu pillugit malittarisassiorsinnaapput. Avatangiisit illersugaanerat pillugu inatsisartut peqqussutaata 2004-mi allanngortinnerani qularnaveeqqusiineq pilersinneqarpoq. Taamanikkut aalajangersagaq pissutsinut § 7-imi taaneqartunut atatinneqarpoq. Siunnersuutit saqqummiunneqartut atorlugit eqqaaveqarnermut tunngasut namminerisamik kapitali 7a-qalermata akissaajaatit akilernissaannut sillimmasiinissamullu akissaajaatit akilernissaannut malittarisassiorsinnaatitaaneq tassanissaaq allassimasariaqarpoq.

Aalajangersagaq atorlugu tunngavissaqarpoq Naalakkersuisut malittarisassiornerminni igitat peerneqarnerannut akissaajaataajunnartut qularnaveeqqusernerat pillugu malittarisassiorsinnaasut, tamatumani ilanngullugit suussusilersuineq, nalunaarutiginninneq, immikkoortiterineq, pinngorfiit immikkoortiternerat, uninngatitsineq, katersuineq, angallassineq, eqqakkanik passussineq suliarinninnerlu. Qularnaveeqqusiinermut malittarisassat aalajangersarneqarsinnaapput igitanut immikkut pissusilinnut igitanullu assigiinngitsunut, soorlu igitat navianartut angallanneqarnerata qularnaveeqqusernissaa piumasaralugu.

§ 35b, imm. 3-mi pineqarpoq nioqqutissianik nakkutilliineq, atueqqittarneq il.il. Malittarisassatut siunnersuutigineqartuni aaqqissuussinerit Danmarkimi ilisimaneqartut aallaavigalugit oqaasiliugaasuni siunniussaavoq ersarissunik tunngavissiuallugu eqqakkat tunngavigalugit eqqakkanut politikkip eqqakkat amerlassusiinik killiliinermik siunertaqartoq pillugu Naalakkersuisut malittarisassiornissaat. Eqqakkat pilersarnerat atortussanol atuinermut tunngalluinnartuuvoq. Taamaattumik Naalakkersuisut oqartussaaffilerneqarput sukumiinerusumik malittarisassiuallugu nioqqutissiassat, akoorutissat akoorutillu ikiuutaasut suut eqqunneqassanersut aammalu atortussani nioqqutissianilu Kalaallit Nunaanniittuni atorneqassanersut.

§ 35b, imm. 3-mi malittarisassaq ilanngunneqarpoq igitat ajornartorsiutaanerat killilerniarlugu imaluunniit atueqqittarneq siuarsarniarlugu Naalakkersuisut malittarisassiorsinnaalersikkumallugit. Taarsiisarnermik tunngavigisaq aalajangersakkami matumani tunngaviuvoq. Tunngavigisamut tunngapput nioqqutissiassat mingutsitsinermik pilersitsinngitsigisut aamma/imaluunniit ajoqusiinnginnerusut toqqarsinnaanerat akoorutissanut nioqqutissianullu siunnersuutigineqartunut atoreersunulluunniit taarsiullugit. Tunngavissamik isumap tunulequtaraa nioqqutissiassat nioqqutissialluunniit inunnut avatangiisinullu ajoqusiinnginnerusut ajoqusiinerusunit salliutillugit toqqarneqarnissaat, ataatsimut isigalugu iluaqutitut nalingat assigiippat. § 35b, imm. 3, nr. 1-4-mi aalajangersakkat tamatumunnga atatillugu isigineqassapput.

§ 35b, imm. 3, nr. 1-imi Naalakkersuisut tunngavissinneqarput nioqqutissiassat, aakuliussassat akoorutissallu immikkut ittut eqqunneqarnerisa inerteqqutiginnissaannut killilernissaannulluunniit, tamakkua eqqunneqarnerata aqunneqarneratigut Kalaallit Nunaanni inuiaqatigiinni eqqakkat ajornartorsiutaanerat killilerneqarsinnaasoq atueqqittarnerlluunniit siuarsarneqarsinnaasoq nalilerneqarpat.

Aalajangersagaq ilanngunneqarpoq Naalakkersuisut periarfissikkumallugit nioqqutissiat avatangiisinut peqqinnermulluunniit ajoqutaasunik akullit ikiliartortinnissaannut peerneqarnissaannullu. Tamatumunnga assersuutissaapput ikuallannaveeqqutit bromeerikkat fjernsynini computerinilu atorneqartut. Ikuallannaveeqqutini akoorutissat aalanngorlutik avatangiisinut aniasarput uppersarneqarsimavorlu inuit aavannii anaanallu immuanni nassaassaasut. Nersutit atorlugit ikuallannaveeqqutinik misileraanerup kingunerisimavai qaratsakkut ajoqusernerit, qinersit aammut akuisa ajoqusernerat kreftilu. Ikuallannaveeqqutit bromeerikkanik akullit aamma ajornartorsiutaasarput atorneqaaqqissinnaajunnaarlutik peerneqassagaangata.

§ 35b, imm. 3, nr. 1 nutaaq atorlugu Naalakkersuisut periarfissinneqarput nioqqutissiat tamakkua atorneqarnerata killilernissaanut. Nioqqutissianut ilisimaneqartunut taartissat nutaat avatangiisinut akornutaannginnerusut ineriartortinneqartuarput. Kalaallit Nunaata inerirtornermut malinnaanissaa nunanilu allani pitsaalluinnassutsit assinginik atuinissaa pingaaruteqarpoq nioqqutissianut allani atoneqarsinnaanngitsunut tuneqqusaanngitsunulluunniit naggataagut niuerfinngussanngikkutta.

§ 35b, imm. 3, nr. 2-mi pineqarput nioqutissiassat, akoorutissat akussallu ikiuutaasut atortussani nioqutissianilu piusut. Aalangersagaq tunngavigalugu periarfissinneqarpoq Naalakkersuisut tamakkua atortussani nioqutissianiluunniit Kalaallit Nunaanni sanaani atorneqartuniluunniit piunerat pillugu malittarisassiornissamut.

§ 35b, imm.3, nr. 3-mi 4-milu Naalakkersuisut periarfissinneqarputtaaq poortuutissat atorneqartut nioqutissiallu ilisarnaasernerqarnissaat pillugu piunasaqarnissaqarnissaq pillugu malittarisassiornissamut. Poortuutissanut tunngatillugu arlalinnik ajornartorsiuteqarpoq. Siullerpaatut poortuutissat amerasoorsuit igitasanik amerlasuunik kinguneqartarput. Siunissami periarfissaasinnaavoq eqqakkat ikilisarnissaat akoorutillu avatangiisinut siuarsaataasut atoneqarnissaat poortuutip qanoq ittuunera pillugu piunasaqaateqarnikkut, soorlu poortuutissat PVC-mi akullit atunnginnerisigut. § 35b, imm. 3, nr. 4 tunngavigalugu nioqutssiati nioqutissallu sukumiinerusumut siunertallit akuerineqarnissaat pillugu malittarisassiortoqarsinnaavoq, tamatumani ilanngullugu poortuutissat, aamma nioqutssiati, nioqutissat poortuutissallu tamakkua immikkut ilisarnaasernerissaat pillugu malittarisassat, tak. § 35b, imm. 3, nr. 5.

§ 35c-mut.

§ 35c-p oqaasertaliorneratigut eqqakkat passunnerannut tunngatillugu kommunalbestyresip pisussaaffii oqartussaaffiilu ersarissarneqarput.

§ 35c, imm. 1-imi kommunalbestyrelsi oqartussaaffiligaavoq stoffi arlaalluunniit suna igitasaanersut aalajangiiffigissallugit. Aalajangersagaq § 35a, imm. 2-tut siunnersuummit allaassuteqarpoq, tassani pineqarmat igitap nammineq qanoq paasineqarnera, § 35c, imm. 1-imi pineqarami atortut atoqqinneqarsinnaajunnaartut uninngatitat timitalimmik nalilernerat tassalu igitat nunani tamani pitsaassutit, malittarisassat ulluinnarnilu atugaasut naapertorlugit nalinginnaasumik suussusiineq § 35a, imm. 2 malillugu aalajangigaq pineqarani.

Akuttunngitsumik ajornakusoorsinnaavoq innuttaasut ataasiakkaat suliffeqarflluunniit atortunut atoqqissinnaajunnaartunut akisussaaffimmik tigusitissallugit, tamanna akuttunngitsumik peernissaanut akissaajaateqartarmat. Tamatuma kinguneranik sumiiffinni amerlasuuniippat biilit, umiarsuit, umiatsiat, snescooterit atortulluunniit allat atoqqissinnaanngitsut atorneerutivissullu igitatut isigisariaqartut. Siunnersuut manna atorlugu kommunalbestyresip piunasarinnaanngorpaa umiarsuit, angallatit, biilit, snescooterit atortullu allat atoqqissinnaanngitsut suujunnaarsinneqarnissaat.

Umiatsiat atoqqissinnaanngitsut pillugit pissuseq immikkut ittoq atuuppoq, tassami umiarsualivimmut oqartussaaffik Namminersornerullutik Oqartussat umiarsualivinni maleruagassat pillugit nalunaarutaat malillugu umiarsuarlut sinnikunulluunniit qaqitanut, qimatanut kivisimasunut ikkarlissimasunulluunniit tunngatillugu immikkut oqartussaammat. Tassalu ullumikkut malittarisassaqaareerpoq umiarsualivimmut oqartussaasup umiarsuit atorneerutuut ilimasaareernikkut

piginnittup akiligaanik peeqqunissaannut tuneqqunissaannulluunnit peqqusinissamut. Umiatsiat atorneeruttut umiarsuaiviit pillugit malittarisassiami malittarisassanut ilaasut malittarisassat taakkua malillugit suliarineqassapput. Aammali umiatsiat umiarsuaiveqarfiup avataanut umiarsuaivilivimmut akisussaasup oqartussaaffiata avataanut qimanneqartarput. Taamaattoqartillugu § 35c, imm. 1siunnersuutaasoq atorneqarsinnaavoq.

Nunami kommunini assigiinningsuni maaniinnarmiittunut suujunnaarsitsisarnermi periuseq. Nalinginnaasumilli kommuninit illoqarfimmiut nunaqarfiummullu ilisimatinneqartarput katersuisoqangajaleraangat, najugaqarfinni tusagassiorfiit aqutugalugit imaluunniit biilinit, qamuteralannut umiatsiaanullu piginnittut ilisimaneqarsimatillugit saaffiginnissuteqartarnikkut. Katersuisoqalinnginnerani siumoortumik nalunaaruteqartoqartarpoq sapaatit akunneri 2-niit 6-inut sioqutisumik, kommunillu amerlasuut erseqqissaatigisarpaat maaniinnarmiittut peerneqassasut piginnittumut akisussaaffigisassanngorlugit akiligassanngorlugillu. Kommunimi ataatsimi akuttunngitsumik biilnik piginnittut biilikuminnik tunniussinnaatittarpaat, piginnittunut nalinginnaasumik suujunnaarsitsisarnermi akitsuummik akileeqqusinngikkaluarluni. Kingullermik ingerlatsinermi biilit suujunnaarsittariiallit 40-it tunniunneqarput kommunip eqqakkanut tigooraavianut. Peqatigitilluguli kommunimi innuttaasunut naatsorsuutiginninnermik pilersitsisoqarpoq, aammaarluni biilnik suujunnarsitsisoqarsinnaassasoq suujunnaarsitsisarnermi akitsuuteqanngitsumik.

Umiarsualiveqarfinni umiarsualivinnut akisussaasut angallatikunut umiatsiakunullu atorunnaarsimasunut kiveriaannarnullu sumiiffiit soqanngitsinniartarpaat. Kommunit ilaanni ingerlaavartumik katersuisoqartarpoq, kommuninili allani akuttunngitsumik katersisoqarnissaa siumoortumik nalunaarutigineqartarluni. Umiarsualiviit ilaanni pingaartumik angallatinik nuannaariutinik umiatsianillu piginnittut akulerutsinneqartarput katersinermut, tassami tamakku umiarsualivinni oqartussaasunit nalunaaqutsiussatut tunniussanit umiatsiaatik nammineq pigisamittut nalunaaqutsersimasartussaagamikkut. Piffissap siumoortumik nalunaarfiusup kingorna umiarsualivinni oqartussaasunit angallatit umiatsiallu piginnittoqarneranik nalunaaqutaqanngitsut illuartinneqartarput umiarsualiviup ilaanut angallaffiuvallaanngitsumut.

Kommunit nalinginnaasumik tunuarsimaartarput uninngaannartunik nalilinnik peersitsinissamut, kommuninilu amerlasuuni biilit, qamuteralaat umiatsiaallu kommunimi katersuivimmut katersortiinnarneqartarput. Umiarsualivinni oqartussaasunitaaq nukissat/sulisut atorneqar-tarput angallatikut umiatsiakullu puttasut imaarsaammik imaarsarneqartarnerinut.

Kommunimi suliarineqarsimavoq nammineq aaqquissuussilluni atortut maangaanaq qimatat, pingaartumik biilit umiatsiallu, inuttassarsiortarnerat, uninngatittarnerat peertarnerallu. Kommunip atortut maangaanaq qimatat inuttassarsiortarpai Nuummi ugeaviisimi assingat ilanngullugu allaaseralugit piginnittorlu kajumissaarneqartarpoq piffissarititap aalajangikkap iluani pigisani aaqqullugu. Ilisimatitsissutigineqartarpoq piffissarititap naanerata kingornatigut atortoq piginnittup akiligassaanik kommunip

uninngatitsisarfiannukaanneqassasoq qaammatillu aqqaneq marluk qaangiunneranni peerneqassasoq.

Avatangiisilli pillugit peqqussummi atuuttumi taamatut aqqissuussinissamut tunngavissaqanngilaq, atortumik qimaannakkamik piginnittumut illoqarfimmilu innuttaasunut biilnik, angallatinik assigisaannillu maangaannaq qimatsiviunngitsumik illoqarfeqarusuttunut naapertuutuusorinaraluartoq.

Maangaannaq inissinneqarsimasunik kommunit peersitsisarnerat naammagittaalliornermik kinguneqarsinnaavoq, pisunilu ataasiakkaani aamma eqqartuussivitsigut suliassanngortitsinerlut taarsiiffigeqqusilluni piumasaqaateqarnernut. Naammagittaalliornerilli nalinginnaasumik piginnittumik oqaloqateqarnikkut iluarsivigineqartarput. Taamaasilluni kommunip ataatsip biilit iluarsaatinneqarnerat akilersimavaa, katersinermi igalaava aserorneqarsimasoq, kommunilu alla taarsiiffigineqarnissaq pillugu isumaqatigiissuteqarsimavoq kommunip ilitsivigineqartup peersinneqarnerata kingorna. Ilanngullugu kommuni ataaseq marloriarluni piumaffigineqarnikuusimavoq akiligassat sinnerinik akileeqquneqarluni inummut allamut biilnik maangaannaq inissisimasunik peersitsereernerup kingorna. Peersitsinerli assersuutigalugu biilimik maangaannaq inissinneqarsimasumik pisimappat inatsisiliorneq atuuttoq naapertorlugu, qularnaveeqqusiisimasup qularnaveeqqusiussaatilillu akornanni pissutsit kommunimit susassarineqassanngillat. Pissuserli taanna, tassunga ilanngullugu qularnaveeqqusikkamut ajornerulersitsinermik piumasaqaat imaluunniit annertuumik sumiginnaaneq, qularnaveeqqusiinermi allagartamik aamma qularnaaveeqquserneqarluni isumaqatigiissumik iluarsivigineqartarpoq.

Naammagittaalliuutit aamma eqqartuussivitsigut suliassanngortitsinerit ataasiakkat tunngatilugit kommuninit amerlanerpaanit kissaataavoq, maangaannaq inissinneqarsimasunik peersitsinerlut assigiiaartunik maleruagassanik atortuulersitsisoqassasoq. § 35c, imm. 1-imi kommunalbestyrelsi tunngavissinneqarpoq stoffi imaluunniit atortoq maangaannaq inissitaq igitatut isigineqassanersoq aalajangiiffigissallugu. Atortup patsiseqanngitsumik igitatut taaneqarnera peerneqarneralu pinngitsoorumallugit kommunimi ataatsimi aqqissuussineq Nuummi atorneqartoq kommunini allani atorneqartariaqaralarpoq. Atortunut inatsisit malillugit piginnittuusoq imaaliinnaq sumiissusersineqarsinnaanngippat kommunit allagarsiineq, anonceliineq allaluunniit alla sumiiffimmi atugaasoq atorlugu tamanut nalunaarutigissavaa atortoq pineqartoq igitatut isigineqassasoq. Nuup kommuneani atortoq qimaannagaq qaammatini aqqaneq marlunni inuttassarsiorneqarlunilu uninngatinneqartarpoq. Siunnersuutikkut nunatsinni kommunini aqqissuussineq taamaattoq eqqunneqassasoq kiisaatigineqarpoq, taamaattorli periarfissillugu qaammatini pingasuni inuttassarsiuereernikkut atortut maangaannaq qimatat peerneqarnissaat. Qaammatini pingasuni inuttassarsiuineq naammaginartumik sivisussusillitut isigineqarpoq piginnittup ajornartorsiummik paasinninnissaanut uninngatitsinerullu akuerineqanngitsup taartissaanik nassaarnissamut, tamatumalu peqatigisaanik kommunini saliiuartoqarsinnaalluni. Taamaattumik § 35c, imm. 1, 2. pkt.-ikkut siunnersuutigineqarpoq biilit, umiarsuit, angallatit, snescooterit pigisallu annerusut

allat kommunimit peerneqartarnerannut tunngaviussasoq atortup minnerpaamik qaammatini pingasuni inuttassarsiorneqarsimanissaa.

Kommunalbestyrelsip atortoq aalajangersimasoq igitatut isigineqassanersoq pillugu aalajangernera ilaatigut tusarniaaneq tunngaviliinerlu pillugit inatsisinut nalinginnaasunut ilaavoq pisortat aqutsineranni suliat suliarineqartarnerat pillugu inatsisartut inatsisaanni takuneqarsinnaasut.

§ 35c, imm. 2-mi kommunalbestyrelsi pisussaaffilerneqarpoq peqqussummi malittarisassat malittarisassallu Namminersornerullutik Oqartussat igitat peerneqartarnerat pillugu nalunaarutaata malitsigisai naapertorlugit eqqakkat passunneqarnerannut maleruagassiornissamut, avatangiisilli pillugit inatsisartut peqqussutaanni atuuttumi tunngavissaqanngilaq piumasarissallugu igitat pillugit taamaattunik maleruagassiortoqarnissaanut. Siunnersuutikkut matumuuna tamanna iluarsineqassaaq. Kommunalbestyrelsit ataasiakkaat eqqakkanut aaliangersakkanut malittarisassanut aaqissugaanerannullu aalajangiisarnissaat pisariaqarpoq, tassami eqqaanermut aaqqiassuussinerit ilitersuussinermullu aaqqissuussinerit eqqakkat pitsaasumik ingerlanneqarneranni qitiullutik ilaalluinnarmata.

Eqqakkanut maleruagassiat inatsisit atuuttut naapertorlugit suliarineqartarnissaat qulakkeerumallugu § 35, imm. 2 ilanngunneqarpoq tassani aalajangigaalluni kommunit eqqaanermut maleruagassiaat Naalakkersuisut akuerissagaat. Ullumikkut malittarisassiat Avatangiisinut Pisorta qarfimmu ilisimatitsissutit nassiunneqaannartarput akuerineqarnissaat piumasarineqarani. Misilittakkat malillugit tamatuma kingunerisimavaa komunit tamarmik ameruagassianik ilisimatitsissutit nassiussisanginnerat kommunillu tamarmik oqaaseqarfigineqartanginnerat. Taamaattumik maleruagassiat ilai inatsisit paatssorneqarnerannik kukkusumillu paasineqarnerannik ilaqartarput.

Aalajangersakkami § 35c, imm. 3-mi tunngavissiineqarpoq kommunalbestyrelsit eqqakkat uninngatinneqarnerat, passunneqarnerat peerneqarnerallu pillugit peqqussuteqarnissamut inerteqquteqarnissamullunniit kommunalbestyrelsit pisussaataitanerat. Kommunalbestyrelse periarfissaqassaaq ingerlatamut ingerlatiinnarneqartumut immikkut iliuseqarnissamik peqqussuteqarnissamut inerteqquteqarnissamullunniit, eqqakkat avatangiisit eqqarsaatigalugit illersorneqarsinnaasumik kommunimit paasineqarpata uninngatiinnarneqartut, suliarineqarsimanngippata iginneqarsimanngippatalunniit.

§ 35c, imm. 4-mi siunnersuutigineqarpoq kommunit eqqakkanut pilersarusiussasut nalunaarsuusiussasullu kommunip eqakkanut pilersaarutaanut atasumik. Nalunaarsuineq pilersarusiornerlu pissaaq Naalakkersuisut tamakkiisumik eqqakkanik ingerlatsinissamut pilersaarutaat aammalu Naalakkersuisut maleruagassiaat aalajangersagaq inatsisartut peqqussutaanni takuneqarsinnaasoq naapertorlugu.

"Eqqakkat amerlassusiat eqqakkallu ingerlasarnerat" pillugu misilillumik pilersaarut aallartinneqarpoq. Pilersaarummi qulaajarneqassaaq qitiusumik nalunaarsueriaatsip suliarineqarsinnaanissaa, taamaalilluni kommunit nalunaarutaat

assigiilersillugit nunalu tamakkerlugu paasissutissanut tunngavissat imminnut sanilliussorlugit.

KOmmunip eqqakkanut pilersaarutaata suliarineqarnerata inernerissavaa eqqaaveqarfiit tamakkiinerusumik ingerlanneqarnerat eqqakkanillu piaanermik nakkutigineqanngitsumik annikillisaaqataalluni. Eqqakkat passunneqariaasiata siunertaqartumik ineriartortinneranut tunngaviit ilagissavaat eqqakkanik suliarinnittarfiit sumi inissinneqarnerat (eqqaaveqarfiit, ikuallaasarfiit, stationit tiguisarfiit il.il.) pissammat eqqakkat peerneqartariaqarnerata avatangiisillu maluttarissusiata nalilersornerat aallaavigalugu. Aamma eqqaaveqarfiit ataasiakkaat tiguisinnaassuseqarnissaat sukumiinerusumik nalilersortariaqarpoq. Tamatuma eqqakkat nalunaarsornissaat piariaqalersippaa. Aamma eqqakkat nalunaarsornerat kommunillu eqqakkanut pilersaarusiornera kommunit aningaasanik eqqaavilerinermut atorneqavittartunik tamakkiisumik takunnissinnaanerannut ikiuutaassaaq, kiisalu siunissami aningaasaliissutit eqqarsaatigilluarnissaannut, taamaalilluni aningaasat missingersuutini ilanngunneqartillugit.

Kommunip eqqakkanut pilersaarutaa eqqaaveqarfiup sumi inissinneranut pingaartumillu suliffeqarfinnut mingutsitsisunut akuerineqaaqusaasunut tunngassaaq, kiisalu allanut eqqakkanik aqutsinerup isumannaatsup tunngavissaanut. Pilersaarummi qulakkeerneqassaaq igitat ingerlasarnerata aqunneqarnera aaqutigalugu inuiaqatigiit aningaasaqarnerannut pitsaanerpaamik aqqissuussinissaq. Igitat pillugit maleruagassiat atuuttut misissuataarneranni paasinarsivoq eqqaasarnerup il.il. atuisunit akilerneqartarnera kommunit tamarmik atungikkaat. Miljustyrelsep nalunaarutaani "Kalaallit Nunaanni eqqakkat aqunneqarnerannut aningaasat atorneqartartut" oktober 2003-meersumi oqaatigineqarpoq nalilertariaqartoq kommunit eqqaanermut akiliutigittagaat eqqakkat ikiliartortinnissaannut pisarialimmik kajumissaataanersut aamma avatangiisini ajornartorsiutit eqqakkanut atasut killilernisaat ilanngullugu, aammalu nalilertariaqarluni igitanut elektronikkimeersunut akiliteqartitsisarneq eqqakkat taakkua ajornartorsiutaasarnerannut aaqqiissutaasinnaasoq.

§ 35d-mut.

§ 35d-mi pineqarpoq igitat peerneqarnerannut atatillugu akissaajaatit matunissaannut kommunalbestyrelsep akiliutinik aalajangiisinnaatitaanera. Inatsisartut peqqussutaanni atuuttumi § 8, imm. 2 ullumikkut akiliuteqaqqusinermut tunngaviusoq ersarinngitsorujussuovoq. Ilaatigut nalornissutigineqartarsimavoq akiliuteqaqqusinermut ilaasinnaanersut. Siunnersuummi § 35d-p oqaasiliorneqarneratigut ajornartorsiut tamanna pitsanngorsarneqassaaq eqqaaveqarnerullu tungaatigut malittarisassat ersarinnerulerlutillu takulertoruminarnerulissapput.

Avatangiisit pillugit peqqussummut atuuttumut aalajangersakkap ilanngunneqarnissaa siunnersuutigineqarpoq, siunnersuummut nalinginnaasumik nassuiaatini allaaserineqartut avatangiisinut aningaasartuutit allatut isigineqartalernerannut takussutissaassammat. Eqqakkanik uninngatitsinermut aningaasartuutitut ilaapput uninngatitsivimmik pilersitsineq ingerlatsinerlu, kiisalu

sumiiffimmik saliinermut, nakkutilliinermut pilersitseqqiinemullu aningaasartuutit, ulloq taanna sanaartorfik atorunnaarsinneqarpat.

§ 35d-mi aalajangersakkani immiini oqimaaqatigiinneq tunngaviuvoq. Tunngavigisami tunngavineqarpoq akiliutigeqqusat eqqakkat passunneranni akissaajaaterpianut takussutissaassasut. Tassalu imaappoq akissaajaatit kommunalbestyrelsit ataasiakkaat eqqakkanik passussinerannut peersinerannullu tunngasut tamarmik akiliummut ilanngunneqarsinnaanerit. § 35d, imm. 1, nr. 1-4-ip oqaasiliornisaanut maanna siunnersuutaasoq malillugu akiliutip aalajangernissaani inerlatsinermut aningaasaliinermullu akissaajaatit, kiisalu paasissutissat katersornerannut akissaajaatit kiisalu matuneqarsinnaapput kommunip eqqakkanik piiaaneranut toqqaannartumik tunngagunik.

Kommunalbestyresit namminneq aalajangissavaat eqqakkanut tunngasut qanoq annertutigisumik akiliutitigut aningaasalersugaanissaat kissaatiginerlugu. Taamaattoq kommunalbestyrelsip qaqugukkulluunniit akiliutit angissusiata naatsorsornera tunngavigisaalu nassuiarsinnaasariaqarpai. Akiliutigeqquneqartut taamaallaat takutissavaat kommunip igitanik peersinermut tunngatillugu akissaajaaterpiai, uninngatitsiviulli atorunnaarsinneqarneranut suliareqqinneqarneranullu aningaasartuutit ilanngunneqassagaluarpata, kommunip takutissinnaasariaqarpaa tamatuma naammaginarpuunera. Kommunalbestyrelse igitat passunnerannut tassungalu tunngasunut akissaajaatit uppersarsinnaasani sipporlugit akileeqqusisinnaanngilaq.

Innuttaasup kialuunniit imaluunniit suliffeqarfiup qaqugukkulluunniit paasiumasinnaavaa ingerlatat suut akiliutikkut matuneqarnersut aammalu kommunalbestyrelsip tamatumunnga tunngatillugu akissaajaaterpiai paasiumasinnaallugit. Aalajangersakkatut allatuulli akiliutit pillugit aalajangiinerit Inatsisartut Avatangiisit illersorneqarnerat pillugu Maalaarnermut ataatsimiititaannut suliaassanngortinneqarsinnaapput, tak. avatangiisit pillugit peqqussummi § 41.

§ 35d, imm. 2 naapertorlugu, eqqagassanut akiliuteqartitsinerit inummut, suliffeqarfimmut, sullissimeqarfimmut imaluunniit umiarsualivimmut nunaminertamik atuisussanngortinneqartunut imaluunniit nunaminertamik atuisussaatinneqartunut, eqqakkat pilerfiinut, isumagisassanngortinneqassapput. Aalajangersagaq taanna, pisumi aalajangersimasumi illuutimik piginnittup imaluunniit attartortup, kommunip eqqakkanut akiliuteqartitsinerinut akiliisussaataitasunut nalornisoortoqarnissaa pillugu ilanngunneqarpoq.

§ 35e-mut

Inatsisartut peqqussutaanni § 34 malillugu imerpalasut akoorutillu mingutsitsisartut immamut imermullu akuliunneqarnissaat inertequtaavoq, kisianni igitat nunami mingutsitsinermik kinguneqarsinnaasut uninngatitaanerannut inerteqquteqanngilaq. Taamaattumik siunnersuutigineqarpoq silaannaap, erngup, sikip, qaqqap nunallu mingutsinneqarnissaat ataatsimoortillugit § 35e-mut ilaanngunneqassasut.

§ 35e-mi pineqarput akoorutit, nioqqutissiat atortussallu silaannarmik, imermik, sikumik, qaqqamik nunamillu mingutsitsisinnaasut. § 35e, imm. 1, nr. 1 malillugu tamakkua nunamut siumulluunniit assaateqqusaanngillat. § 35e, imm. 1, nr. 2 malillugu nunamut sikumulluunniit kuutsillugilluunniit uninngateqqusaanngillat aamma § 35e, imm. 1, nr. 3 malillugu nunap iluanut kuutseqqusaanngillat.

Inerteqqummi ilaatinneqanngilaq angerlarsimaffinniit imeq igitaq nalinginnaasoq § 34, imm. 2 –mi malittarisassat malillugit nuamut aniatinneqarsinnaasoq.

§ 35e malillugu mingutsitsinermut inerteqqut atorneqassaaq, eqqakkanik pilersitsioq igitassanik amerlasuunik uninngatitaqarpat uninngatitsinerlu mingutsitsinermik kinguneqaratarsinnaappat, soorlu eqqakkat uninngatinneqarfianniit aniasoqarpat imaluunniit oliap nappartatoqai oliamik imallit arriitsumik erngarpata imatullu inissisimallutik upperatarsinnaallutik.

§ 35e-tut siunnersuut aamma suliffeqarfiit immikkut annertuumik mingutsitsisut akuerineqartarnerat pillugu § 16-imut ikorfartuutaavoq. Siunnersuummi erseqqissarneqarpoq malittarisassaq pingarneq tassaasoq avatangiisit mingutsinneqarnerat inerteqqutaasoq, aammalu mingutsitsisunik ingerlataqartoqassappat §§ 16-20-mi malittarisassat malillugit Naalakkersuisut akuersinerat pisariaqartoq.

Eqqakkanut katersiviit uninngatitsiviillu, tamatumani ilanngullugit katersuisarfiit, eqqaaveqarfiit uninngatitsiviillu immikkut ittut imerpalasunut kiviorartunut sinnikunulluunniit atorneqartut kiisalu oliamit akoorutissanillu igitanik tigooraaviit suliffeqarfiit immikkut annertuumik mingutsitsisut sanaartukkallu akuerineqartariaqartut nalunaarsorfianni ilaapput, tak. Namminersornerullutik Oqartussat suliffeqarfiit immikkut annertuumik mingutsitsisut il.il. avatangiisitigut akuerineqarnissaat pillugu nalunaarutaanni nr. 11-imi 20. august 2004-meersumi § 16, imm. 2 tunngavigalugu pilersitami malittarisassat. Akuerineqareermanissamik piumasamut ilaapput suliffeqarfiit nutaat imaluunniit suliffeqarfiit pioreersut allannngortinneri annertusinerilu, ksianni sanaartukkat pioreersut, soorlu eqqaavitoqqat, nalunaarummi malittarisassat malillugit akuerineqarnissamik qinnuteqarsinnaallutik. Peqqussummili § 17 malillugu Naalakkersuisut sanaartukkat pioreersut akuerineqarnissaat pillugu malittarisassiorsinnaapput immikkut mianerisassaqarpat, tamatumani ilanngullugu mingutsitsisoqarsinnaanera.

§ 35f-imut.

§ 35f-imi pineqarpoq igitat eqqunneqarnerata inerteqqutaanera siunneqarporlu igitat uninngatitassat ikuallatassallu eqqunnerannut Kalaallit Nunaata illersugaanissaa. Igitat Kalaallit Nunaannut eqquuneqarnerannut inerteqqut igitanut assigiinngitsunut tamanut atuuppoq, pineqanngippata igitat atoqqinneqarnissaat siunertaralugu igitat navianaateqanngitsut eqqunneqarnerat.

Aalajangersagaq aamma Baselimi isumaqatigiissutp piviusnngortinnerata ilagaa, tassani pineqarluni igitat navianartut kalaallit inatsisaanni eqqunneqarnerat

anninneqarnerallu. Baselimi isumaqatigiissut 1994-imi Danmarkimit akuerineqarpoq Kalaallit Nunaat immikkut piomasaqartinnagu.

Baselimi isumaqatigiissummi malittarisassat pingaarnerit tassaapput igitat navianartut suulluunniit illuatungerisammit illuatunerisamut ingerlateqqinneqrsinnaanngitsut taaneqartup kingulliup allaganngorlugu ersarissumillu nassiussap tigusissaa akuerisimanngippagu, tak. Baselimi isumaqatigiissummi artikel 4. § 35f, imm.2 siunnersuutaasoq malillugu igitanik eqqussineq taamaallaat pisinnaavoq igitat navianartuunngitsut atoqqinneqarnissaat siunertaralugu equnneqarnerat pineqarpat, eqqussinerlu Naalakkersuisunit akuerisaappat. Igitat navianartuunngitsut eqqunnissaata akuerineqarnissaanut qinnuteqaat Avatangiisinut Pinngortitamullu Pisortaqarfimmut ingerlatinneqassaaq. Qinnuteqaat allaganngugaassaaq ilanngunneqassappullu igitat katitigaanerat, annertussusiat atoqqinnissaanullu pilersaarut pillugit paasissutissat, tamatumani ilanngullugit igitamik atorineqarqittussamik tigusisoq suliarinnittorlu pillugit paasissutissat.

§ 35f, imm. 3 siunnersuutigineqartoq Baselimi isumaqatigiissutip 1995-imi allannngortinneqarneranut Naalakkersuisut 7. januar 1998-imi akuerisaannut tunngatillugu isigineqassaaq. Baselimi isumaqatigiissutip allannngortinneqarneratigit inerteqqutaalerpoq igitat navianartut nunanit bilag VII-miittuniit bilag VII-iinngitsunut tunineqartarnissaat. Nunat bilag VII-miittut ilagaat OECD; nunat EU-miittut kiisalu Liechtenstein.

Nr. 11-mut.

Igitat ajornartorsiutaanerata pitsaanerpaamik aqqinnissaanut ataatsimoortumik takussutissaqarnissaq pilersaaruserlu tunngaviummata Naalakkersuisut inissisimanerat pillugu malittarisassaaq ilanngunneqarpoq. Igitat nalunaarsornerallu pillugit pilersaaruserneq qanoq iliorluni ineriartortinneqassanersut soqutigisariaqalerput. 1996-imi siullermeerutaasumik igitat suliarinissaannut pilersaarut pingaarneq nunamut tamarmut atuuttussaaq suliarineqarpoq. Igitat suliarinissaannut pilersaarut taanna 2003-mi nalilersorneqarpoq, nalilersuinerlu taanna tunngavigalugu Avatangiisinut Pinngortitamullu Pisortaqarfiup igitat suliarineqarnerat pillugu siunnersuut nutaaq suliaralugu ingerlappaa. Igitat suliarineqarnerat pillugu pilersaarummi pingaarnermi maannakkut Kalaallit Nunaanni eqqakkat passunneqarnerat atuuttoq nalilersorneqassaaq tamatumalu peqatigisaanik siunissamut isigisuussalluni aammalu piffissami aggersumi anguniakkat suliaassallu eqqakkanut pilersaarummiittut ilusilissallugit. Tamanna tunngavigalugu piffissamut ingerlatanullu pilersaaruserortoqassaaq. Taamaattumik Naalakkersuisut § 36b, imm. 1 naapertorlugu ukiut samanngorneri tamaasa eqqakkat suliarineqarnerannut pilersaaruserortassapput ukiuni aqqaneq marlunni tulliuttuni igitat passunneqartarnerat pillugu.

Aamma igitat suliarineqartarnerat pillugu pilersaarummi taamaattumi aaningaasatigit allafitsigullu aqutsinikkut kingunissat igitat suliarineqarnerannut

pilersaarummi missingernerata piviusunngortinnissaata kommunitut
Naalackersuisunullu kingunissai nassuiaatigineqartariaqarput.

Kommunit igitanik nalunaarsuinerat peqataassaaq nunatsinni tamani tamaani igitat amerlassusiata, suunerata passunneqariaasiatalu tamakkiisumik takusinnaalernissaannut. § 36b, imm. 2 malillugu kommunit igitanut pilersaarutaasa suliarineqarnerat pillugu malittarisassiussapput. Naalackersuisut pilersaarusionerfigissavaat kommunit igitat pillugit pilersaarutaasa imarisaat, piffissalersuinerit periaatsillu pilersaarutit suliarineqarnerannut tunngasut aamma kukkunersuinerit malittarisassat. Aamma Naalackersuisut malittarisassiorfigissavaat kommunini igitat pilersaarusionerannut suut tunngaviussanersut. Kiisalu Naalackersuisut malittrisassiorfigissavaat paasissutissat suut kommunit igitanik nalunaarsuinerit pilersaarusionermullu ilagitillugu katersussaneraat Naalackersuisunullu nassiullugit.

Nalunaarsuinerit illoqarfinni nunaqarfinnilu ataasiakkaani katersuinerit ingerlatitseqqinnermullu aqqissuussinerit ilaassapput, maannatuuttunut pilersaarutinullu tunngasut, tamatumani ilanngullugit atueqqinnissamut aqqissuussinerit. Tamatuma saniatigut igitat amerlassusiat, suunerat atortussallu amerlassusiat pillugit paasissutissat ilaassapput.

Aamma pilersaarummi takuneqarsinnaassapput igitanik tigsuinissamut, passussinissamut atueqqinnissamullu, sanaartukkat pioreersut pilersaarutaasullu iniisimaffii, igitat tunniussat amerlassusiat, passussisinnaassuseq sanaartukkallu qanoq sivisutigisumik atasinnaanera. Sanaartukkap sullissinerit nunataa, tassa illoqarfiup ilai suut, nunaqarfiit il.il. ilaanerat allanngornissaanillu pilersaarutit nalunaarneqassapput. Sanaartukkap aningaasaqarnera, avatangiisitigut pitsaassusia sanaartukkallu avatangiisinut qanittunut sunniinera pillugit ilisimatitsisoqassaaq.

Nr. 12-imut.

Avatangiisit illesorneqarnissaat pillugu Inatsisartut peqqussutaanni maanna atuuttumi § 40 tunngavissaqartillugu Inatsisartut maalaaruteqartarfittut ataatsimiititaliamik pilersitsissapput pingasunik ilaasortalimmik, taamatuttaaq Inatsisartut ataatsimiititaliamut siulittaasumik ilaasortanillu marlunnik toqqaassallutik.

Siunnersuutigineqarpoq, maalaaruteqartarfittut ataatsimiititaliaq siunissami avatangiisit pillugit maalaaruteqartarfittut ataatsimiititaliamik taaguuteqalissasoq. Taagutip allanngortinneqarnissaanik siunnersuuteqarneq taamaallat pivoq taassuma oqartussaaffeqarfiinik ersiuteqassammat taamatuttaaq maalaaruteqartarfittut ataatsimiititaliap ulluinnarni qanoq taagorneqartarnissaa naapertorlugu.

§ 40-p oqaasertaasa allannguuteqartinneqarnissaat siunnersuutigineqarpoq, taamaalilluni inatsiseqartitsineq avatangiisit pillugit maalaaruteqartarfittut ataatsimiititaliap qanoq sulineranut naapertuuttunngorniassammat. Eqqarsaatersornarpoq Inatsisartut peqqussutaata siunertarimmagu, avatangiisit

pillugit maalaaruteqartarfittut ataatsimiititaliaq inatsisiliortartunit pilersinneqarmat, imaattaraluartoq, ataatsimiititaliaq oqartussaasunit pilersinneqartaraluartoq.

§ 40, imm. 1-imi siunnersuutigineqartumi tunngavissalerluni Naalakkersuisut avatangiisit pillugit maalaaruteqartarfittut ataatsimiititaliamik pingasunik ilaasortalimmik pilersitsissapput. Inatsisartut inassuteqareernerisigut Naalakkersuisut ataatsimiititaliamut siulittaasumik ilaasortanillu marlunnik toqqaassapput, taakkunanga ataaseq KANUKOKA-mit inassuteqaatigineqassalluni.

§ 40, imm. 2 naapertorlugu, avatangiisit pillugit maalaaruteqartarfittut ataatsimiititaliami ilaasorta qinaluunniit Naalakkersuisunut ilaasortaassanngilaq.

§ 40, imm. 3 naapertorlugu siunnersuutigineqarpoq, avatangiisit pillugit maalaaruteqartarfittut ataatsimiititaliap Inatsisartut qinigaaffiisa piffissartaat malissagaa. Ataatsimiititaliaq atuutilissaaq Inatsisartut nutaat qinigaareerpata katersuutereerpatalu ataatsimiititaliamullu siulittaasussamik inassuteqareerpata. Qinigaaffiup nalaani Naalakkersuisut tunuarpata, Naalakkersuisut nutaat toqqarneqareerpata avatangiisit pillugit maalaaruteqartarfittut ataatsimiititaliamik toqqaasoqassaaq.

Inatsisartunut nutaamik qinersisoqareerpat, avatangiisit pillugit maalaaruteqartarfittut ataatsimiititaliap ilaasortaasa inassititneri Inatsisartut piumasaannut naapertuuttariaqanngillat. Tamatuma kingunerissavaa, ataatsimiititaliap sulinini kinguartikkallassagaa ilaasortat nutaat toqqarneqareerpata. Allattoqarfimmili suli akissuteqaatinik sulianillu suliarinnittarnerit allat ingerlanneqaannassapput, soorluttaa avatangiisit pillugit maalaaruteqartarfittut ataatsimiititaliap suliassat nukinginnartut suliarisinnaasassallugit, tamatumani tunngavissiuinerit pineqanngippata, assersuutigalugu maalaaruteqarfissap allallu piffissarititaasa qaangiunnerat pequtugalugu maalaarummik itigartitsinerit.

§ 40, imm. 4 naapertorlugu avatangiisit pillugit maalaaruteqartarfittut ataatsimiititaliamut immikkut ilisimasalimmik ilaatitaqartoqarsinnaavoq. Pissusissamisoortuuvoq avatangiisit pillugit maalaaruteqartarfittut ataatsimiititaliamut immikkut ilisimasalinnik aalajangersimasunik ilaatitaqartoqartarnissaa, ulluinnarnilu sulinissami najoqutassiamut tamanna aalajangersaavigineqassalluni. Suliat ataasiakkaat suliarineqarneranni pisariaqarfiatigut immikkut ilisimasalinnik pisariaqartunik aggersaasoqarsinnaasassaaq.

Avatangiisit pillugit maalaaruteqartarfittut ataatsimiititaliaq § 40, imm. 5-imi tunngavissaqarluni, ulluinnarni suleriaasissamik, inatsisartut peqqussutaanni killissarititat iluanni, aalajangersaassaaq.

Nr. 13-imut

§ 41, imm. 1, nr. 4 nutaaq peqqussummut atuuttumut ilanngunneqassasoq siunnersuutigineqarpoq. Tamatuma saniatigut § 41, imm. 3, nr. 3-p oqaasiliornera naapertuutinnigisq iluarsineqassasoq siunnersuutigineqarpoq.

§ 41-mi pineqarpoq inatsisartut peqqussutaat naapertorlugu imaluunniit taanna tunngavigalugu malittarisassiat. § 41, imm. 1-imi takuneqarsinnaavoq naammagittaaliuutit Inatsisartut naammagittaalliorneq pillugu ataatsimiititaannut peqqussummi atuummi § 40 malillugu pilersitaasumut ingerlatinneqartassasut.

Avatangiisit pillugit peqqussummi atuuttumi naammagittaalliorsinnaatitaasut ikittuinnangorlugit killiligaapput. Naammagittaalliorsinnaatitaasooq tassaavoq aalajangiinermi pineqartoq, tak. § 41, imm. 1, nr. 1, embedsleqegeqarfik, tak. § 41, imm. 1, nr. 2 aamma § 41, nr. 1, nr. 3 malillugu kinaluunniit nammineq soqutigisaqarsorineqartoq imaluunniit suliap inerneranut annertuumik soqutigisaqartoq. Naammagittaalliorsinnaasut taaneqartut kingulliit peqqussut atuuttoq malillugu suliani aalajangersimasuni amerlasinnaapput killileruminaallutillu, taamaattumik siunnersuutigineqarpoq oqaaliliornera iluarsineqassasoq taamaalilluni suliap inerneranut soqutigisaqarneq soqutigisaqarnertut pingaarutilimmillu soqutigisaqarnertut nalilerneqassalluni.

Oqaatigineqassaaq inuit ataasiakkaat soqutigisaqatigiit kattuffii suliffeqarfiillu naammagittaalliorsinnaatitaasinnaammata.

Naammagittaalliorsinnaatitaasunut maannakkut ilanngunneqarput peqatigiiffiit kattuffiillu sukisaarfiusartut pingaarutillit isumaginerannik soqutigisaqarnermik siunertaqartut, tak. § 41, imm. 4.

Aalajngersakkami siunniussaavoq peqatigiiffiit kattuffiillu maalaarsinnaatitaasut ikippallaassanngitsut. Peqatigiiffiit kattuffiilu pinngortitap avatangiisillu illersornisaannik siunertaqartut naammagittaalliorsinnaatitaasunut ilaatinneqassapput. Peqatigiiffiit kattuffiillu anguniakkatik malillugit Kalaallit Nunaanni tamarmi ingerlatsisut aalajangersakkat nunamut tamarmut sumiiffimmullu sunniutillit naammagittaalliuutiginissaannut pisinnaatitaassapput. Peqatigiiffiit katufiilu sumiiffinniittut anguniakkatik malilugit sumiiffimminniinnarminni suliniartut nunap immikkoortuanut suliffigisaminnut aalajangiinerit tunngasut pillugit naammagittaalliorsinnaatitaapput. Siunnersuummi siunniunneqarpoq sunngiffimmi soqutigisat silittumik paasineqassasut innuttaasut sunngiffimminni soqutigisaattut.

Siunnersuummi anguniakkap tunulequtigaa peqatigiiffiit kattuffiillu soorlu eqiingallutik pinngortitamik atuisut, kisianni pinngortitap avatangiisillu pillugit kattuffittut taaneqarsinnaanngitsut aamma naammagittaalliorsinnaatitaassasut inatsisartut peqqussutaat taannalu tunngavigalguu nalunaarutit naapertorlugit aalajangikkat pillugit.

Árhusimi isumaqatigiisummi innuttaasut avatangiisitigut pisiinnaatitaaffii pillugit avatangiisinut suliassaqarfinni paasissutissanik, tusarniaanissamik sunniuteqaqataannissamillu assigiissaarutinik tunngaviliisoqarpoq. Maalaaruteqarsinnasut amerlineqarnissaannut siunnersuut Árhusimi

isumaqatigiissummi artikel 9 tunngavigitinneqarpoq naammagittaalliuteqarnissamut eqqartuussisutigullu misiliinissamut tunngasunik, isumaqatigiissutilli atuutilersinneqarnissaata piumasaqaatigissavaa kalaallit inatsiseqartitsineranni assigiissaarutinik allanik ilanngussisoqarnissaa.

Naammagittaaliuutit naammagittaaliornermut Inatsisartut ataatsimiititaannit suliarineqartassapput inatsisartut peqqussutaanni atuuttumi § 40 malillugu. Naamagittaalliornermut ataatsimiititap suliami aalajangersimasumi aalajangissavaa naamagittaalorsinaatitaanermut piumasaasut naammassineqarsimanersut.

Nr. 14-imut.

Maannakkut § 44, imm. 1 malillugu pingaarnertut naammagittaaliuut akuerineqarnermut, pisinnaatitaaenrmut, peqqussummut inerteqqummulluunnit kinguartitsisuusaaq naammagittaalliornermut ataatsimiititap aalajngiinissaata tungaanut. Immukkut peequsstuninut inerteqqutinullu tunngatillugu naamagittaaliuutit kinugartitsinermik sunniuteqarnissaa pingaaruteqarpoq, tassami taamaangippat naammagittaaliuut akuttunngitsumik pingaaruteqanngissinnaammat peqqussut inerteqqulluunnit ingerlaannaq malinneqanngippat.

Naapertuuttuungilarli akuersissutit pisinnaatitsissutillu naamagittaaliortup kingursaanermik kingunilimmik malittarisassanut ilaanerat. Ulluinnarni kinguneraa pilersaarutit akuerisat, soorlu ruujorit pioreersut atorlugit imermik igitamik annerusumik aniatitsinissaq, piffissap nammagittalliorfissap naannginnerani naamagittalironermullu ataatsimiititap naamagittaaliuutaajunnartunut aalajangiinginnerani. Kinguarsaataasumik kinguneqarneq pingaartumik ajornartorsiutinik kinguartitsinernillu pilersitsissaaq suliffeqarfinnut aallartitsiniartunut sanartukkanilluunniit annertusaaniartunut §§ 16-20 malillugit suliffeqarfiup immikkut annertuumik mingutsitsisup akuerinissaa pillugu malittarisassanut ilaasumut.

§ 44-mut allanngortitamut ilanngullugu peqqussuteqarnermi inerteqquteqarnermilu naamagittaaliuut kisimi kinguartitsinermik sunniuteqarsinnaavoq. Tamatumuunakkut pisinnaatitsissutit, akuersissutit immikkullu akuersissutit ingerlaannaq atorineqarsinnaapput, naamagittaallironermut piffissarititap ingerlanerani naamagittaaliuutit takkunera apeqqutaatinnagu. Taamaattoq psinnaatitsissut nalunaarutigineqartoq nammineq akiligassatut atorineqassaaq naamagittaaliuutit suliarineqarnerata inernera aarlerinaateqarsinnaakkuni, tak. § 44a.

§ 44, imm. 2 naapertorlugu oqartussaasoq peqqussuumik inerteqqummilluunnit aalajangiisoq aalajangiisinnavoq aalajngiineq inerlaannaq atorineqalissasoq naamagittaaliuutigineqarakuarluni. Aalajangersagaq atorineqassaaq pissutsit immikkut ittu pisariaqartippassuk, tamatumani ilanngullugu mingutsitseriataarnissap killilernissaa.

§ 44-mi malittarisassat erseqqissarumallugit siunnersuutigineqarpoq § 44a inatsisartut peqqussutaannut nuaatut ilanngunneqassasoq. § 44a-mi erseqqissarneqarpoq pisinnaatitsissumut, akuerissummut immikkulluunniit akuersissummut naammagittaalliorneq kinguarsaammik kinguneqassanngitsoq Naalakkersuisut allatut aalajangiisimangippata. Naalakkersuisut immikkut ittumik periarfissinneqarput akuersissutit ilaasa akuerinissaannut, soorlu suliffeqarfinnut assigiinnut tamanut akuersissutit imaluunniit sanaartukkanut aalajangersimasumik pissusilinnut akuersineq piffissap maallarfissap naannginerani atorneqassanngitsoq. Naalakkersuisut aamma pisinnaanitaapput malittarisassiuutissalugu maalaarut kinguartitsinermik kinguneqassasoq. Aalajangersagaq atorneqassaaq ajornartorsiutit immikkut ittu ilimagineqarsinnaappata, sanaartugaq aallarteriigaq ajornaartorsiutaalersinnaasoq ilimagineqarpat kingusinnerusukkut allanngortinnissa pisariaqarluni, soorlu sanaartukkat immikkut annertusussillit aakisoqisulluunnit pineqartillugit sanaartukkap avatangiisunut iluarseeqiineqqrsinnaangitsumik kinguneqarneratigut imaluunniit sanaartukkap sumiiffimmi pingaarutilimmik inneratigut.

§ 44a, imm. 1-mi aalajangersakkap kingunerissanngilaa naammagittaaliorsinnatitaaffiup pisinnaatitsissutip, akuersissutip immikkulluunnit akuersissutip allanngortitsisinnaaneranik imaluunniit atorunnaarnissanik piunasaqarnera.

Nr. 15-imut.

Allannguut inatsisartut peqqussutaanni suliniutit pillugit malittarisassat ilassuteqarnisaata kingunissannut tunngavoq.

Pineqatissiissutissat ppillugit aalajangersakkat pisstunit Inatsisartut peqqussutaata atulereernerani pisunut tunngasuuvoq.

Nr. 16-imut

Siunnersuutigineqarpoq § 47-mut atuuttumut ilanngunneqasasoq § 47, imm. 2 nutaaq tamatumuunakkut ersarissumik tunngavissaqalerluni ataqatigiinnut ataatsimoortunut pineqaatissiinissamik malittarisassiornissaq inatsisartut peqqussutaat malillugu.

§ 2-mut

Siunnersuutigineqarpoq inatsisartut peqqussutaat 1. januar 2008-mi atuutilissasoq.

Namminerosrnerullutik Oqartussat eqqakkat peerneqarnerat pillugu nalunaarutaat nr. 28 17. september 1993-mimeersoq Namminersornerullullu Oqartussat oliamit akoorutissanillu igitat pillugit nalunaarutaat nr. 29 17. september 1993-imeersoq ilaatigut § 7, imm. 1, nr. 4 malillugit pilersitaapput.

§ 7, immikkortoq 1, normu 4 siunnersuummi matumani 35b-mik taarserneqassaaq. Aalangersakkat § 7, imm. 4, nr. 4-mi atuuttut siunnersuummi matumani § 35-mik taarserneqassapput. Nalunarutit inatsisartut peqqussutaanni atuuttumi § 7, imm. 1, nr. 4 malaiallugu pilersitaasut atuutiinassapput maanakkut imaluunnitt inatsisartut peqqussutaat allat tunngavigalugit allanngortinneqarigatik atorunnarsinneqqrigitilluunnit. § 35b siunnerssutigineqarpoq ilangunneqassasoq ersarinnerusumik tunnaveqalerumalluni ikkut 7, imm. 1, nr. 4-mit inatsisartut peqqusstaanni atuuttumit ersarinnerusumik tunngaveqalerumalluni. Eqqarsaataavoq siunnersuut manna atulerniariapat eqqakkat pillugit nutaamik nalunaarusirotoqassasoq.